

史记卷一零七

列传四十七 魏其武安侯列传

魏其侯窦婴者，孝文后从兄子也。父世观津人。喜宾客。孝文时，婴为吴相，病免。孝景初即位，为詹事。

注 索隐案：地理志观津县属信都。以言其累叶在观津，故云“父世”也。

正义观津城在冀州武邑县东南二十五里。

注 正义百官表云“詹事，秦官，掌皇后、太子家”也。

梁孝王者，孝景弟也，其母窦太后爱之。梁孝王朝，因昆弟燕饮。是时上未立太子，酒酣，从容言曰：“千秋之后传梁王。”太后驩。窦婴引卮酒进上，曰：

“天下者，高祖天下，父子相传，此汉之约也，上何以得擅传梁王！”太后由此憎窦婴。窦婴亦薄其官，因病免。太后除窦婴门籍，不得入朝请。

注 集解律，诸侯春朝天子曰朝，秋曰请。正义才性反。

孝景三年，吴楚反，上察宗室诸窦毋如窦婴贤，乃召婴。婴入见，固辞谢病不足任。太后亦鼻。于是上曰：“天下方有急，王孙宁可以让邪？”乃拜婴为大将军，赐金千斤。婴乃言袁盎、栾布诸名将贤士在家者进之。所赐金，陈之廊庑下，

军吏过，辄令财取为用，金无入家者。窦婴守荥阳，监齐赵兵。七国兵已尽破，封婴为魏其侯。诸游士宾客争归魏其侯。孝景时每朝议大事，条侯、魏其侯，诸列侯莫敢与亢礼。

注 索隐案：谓宗室之中及诸窦之宗室也。又姚氏案：酷吏传“周阳由，其父赵兼，以淮南王舅侯周阳，故因改氏。由以宗室任为郎”。则似是与国有亲戚属籍者，亦得呼为宗室也。

注 集解汉书曰：“窦婴字王孙。”

注 集解苏林曰：“令自裁度取为用也。”

注 正义监音甲衫反。吴王濞传云“窦婴屯荥阳，监齐赵兵”也。

孝景四年，立栗太子，使魏其侯为太子傅。孝景七年，栗太子废，魏其数争不能得。魏其谢病，屏居蓝田南山之下数月，诸宾客辩士说之，莫能来。梁人高遂乃说魏其曰：“能富贵将军者，上也；能亲将军者，太后也。今将军傅太子，太子废而不能争；争不能得，又弗能死。自引谢病，拥赵女，屏闲处而不朝。相提而论，是自明扬主上之过。有如两宫螫将军，则妻子毋类矣。”魏其侯然之，乃遂起，朝请如故。

注 正义栗姬之子，后废之，故书母姓也。

注 正义上音闲，下昌汝反。

注 集解徐广曰：“提音徒抵反。”索隐提音弟，又音啼。相提犹相抵也。论音路顿反。

注 集解张晏曰：“两宫，太后、景帝也。螫，怒也。毒虫怒必螫人。又火各反。”索隐螫音释。谓怒也，毒虫怒必螫人。又音火各反。汉书作“爽”，爽即螫也。正义两宫，太子、景帝也。

注 索隐谓见诛灭无遗类。

桃侯免相， 窦太后数言魏其侯。孝景帝曰：“太后岂以为臣有爱， 不相魏其？魏其者，沾沾 自喜耳，多易。 难以为相，持重。”遂不用，用建陵侯卫綰为丞相。

注 集解服虔曰：“刘舍也。”

注 索隐爱犹惜也。

注 集解徐广曰：“沾，一作‘怙’。又昌兼反，又当牒反。”

注 集解张晏曰：“沾沾，言自整顿也。多易，多轻易之行也。或曰沾音檐也。”

索隐沾音檐，又音当牒反。小颜音他兼反。檐音如字，又天牒反。檐音尺占反。

武安侯田蚡 者，孝景后同母弟也，生长陵。魏其已为大将军后，方盛，蚡为诸郎， 未贵，往来侍酒魏其，跪起如子姓。及孝景晚节， 蚡益贵幸，为太中大夫。蚡辩有口，学盘盂诸书， 王太后贤之。 孝景崩，即日太子立，称制，所镇抚多有田蚡宾客计策，蚡弟田胜，皆以太后弟，孝景后三年封蚡为武安侯，胜为周阳侯。

注 索隐扶粉反。如“蚡鼠”之“蚡”，音坟。

注 集解徐广曰：“一云‘诸卿’。时人相号长老老者为‘诸公’，年少者为‘诸卿’，如今人相号为‘士大夫’也。”

注 索隐按：谓晚年也。

注 集解应劭曰：“黄帝史孔甲所作铭也。凡二十九篇，书盘盂中，所为法戒。

诸书，诸子文书也。”孟康曰：“孔甲盘盂二十六篇，杂

家书，兼儒、墨、名、法。”

注 集解徐广曰：“即蚡同母姊者。”

注 集解徐广曰：“孝景后三年即是孝武初嗣位之年也。”

注 正义绛州闻喜县东二十里周阳故城也。

武安侯新欲用事为相，卑下宾客，进名士家居者贵之，欲以倾魏其诸将相。建元元年，丞相绾病免，上议置丞相、太尉。籍福说武安侯曰：“魏其贵久矣，天下士素归之。今将军初兴，未如魏其，即上以将军为丞相，必让魏其。魏其为丞相，将军必为太尉。太尉、丞相尊等耳，又有让贤名。”武安侯乃微言太后风上，于是乃以魏其侯为丞相，武安侯为太尉。籍福贺魏其侯，因吊曰：“君侯资性喜善疾恶，方今善人誉君侯，故至丞相；然君侯且疾恶，恶人觴，亦且毁君侯。君侯能兼容，则幸久；不能，今以毁去矣。”魏其不听。

魏其、武安俱好儒术，推轂赵绾为御史大夫，王臧为郎中令。迎鲁申公，欲设明堂，令列侯就国，除关，以礼为服制，以兴太平。举适诸窦宗室毋节行者，除其属籍。时诸外家为列侯，列侯多尚公主，皆不欲就国，以故毁日至窦太后。太后好黄老之言，而魏其、武安、赵绾、王臧等务隆推儒术，贬道家言，是以窦太后滋不说魏其等。及建元二年，御史大夫赵绾请无奏事东宫。窦太后大怒，乃罢逐赵绾、王臧等，而免丞相、太尉，以柏至侯许昌为丞相，武强侯庄青翟为御史大夫。魏其、武安由此以侯家居。

注 索隐案：推轂谓自卑下之，如为之推车轂也。

注 索隐谓除关门之税也。

注 索隐案：其时礼度踰侈，多不依礼，今令吉凶服制皆法于礼也。

注 索隐适音直革反。

注 集解韦昭曰：“欲夺其政也。”

武安侯虽不任职，以王太后故，亲幸，数言事多效，天下吏士趋势利者，皆去魏其归武安，武安日益横。建元六年，窦太后崩，丞相昌、御史大夫青翟坐丧事不办，免。以武安侯蚡为丞相，以大司农韩安国为御史大夫。天下士郡诸侯愈益附武安。

注 索隐按：谓仕诸郡及仕诸侯王国者，犹言仕郡国也。

武安者，貌侵，生贵甚。又以为诸侯王多长，上初即位，富于春秋，蚡以肺腑为京师相，非痛折节以礼诎之，天下不肃。当是时，丞相入奏事，坐语移日，所言皆听。荐人或起家至二千石，权移主上。上乃曰：“君除吏已尽未？吾亦欲除吏。”尝请考工地益宅，上怒曰：“君何不遂取武库！”

是后乃退。尝召客饮，坐其兄盖侯南乡，自坐东乡，以为汉相尊，不可以兄故私桡。武安由此滋骄，治宅甲诸第。田园极膏腴，而市买郡县器物相属于道。前堂罗钟鼓，立曲旃；后房妇女以百数。诸侯奉金玉狗马玩好，不可胜数。

注 集解韦昭曰：“侵音寢，短小也。又云丑恶也，刻确也。音核。”索隐案：

服虔云“侵，短小也”。韦昭云“刻确也”。按：确音刻。又孔文祥“侵，丑恶也。音寢”。

注 索隐按：小颜云“生贵谓自尊高示贵宠”，其说疏也。按：生谓蚡自生尊贵之势特甚，故下云“又以诸侯王多长年，蚡以肺腑为相，非痛折节以礼屈之，则天下不肃”者也。

注 集解张晏曰：“多长年。”

注 索隐腑音府。肺音废。言如肝肺之相附。又云柿，木札，附木皮也。诗云“如涂涂附”，以言如皮之附木也。正义颜师古曰：“旧解云肺附，如肝肺之相附着也。一说柿，斫木札也，喻其轻薄附着大材。”按：颜此说并是疏谬。

又改“腑”为“附”就其义，重谬矣。八十一难云：“寸口者，脉之大会，手太阴之动脉也。”吕广云：“太阴者，肺之脉也。肺为诸藏之主，通阴阳，故十二经脉皆会乎太阴，所以决吉凶者。十二经有病皆寸口，知其何经之动浮沉澹滑，春秋逆顺，知其死生。”顾野王云：“肺腑，腹心也。”案：说田蚡为相，若人之肺，知阴阳逆顺，又为帝之腹心亲戚也。

注 索隐案：痛，甚也。欲令士折节屈下于己；不然，天下不肃。或解以为蚡欲折节下士，非也。案：下文不与其兄盖侯，知或说为非也。

注 集解汉书百官表曰少府有考工室。如淳曰：“官名也。”

注 集解徐广曰：“王后兄王信也。泰山有盖县，乐安有益县也。”

注 集解徐广曰：“为诸第之上也。”

注 集解如淳曰：“旌旗之名。通帛曰旃。曲旃，僭也。”苏林曰：“礼，大夫建旃。曲旃，柄上曲也。”索隐按：曲旃，旌旗柄上曲，僭礼也。通帛曰旃。

说文云曲旃者，所以招士也。

魏其失窦太后，益疏不用，无势，诸客稍稍自引而怠傲，唯灌将军独不失故。

魏其曰默默不得志，而独厚遇灌将军。

灌将军夫者，颍阴人也。夫父张孟，尝为颍阴侯婴舍人，得幸，因进之至二千石，故蒙灌氏姓为灌孟。吴楚反时，颍阴侯灌何为将军，属太尉，请灌孟为校尉。夫以千人与父俱。

灌孟年老，颍阴侯强请之，郁郁不得意，故战常陷坚，遂死吴军中。军法，父子俱从军，有死事，得与丧归。灌夫不肯随丧归，奋曰：“愿取吴王若将军头，以报父之仇。”于是灌夫被甲持戟，募军中壮士所善愿从者数十人。及出壁门，莫敢前。独二人及从奴十数骑驰入吴军，至吴将麾下，所杀伤数十人。不得前，复驰还，走入汉壁，皆亡其奴，独与一骑归。夫身中大创十余，适有万金良药，故得无死。夫创少瘳，又复请将军曰：“吾益知吴壁中曲折，请复往。”将军壮义之，恐亡夫，乃言太尉，太尉乃固止之。吴已破，灌夫以此名闻天下。

注 索隐案：何是婴儿，汉书作“婴”，误也。

注 集解汉书音义曰“官主千人，如候司马”。

注 集解张晏曰：“自奋励也。”

注 正义谓大将之旗。

颍阴侯言之上，上以夫为中郎将。数月，坐法去。后家居长安，长安中诸公莫弗称之。孝景时，至代相。孝景崩，今上初即位，以为淮阳天下交，劲兵处，故徙夫为淮阳太守。建元元年，入为太仆。二年，夫与长乐卫尉窦甫饮，轻重不得，夫醉，搏甫。甫，窦太后昆弟也。上恐太后诛夫，徙为燕相。数岁，坐法去官，家居长安。

注 集解晋灼曰：“饮酒轻重不得其平也。”

注 索隐搏音博，谓击也。

灌夫为人刚直使酒，不好面谄。贵戚诸有势在己之右，不欲加礼，必陵之；诸士在己之左，愈贫贱，尤益敬，与钧。稠人广觴，荐宠下辈。士亦以此多之。

夫不喜文学，好任侠，已然诺。诸所与交通，无非豪桀

大猾。家累数千万，食客日数十百人。陂池田园，宗族宾客为权利，横于颍川。颍川儿乃歌之曰：“颍水清，灌氏宁；颍水浊，灌氏族。”

注 索隐已音以。谓已许诺，必使副其前言也。

灌夫家居虽富，然失势，卿相侍中宾客益衰。及魏其侯失势，亦欲倚灌夫引绳批根生平慕之后弃之者。灌夫亦倚魏其而通列侯宗室为名高。两人相为引重，其游如父子然。相得驩甚，无厌，恨相知晚也。

注 集解苏林曰：“二人相倚，引绳直之，意批根宾客也。弃之者，不与交通。”

孟康曰：“根，根括。引绳以持弹。”索隐案：刘氏云“二人相倚，事如合绳共相依引也”。批音步结反。批者，排也。汉书作“排”。排根者，苏林云“宾客去之者不与通也”。孟康云“音根格，谓引绳排弹其根格，平生慕婴交而弃者令不得通也。小颜根音痕，格音下各反。骊谓引绳，排弹绳根括以退之者也”。持弹，案汉书本作“抨弹”，音普耕反。

注 集解张晏曰：“相荐达为声势。”

灌夫有服，过丞相。丞相从容曰：“吾欲与仲孺过魏其侯，会仲孺有服。”

灌夫曰：“将军乃肯幸临况魏其侯，夫安敢以服为解！请语魏其侯帐具，将军旦日蚤临。”武安许诺。灌夫具语魏其侯如所谓武安侯。魏其与其夫人益市牛酒，夜洒埽，早帐具至旦。平明，令门下候伺。至日中，丞相不来。魏其谓灌夫曰：“丞相岂忘之哉？”灌夫不怿，曰：“夫以服请，宜往。”乃驾，自往迎丞相。丞相特前戏许灌夫，殊无意往。及夫至门，

丞相尚卧。于是夫人入见，曰：“将军昨日幸许过魏其，魏其夫妻治具，自旦至今，未敢尝食。”武安鄂谢曰：“吾昨日醉，忽忘与仲孺言。”乃驾往，又徐行，灌夫愈益怒。及饮酒酣，夫起舞属丞相，丞相不起，夫从坐上语侵之。魏其乃扶灌夫去，谢丞相。丞相卒饮至夜，极驩而去。

注 集解汉书曰：“灌夫字仲孺。”

注 索隐案：服谓饘功之服也。故应璩书曰“仲孺不辞同生之服”是也。

注 集解徐广曰：“一云‘以服请，不宜往’。”索隐案：徐广云“以服请，不宜往”，其说非也。正言夫请不以服为解，蚡不宜忘，故驾自往迎也。

注 集解徐广曰：“一作‘悟’。”

注 索隐属音之欲反。属犹委也，付也。小颜云“若今之舞讠相劝也”。

丞相尝使籍福请魏其城南田。魏其大望曰：“老仆虽弃，将军虽贵，宁可以势夺乎！”不许。灌夫闻，怒，骂籍福。籍福恶两人有蚡，乃谩自好谢丞相曰：“魏其老且死，易忍，且待之。”已而武安闻魏其、灌夫实怒不予田，亦怒曰：“魏其子尝杀人，蚡活之。蚡事魏其无所不可，何爱数顷田？且灌夫何与也？吾不敢复求田。”武安由此大怨灌夫、魏其。

元光四年春，丞相言灌夫家在颍川，横甚，民苦之。请案。上曰：“此丞相事，何请。”灌夫亦持丞相阴事，为奸利，受淮南王金与语言。宾客居闲，遂止，俱解。

注 集解徐广曰：“疑此当是三年也。其说在后。”

夏，丞相取燕王女为夫人，有太后诏，召列侯宗室皆往

贺。魏其侯过灌夫，欲与俱。夫谢曰：“夫数以酒失得过丞相，丞相今者又与夫有蚡。”魏其曰：“事已解。”强与俱。饮酒酣，武安起为寿，坐皆避席伏。已魏其侯为寿，独故人避席耳，余半膝席。灌夫不悦。起行酒，至武安，武安膝席曰：“不能满觞。”夫怒，因嘻笑曰：“将军贵人也，属之！”时武安不肯。行酒次至临汝侯，临汝侯方与程不识耳语，又不避席。夫无所发怒，乃骂临汝侯曰：

“生平毁程不识不直一钱，今日长者为寿，乃效女儿咕囁耳语！”武安谓灌夫曰：“程李俱东西宫卫尉，今觴辱程将军，仲孺独不为李将军地乎？”

灌夫曰：“今日斩头陷匈，何知程李乎！”坐乃起更衣，稍稍去。魏其侯去，麾灌夫出。武安遂怒曰：

“此吾骄灌夫罪。”乃令骑留灌夫。灌夫欲出不得。籍福起为谢，案灌夫项令谢。夫愈怒，不肯谢。武安乃麾骑缚夫置传舍，召长史曰：“今日召宗室，有诏。”

劾灌夫骂坐不敬，系居室。遂按其前事，遣吏分曹逐捕诸灌氏支属，皆得弃市罪。魏其侯大媿，为资使宾客请，莫能解。武安吏皆为耳目，诸灌氏皆亡匿，夫系，遂不得告言武安阴事。

注 索隐案：蚡娶燕王刘泽子康王嘉之女也。

注 集解如淳曰：“上酒为称寿，非大行酒。”

注 集解苏林曰：“下席而膝半在席上。”如淳曰：“以膝跪席上也。”

注 集解徐广曰：“属，一作‘毕’。”索隐案：汉书作“毕”。毕，尽也。

注 集解徐广曰：“灌婴孙，名贤也。”索隐案：汉书云

临汝侯灌贤，则贤是婴之孙，临汝是改封也。

注 集解韦昭曰：“咕囁，附耳小语声。”索隐女儿犹云儿女也。汉书作“女曹儿”。曹，辈也，犹言儿女辈。咕，邹氏音蚩辄反。囁音女辄反。说文“附耳小语也”。

注 集解汉书音义曰：“李广为东宫，程不识为西宫。”

注 集解如淳曰：“李将军，李广也。犹今人言为除地也。”索隐案：小颜云“言今既毁程，令李何地自安处也”。

注 索隐韦昭云：“言不避死亡也。”汉书作“穴匈”。

注 集解如淳曰：“百官表居室为保宫，今守宫也。”

注 集解如淳曰：“为出资费，使人为夫言。”

魏其锐身为救灌夫。夫人谏魏其曰：“灌将军得罪丞相，与太后家忤，宁可救邪？”

魏其侯曰：“侯自我得之，自我捐之，无所恨。且终不令灌仲孺独死，婴独生。”

乃匿其家，窃出上书。立召入，具言灌夫醉饱事，不足诛。上然之，赐魏其食，曰：“东朝廷辩之。”

注 集解晋灼曰：“恐其夫人复谏止也。”

注 集解如淳曰：“东朝，太后朝。”

魏其之东朝，盛推灌夫之善，言其醉饱得过，乃丞相以他事诬罪之。武安又盛毁灌夫所为横恣，罪逆不道。魏其度不可柰何，因言丞相短。武安曰：“天下幸而安乐无事，蚡得为肺腑，所好音乐狗马田宅。蚡所爱倡优巧匠之属，不如魏其、灌夫日夜招聚天下豪桀壮士与论议，腹诽而心谤，不仰视天而俯画地，辟倪两宫闲，幸天下有变，而欲有大功。臣乃不知魏其等所为。”于是上问朝臣：“两人孰是？”御史大夫韩安国曰：“魏其言灌夫父死事，身荷戟驰入不测之吴军，身被

数十创，名冠三军，此天下壮士，非有大恶，争杯酒，不足引他过以诛也。魏其言是也。丞相亦言灌夫通奸猾，侵细民，家累巨万，横恣颍川，凌轹宗室，侵犯骨肉，此所谓‘枝大于本，胫大于股，不折必披’，丞相言亦是。唯明主裁之。”主爵都尉汲黯是魏其。内史郑当时是魏其，后不敢坚对。余皆莫敢对。上怒内史曰：“公平生数言魏其、武安长短，今日廷论，局趣效辕下驹，吾并斩若属矣。”即罢起入，上食太后。太后亦已使人候伺，具以告太后。太后怒，不食，曰：“今我在也，而人皆藉吾弟，令我百岁后，皆鱼肉之矣。且帝宁能为石人邪！此特帝在，即录录，设百岁后，是属宁有可信者乎？”上谢曰：“俱宗室外家，故廷辩之。不然，此一狱吏所决耳。”是时郎中令石建为上别言两人事。

注 集解张晏曰：“视天，占三光也。画地，知分野所在也。画地谕欲作反事。”

注 集解徐广曰：“辟音芳细反。倪音诣。”张晏曰：“占太后与帝吉凶之期。”

索隐辟普系反。倪，五系反。埤仓云：“睥睨，邪视也。”

注 集解张晏曰：“幸为反者，当得为大将立功也。”瓚曰：“天下有变谓天子崩，因变难之际得立大功。”

注 索隐案：包恺音疋彼反。正义铺被反。披，分析也。

注 集解张晏曰：“俛头于车辕下，随母而已。”瓚曰：“小马在辕下。”正义应劭云：“驹马加着辕。局趣，纤小之貌。”按：应说为长也。

注 索隐案：晋灼云“藉，蹈也。以言蹂藉之”。

注 索隐谓帝不如石人得长存也。正义颜师古云：“言徒有人形耳，不知好恶。”

按：今俗云人不辨事，骂云杌杌若木人也。

注 索隐案：设者，脱也。

注 正义婴，景帝从舅。蚡，太后同母弟。

武安已罢朝，出止车门，召韩御史大夫载，怒曰：“与长孺共一老秃翁，何为首鼠两端？”韩御史良久谓丞相曰：“君何不自喜？夫魏其毁君，君当免冠解印绶归，曰‘臣以肺腑幸得待罪，固非其任，魏其言皆是’。如此，上必多君有让，不废君。魏其必内愧，杜门齟舌自杀。今人毁君，君亦毁人，譬如贾竖女子争言，何其无大体也！”武安谢罪曰：“争时急，不知出此。”

注 集解汉书音义曰：“秃老翁，言婴无官位扳援也。首鼠，一前一却也。”

索隐案：谓共治一老秃翁，指窦婴也。服虔云“首鼠，一前一却也”。

注 集解苏林曰：“何不自解释为喜乐邪？”索隐案：小颜云“何不自谦逊为可喜之事”。音许既反。

注 索隐案：说文云“齟，啮也”。音侧革反。

于是上使御史簿责魏其所言灌夫，颇不讎，欺谩。劾系都司空。孝景时，魏其常受遗诏，曰“事有不便，以便宜论上”。及系，灌夫罪至族，事日急，诸公莫敢复明言于上。魏其乃使昆弟子上书言之，幸得复召见。书奏上，而案尚书大行无遗诏。诏书独藏魏其家，家丞封。乃劾魏其矫先帝诏，罪当弃市。五年十月，悉论灌夫及家属。魏其良久乃闻，闻即恚，病瘵，不食欲死。或闻上无意杀魏其，魏其复食，治病，议定不死矣。乃有蜚语为恶言闻上，故以十二月晦论弃市渭城。

注 正义讎音市周反，对也。言簿责魏其所言灌夫实颍川事，故魏其不对为欺谩者也。

注 索隐案：百官表云宗正属官，主诏狱也。正义如淳云：“律，司空主水及罪人。”

注 集解如淳曰：“大行，主诸侯官也。”索隐案：尚书无此景帝崩时大行遗诏，乃魏其家臣印封之。如淳说非也。正义天子崩曰大行也。按：尚书之中，景帝崩时无遗诏赐魏其也。百官表云诸受尚书事也。

注 集解汉书音义曰：“以家臣印封遗诏。”

注 集解徐广曰：“疑非五年，亦非十月。”索隐徐氏云疑非者，案武纪四年三月蚡薨，竇婴死在前，今云五年，故疑非也。正义汉书云元光四年冬，魏其侯婴有罪弃市。春三月乙卯，丞相蚡薨。按：五年者，误也。

注 索隐痲音肥，又音扶味反，风病也。

注 集解张晏曰：“蚡伪作飞扬诽谤之语。”

注 集解徐广曰：“疑非十二月也。”驂案：张晏曰“月晦者，春垂至也”。

索隐着日月者，见春垂至，恐遇赦赎也。

注 正义故咸阳也。

其春，武安侯病，专呼服谢罪。使巫视鬼者视之，见魏其、灌夫共守，欲杀之。竟死。子恬嗣。元朔三年，武安侯坐衣襜褕入宫，不敬。

注 正义其春，即四年春也。元光四年十月，灌夫弃市。十二月末，魏其弃市。至三月乙卯，田蚡薨。则三人死同在一年明矣。汉以十月为岁首故也。秦楚之际表云[十月]，十一月，十二月，端月，二月，三月，至九为终。周建子为正月，十一

月为正月，十二月为二月，正月为三月，二月为四月，至十月为岁终。汉初至武帝太初以前，并依秦法，以后改用夏正月，至今不改。然夫子作春秋依夏正。

注 集解汉书音义曰：“言蚡号呼谢服罪也。”

注 集解徐广曰：“蚡疾，见魏其、灌夫鬼杀之，则其(春) [死] 共在一春内邪？武帝本纪‘四年三月乙卯，田蚡薨’，婴死在蚡薨之前，何复云五年十二月邪？疑十二月当为二月也。”案侯表，蚡事武帝九年而卒，元光四年侯恬之元年，建元元年讫元光三年而九年。大臣表蚡以元光四年卒，亦云婴四年弃市，未详此正安在。然蚡薨在婴死后分明。

注 正义尔雅云“衣蔽前谓之襜”。郭璞云“蔽膝也”。说文、字林并谓之短衣。

注 集解徐广曰：“表云坐衣不敬，国除。”索隐襜，尺占反。榆音踰。谓非正朝衣，若妇人服也。表云恬坐衣不敬，国除。

淮南王安谋反觉，治。王前朝，武安侯为太尉，时迎王至霸上，谓王曰：“上未有太子，大王最贤，高祖孙，即宫车晏驾，非大王立当谁哉！”淮南王大喜，厚遗金财物。上自魏其时不直武安，特为太后故耳。及闻淮南王金事，上曰：“使武安侯在者，族矣。”

注 集解徐广曰：“建元二年。”

注 索隐案：武帝以魏其、灌夫事为枉，于武安侯为不直，特为太后故耳。

太史公曰：魏其、武安皆以外戚重，灌夫用一时决策而名显。魏其之举以吴楚，武安之贵在日月之际。然魏其诚不知时变，灌夫无术而不逊，两人相翼，乃成祸乱。武安负责而好权，

杯酒责望，陷彼两贤。呜呼哀哉！迁怒及人，命亦不延。觴庶不载，竟被恶言。呜呼哀哉！祸所从来矣！

【索隐述赞】窦婴、田蚡，势利相雄。咸倚外戚，或恃军功。灌夫自喜，引重其中。意气杯酒，即睨两宫。事竟不直，冤哉二公！

史记卷一零八

列传四十八 韩长孺列传

御史大夫韩安国者，梁成安人也，后徙睢阳。尝受韩子、杂家说于驺田生所。事梁孝王为中大夫。吴楚反时，孝王使安国及张羽为将，扞吴兵于东界。张羽力战，安国持重，以故吴不能过梁。吴楚已破，安国、张羽名由此显。

注 集解徐广曰：“在汝颖之闲也。”索隐按：徐广云“在汝颖之闲”。汉书地理志县名，属陈留。正义括地志云：“成安故城在汝州梁县东二十三里。”地理志云成安属颖川郡。陈留郡又有成安县，亦属梁，未知孰是也。

注 正义今宋州宋城。

注 索隐案：安国学韩子及杂家说于驺县田生之所。

注 索隐上音酱，下音汗。

梁孝王，景帝母弟，窦太后爱之，令得自请置相、二千石，出入游戏，僭于天子。天子闻之，心弗善也。太后知帝不善，乃怒梁使者，弗见，案责王所为。韩安国为梁使，见大长公主而泣曰：“何梁王为人子之孝，为人臣之忠，太后曾弗省也？”

夫前日吴、楚、齐、赵七国反时，自关以东皆合从西乡，惟梁最亲为艰难。

梁王念太后、帝在中，而诸侯扰乱，一言泣数行下，跪

送臣等六人，将兵击却吴楚，吴楚以故兵不敢西，而卒破亡，梁王之力也。今太后以小节苛礼，责望梁王。梁王父兄皆帝王，所见者大，故出称跸，入言警，车旗皆帝所赐也，即欲以侏鄙县，驱驰国中，以夸诸侯，令天下尽知太后、帝爱之也。今梁使来，辄案责之。梁王恐，日夜涕泣思慕，不知所为。何梁王之孝，为臣忠，而太后弗恤也？”大长公主具以告太后，太后喜曰：“为言之帝。”言之，帝心乃解，而免冠谢太后曰：“兄弟不能相教，乃为太后遗忧。”悉见梁使，厚赐之。其后梁王益亲驩。太后、长公主更赐安国可直千余金。名由此显，结于汉。

注 集解徐广曰：“景帝姊。”索隐案：即馆陶公主。正义如淳云：“景帝妹也。”

注 索隐省音仙井反。省者，察也。

注 正义谓关中也。又云京师在天下之中。

注 索隐案：谓苛细小礼以责之。

注 集解徐广曰：“侏，一作‘紆’也。”驩案：侏音丑亚反，夸也。索隐即音丑亚反，字如“陞”。侏者，夸也。

汉书作“嫪”，音火亚反。紆音寒孟反。

其后安国坐法抵罪，蒙狱吏田甲辱安国。安国曰：“死灰独不复然乎？”田甲曰：“然即溺之。”居无何，梁内史缺，汉使使者拜安国为梁内史，起徒中为二千石。田甲亡走。安国曰：“甲不就官，我灭而宗。”甲因肉袒谢。安国笑曰：

“可溺矣！公等足与治乎？”卒善遇之。

注 集解蒙，县名。索隐抵音丁礼反。蒙，县名，属梁国也。

注 索隐案：谓不足与绳(持) [治] 之。治音持也。

梁内史之缺也，孝王新得齐人公孙诡，说之，欲请以为内史。窦太后闻，乃诏王以安国为内史。

公孙诡、羊胜说孝王求为帝太子及益地事，恐汉大臣不听，乃阴使人刺汉用事谋臣。及杀故吴相袁盎，景帝遂闻诡、胜等计画，乃遣使捕诡、胜，必得。汉使十辈至梁，相以下举国大索，月余不得。内史安国闻诡、胜匿孝王所，安国入见王而泣曰：“主辱臣死。大王无良臣，故事纷纷至此。今诡、胜不得，请辞赐死。”王曰：“何至此？”安国泣数行下，曰：“大王自度于皇帝，孰与太上皇之与高皇帝及皇帝之与临江王亲？”孝王曰：

“弗如也。”安国曰：“夫太上、临江亲父子之闲，然而高帝曰‘提三尺剑取天下者朕也’，故太上皇终不得制事，居于栢阳。临江王，适长太子也，以一言过，废王临江；用宫垣事，卒自杀中尉府。何者？治天下终不以私乱公。语曰：

‘虽有亲父，安知其不为虎？虽有亲兄，安知其不为狼？’今大王列在诸侯，悦一邪臣，浮说，犯上禁，桡明法。天子以太后故，不忍致法于王。太后日夜涕泣，幸大王自改，而大王终不觉寤。有如太后宫车即晏驾，大王尚谁攀乎？

语未卒，孝王泣数行下，谢安国曰：“吾今出诡、胜。”诡、胜自杀。汉使还报，梁事皆得释，安国之力也。于是景帝太后益重安国。孝王卒，共王即位，安国坐法失官，居家。

注 索隐此语见国语。

注 集解如淳曰：“景帝尝属诸姬，太子母栗姬言不逊，由是废太子，栗姬忧死。”

注 索隐悦，汉书作“誅”。说文云“誅，诱也”。

建元中，武安侯田蚡为汉太尉，亲贵用事，安国以五百金物遗蚡。蚡言安国太后，天子亦素闻其贤，即召以为北地都尉，迁为大司农。闽越、东越相攻，安国及大行王恢将。未至越，越杀其王降，汉兵亦罢。建元六年，武安侯为丞相，安国为御史大夫。

匈奴来请和亲，天子下议。大行王恢，燕人也，数为边吏，习知胡事。议曰：“汉与匈奴和亲，率不过数岁即复倍约。不如勿许，兴兵击之。”安国曰：“千里而战，兵不获利。今匈奴负戎马之足，怀禽兽之心，迁徙鸟举，难得而制也。得其地不足以为广，有其觫不足以为强，自上古不属为人。汉数千里争利，则人马罢，虏以全制其敝。且强弩之极，矢不能穿鲁缟；冲风之末，力不能漂鸿毛。非初不劲，末力衰也。击之不便，不如和亲。”朝臣议者多附安国，于是上许和亲。

注 索隐案：晋灼云“不内属于汉为人”。

注 集解许慎曰：“鲁之缟尤薄。”

其明年，则元光元年，雁门马邑豪聂翁壹因大行王恢言上曰：“匈奴初和亲，亲信边，可诱以利。”阴使聂翁壹为闲，亡入匈奴，谓单于曰：“吾能斩马邑令丞吏，以城降，财物可尽得。”单于爱信之，以为然，许聂翁壹。聂翁壹乃还，诈斩死罪囚，县其头马邑城，示单于使者为信。曰：“马邑长吏已死，可急来。”

于是单于穿塞将十余万骑，入武州塞。

注 集解张晏曰：“豪犹帅也。”索隐聂，姓也；翁壹，名也。汉书云“聂壹”。

注 集解徐广曰：“在雁门。”索隐地理志县名，属鴈门。

又崔浩云“今平城直西百里有武州城”是也。

当是时，汉伏兵车骑材官二十余万，匿马邑旁谷中。卫尉李广为骁骑将军，太仆公孙贺为轻车将军，大行王恢为将屯将军，太中大夫李息为材官将军。御史大夫韩安国为护军将军，诸将皆属护军。约单于入马邑而汉兵纵发。王恢、李息、李广别从代主击其辎重。于是单于入汉长城武州塞。

未至马邑百余里，行掠卤，徒见畜牧于野，不见一人。单于怪之，攻烽燧，得武州尉史。欲刺问尉史。尉史曰：“汉兵数十万伏马邑下。”单于顾谓左右曰：

“几为汉所卖！”乃引兵还。出塞，曰：“吾得尉史，乃天也。”命尉史为“天王”。塞下传言单于已引去。汉兵追至塞，度弗及，即罢。王恢等兵三万，闻单于不与汉合，度往击辎重，必与单于精兵战，汉兵势必败，则以便宜罢兵，皆无功。

注 集解汉书曰：“北貉燕人来致骁骑。”应劭曰：“骁，健也。”张晏曰：“骁，勇也，若六博之枭矣。”

注 正义司马续汉书云：“轻车，古之战车。”

注 正义李奇云：“监主诸屯。”

注 正义臣瓚云：“材官，骑射之官。”

注 正义释名云：“辎，厠也。所载衣服杂厠其中。”

注 正义几音祈。

天子怒王恢不出击单于辎重，擅引兵罢也。恢曰：“始约虏入马邑城，兵与单于接，而臣击其辎重，可得利。今单于闻，不至而还，臣以三万人觴不敌，裊取辱耳。臣固知还而斩，然得完陛下士三万人。”于是下恢廷尉。廷尉当恢逗桡，当斩。

恢私行千金丞相蚡。蚡不敢言上，而言于太后曰：“王

恢首造马邑事，今不成而诛恢，是为匈奴报仇也。”上朝太后，太后以丞相言告上。上曰：“首为马邑事者，恢也，故发天下兵数十万，从其言，为此。且纵单于不可得，恢所部击其辎重，犹颇可得，以慰士大夫心。今不诛恢，无以谢天下。”于是恢闻之，乃自杀。

注 集解徐广曰：“裊，一作‘只’也。”

注 集解汉书音义曰：“逗，曲行避敌也；桡，顾望。军法语也。”索隐案：

劭云“逗，曲行而避敌，音豆”。又音住，住谓留止也。桡，屈弱也，女孝反。

一云桡，顾望也。

安国为人多大略，智足以当世取合，而出于忠厚焉。贪嗜于财。所推举皆廉士，贤于己者也。于梁举壶遂、臧固、郅他，皆天下名士，士亦以此称慕之，唯天子以为国器。安国为御史大夫四岁余，丞相田蚡死，安国行丞相事，奉引堕车蹇。

天子议置相，欲用安国，使使视之，蹇甚，乃更以平棘侯薛泽为丞相。安国病免数月，蹇愈，上复以安国为中尉。岁余，徙为卫尉。

注 索隐案：出者，去也。言安国为人无忠厚之行。

注 索隐上音质，下徒河反。谓三人姓名也，壶遂也，臧固也，郅他也。若汉书则云“至他”，言至于他处，亦举名士也。

注 集解如淳曰：“为天子导引而堕车，跛足。”

车骑将军卫青击匈奴，出上谷，破胡茏城。将军李广为匈奴所得，复失之；公孙敖大亡卒：皆当斩，赎为庶人。明

年，匈奴大入边，杀辽西太守，及入鴈门，所杀略数千人。车骑将军卫青击之，出鴈门。卫尉安国为材官将军，屯于渔阳。

安国捕生虏，言匈奴远去。即上书言方田作时，请且罢军屯。

罢军屯月余，匈奴大入上谷、渔阳。安国壁乃有七百余入，出与战，不胜，复入壁。匈奴虏略千余人及畜产而去。天子闻之，怒，使使责让安国。徙安国益东，屯右北平。是时匈奴虏言当入东方。

注 集解徐广曰：“元光六年也。”

注 集解茆音龙。索隐音龙。

注 正义幽州县。

注 正义幽州渔阳县东南七十七里北平城，即汉右北平也。

安国始为御史大夫及护军，后稍斥疏，下迁；而新幸壮将军卫青等有功，益贵。

安国既疏远，默默也；将屯又为匈奴所欺，身亡多，甚自愧。幸得罢归，乃益东徙屯，意忽忽不乐。数月，病欧血死。安国以元朔二年中卒。

太史公曰：余与壶遂定律历，观韩长孺之义，壶遂之深中隐厚。世之言梁多长者，不虚哉！壶遂官至詹事，天子方倚以为汉相，会遂卒。不然，壶遂之内廉行修，斯鞠躬君子也。

注 集解徐广曰：“一云‘廉正忠厚’。”

【索隐述赞】安国忠厚，初为梁将。因事坐法，免徒起相。死灰更然，生虏失防。推贤见重，贿金贻谤。雪泣悟主，臣节可亮。

史记卷二零九

列传四十九 李将军列传

李将军广者，陇西成纪人也。其先曰李信，秦时为将，逐得燕太子丹者也。

故槐里，徙成纪。广家世世受射。孝文帝十四年，匈奴大入萧关，而广以良家子从军击胡，用善骑射，杀首虏多，为汉中郎。广从弟李蔡亦为郎，皆为武骑常侍，秩八百石。尝从行，有所矜陷折关及格猛兽，而文帝曰：“惜乎，子不遇时！如令子当高帝时，万户侯岂足道哉！”

注 正义成纪，秦州县。

注 索隐案：小颜云“世受射法”。

注 索隐案：如淳云“非医、巫、商贾、百工也”。

注 索隐案：谓为郎而补武骑常侍。

及孝景初立，广为陇西都尉，徙为骑郎将。吴楚军时，广为骁骑都尉，从太尉亚夫击吴楚军，取旗，显功名昌邑下。以梁王授广将军印，还，赏不行。徙为上谷太守，匈奴日以合战。典属国公孙昆邪为上泣曰：“李广才气，天下无双，自负其能，数与虏敌战，恐亡之。”于是乃徙为上郡太守。后广转为边郡太守，徙上郡。尝为陇西、北地、鴈门、代郡、云中太守，皆以力战为名。

注 集解张晏曰：“为武骑郎将。”索隐小颜云：“为骑郎将谓主骑郎也。”

注 集解文颖曰：“广为汉将，私受梁印，故不以赏也。”

注 集解昆音魂。索隐案：典属国，官名。公孙，姓也；昆邪，名。服虔云“中国人”。包恺云“昆音魂”也。

匈奴大入上郡，天子使中贵人从广 勒习兵击匈奴。中贵人将骑数十纵，见匈奴三人，与战。三人还射，伤中贵人，杀其骑且尽。中贵人走广。广曰：“是必射雕者也。”广乃遂从百骑往驰三人。三人亡马步行，行数十里。

广令其骑张左右翼，而广身自射彼三人者，杀其二人，生得一人，果匈奴射雕者也。已缚之上马，望匈奴有数千骑，见广，以为诱骑，皆惊，上山陈。广之百骑皆大恐，欲驰还走。广曰：“吾去大军数十里，今如此以百骑走，匈奴追射我立尽。今我留，匈奴必以我为大军〔之〕诱〔之〕，必不敢击我。”广令诸骑曰：“前！”前未到匈奴陈二里所，止，令曰：“皆下马解鞍！”其骑曰：“虏多且近，即有急，柰何？”广曰：“彼虏以我为走，今皆解鞍以示不走，用坚其意。”于是胡骑遂不敢击。有白马将出护其兵，李广上马与十余骑确射杀胡白马将，而复还至其骑中，解鞍，令士皆纵马卧。是时会暮，胡兵终怪之，不敢击。夜半时，胡兵亦以为汉有伏军于旁欲夜取之，胡皆引兵而去。平旦，李广乃归其大军。大军不知广所之，故弗从。

注 集解汉书音义曰：“内官之幸贵者。”索隐案：董巴舆服志云“黄门丞至密近，使听察天下，谓之中贵人使者”。崔浩云“在中而贵幸，非德望，故名不见也”。

注 集解徐广曰：“放纵驰骋。”

注 正义射音石。还谓转也。

注 集解文颖曰：“雕，鸟也，故使善射者射也。”索隐案：服虔云“雕，鸮也。”说文云“似鸷，黑色，多子”。一名鸷，以其毛作矢羽。韦昭云“鸮，一名鸱也”。

注 正义其将乘白马，而出监护也。

居久之，孝景崩，武帝立，左右以为广名将也，于是广以上郡太守为未央卫尉，而程不识亦为长乐卫尉。程不识故与李广俱以边太守将军屯。及出击胡，而广行无部五行陈，就善水草屯，舍止，人人自便，不击刀斗以自卫，莫府省约文书籍事，然亦远斥候，未尝遇害。程不识正部曲行伍营陈，击刀斗，士吏治军簿至明，军不得休息，然亦未尝遇害。程不识曰：“李广军极简易，然虏卒犯之，无以禁也；而其士卒亦佚乐，咸乐为之死。我军虽烦扰，然虏亦不得犯我。”是时汉边郡李广、程不识皆为名将，然匈奴畏李广之略，士卒亦多乐从李广而苦程不识。程不识孝景时以数直谏为太中大夫。为人廉，谨于文法。

注 索隐案：百官志云“将军领军皆有部曲。大将军营五部，部校尉一人，部下有曲，曲有军候一人”也。

注 索隐音去声。

注 集解孟康曰：“以铜作鐃器，受一斗，昼炊饭食，夜击持行，名曰刀斗。”

索隐刀音貂。案：荀悦云“刀斗，小铃，如宫中传夜铃也”。苏林云“形如铜，以铜作之，无缘，受一斗，故云刀斗”。铜即铃也。埤仓云“鐃，温器，有柄斗，似铍无缘。音焦”。

注 索隐案：大颜云“凡将军谓之莫府者，盖兵行舍于帷帐，故称(莫)[幕]府。古字通用，遂作‘莫’耳”。小尔雅

训莫为大，非也。

注 索隐案：许慎注淮南子云“斥，度也。候，视也，望也”。

后汉以马邑城诱单于，使大军伏马邑旁谷，而广为骁骑将军，领属护军将军。

是时单于觉之，去，汉军皆无功。其后四岁，广以卫尉为将军，出鴈门击匈奴。

匈奴兵多，破败广军，生得广。单于素闻广贤，令曰：“得李广必生致之。”胡骑得广，广时伤病，置广两马闲，络而盛卧广。行十余里，广佯死，睨其旁有一胡儿骑善马，广暂腾而上胡儿马，因推堕儿，取其弓，鞭马南驰数十里，复得其余军，因引而入塞。匈奴捕者骑数百追之，广行取胡儿弓，射杀追骑，以故得脱。于是至汉，汉下广吏。

吏当广所死亡多，为虏所生得，当斩，赎为庶人。

注 集解徐广曰：“一云‘抱儿鞭马南驰’也。”

顷之，家居数岁。广家与故颍阴侯孙屏野居蓝田南山中射猎。尝夜从一骑出，从人田闲饮。还至霸陵亭，霸陵尉醉，呵止广。广骑曰：“故李将军。”

尉曰：“今将军尚不得夜行，何乃故也！”止广宿亭下。居无何，匈奴入杀辽西太守，败韩将军，后韩将军徙右北平。于是天子乃召拜广为右北平太守。

广即请霸陵尉与俱，至军而斩之。

注 集解(孙)灌婴之孙，名强。索隐案：灌婴之孙，名强。

注 索隐案：百官志云“尉，大县二人，主盗贼。凡有贼发，则推索寻案之”也。

注 集解苏林曰韩安国。

广居右北平，匈奴闻之，号曰“汉之飞将军”，避之数岁，不敢入右北平。

广出猎，见草中石，以为虎而射之，中石没镞，视之石也。因复更射之，终不能复入石矣。广所居郡闻有虎，尝自射之。及居右北平射虎，虎腾伤广，广亦竟射杀之。

注 集解徐广曰：“一作‘没羽’。”

广廉，得赏赐辄分其麾下，饮食与士共之。终广之身，为二千石四十余年，家无余财，终不言家产事。广为人长，髡臂，其善射亦天性也，虽其子孙他人学者，莫能及广。广讷口少言，与人居则画地为军陈，射阔狭以饮。专以射为戏，竟死。

广之将兵，乏绝之处，见水，士卒不尽饮，广不近水，士卒不尽食，广不尝食。宽缓不苛，士以此爱乐为用。其射，见敌急，非在数十步之内，度不中不发，发即应弦而倒。用此，其将兵数困辱，其射猛兽亦为所伤云。

注 集解如淳曰：“臂如髡，通肩。”

注 集解如淳曰：“射戏求疏密，持酒以饮不胜者。”正义饮音于禁反。

注 索隐谓终竟广身至死，以为恒也。

居顷之，石建卒，于是上召广代建为郎中令。元朔六年，广复为后将军，从大将军军出定襄，击匈奴。诸将多中首虏率，以功为侯者，而广军无功。后二岁，广以郎中令将四千骑出右北平，博望侯张骞将万骑与广俱，异道。行可数百里，匈奴左贤王将四万骑围广，广军士皆恐，广乃使其子敢往驰之。敢独与数十骑驰，直贯胡骑，出其左右而还，告广曰：“胡虏易

与耳。”军士乃安。广为圜陈外向，胡急击之，矢下如雨。

汉兵死者过半，汉矢且尽。广乃令士持满毋发，而广身自以大黄射其裨将，杀数人，胡虏益解。会日暮，吏士皆无人色，而广意气自如，益治军。军中自是服其勇也。明日，复力战，而博望侯军亦至，匈奴军乃解去。汉军罢，弗能追。是时广军几没，罢归。汉法，博望侯留迟后期，当死，赎为庶人。广军功自如，无赏。

注 集解如淳曰：“中犹充也。充本法得首若干封侯。”

注 集解徐广曰：“南都赋曰‘黄闲机张，善弩之名’。”

驷案：郑德曰“黄肩弩，渊中黄朱之”。孟康曰“太公六韬曰‘陷坚败强敌，用大黄连弩’”。韦昭曰“角弩色黄而体大也”。索隐案：大黄，黄闲，弩名也。故韦昭曰“角弩也，色黄体大”是也。

初，广之从弟李蔡与广俱事孝文帝。景帝时，蔡积功劳至二千石。孝武帝时，至代相。以元朔五年为轻车将军，从大将军击右贤王，有功中率，封为乐安侯。元狩二年中，代公孙弘为丞相。蔡为人在下中，名声出广下甚远，然广不得爵邑，官不过九卿，而蔡为列侯，位至三公。诸广之军吏及士卒或取封侯。广尝与望气王朔燕语，曰：“自汉击匈奴而广未尝不在其中，而诸部校尉以下，才能不及中人，然以击胡军功取侯者数十人，而广不为后人，然无尺寸之功以得封邑者，何也？岂吾相不当侯邪？”

且固命也？”朔曰：“将军自念，岂尝有所恨乎？”广曰：“吾尝为陇西守，羌尝反，吾诱而降，降者八百余人，吾诈而同日杀之。至今大恨独此耳。”朔曰：

“祸莫大于杀已降，此乃将军所以不得侯者也。”

注 索隐中音丁仲反。率音律，亦音双笔反。小颜云“率谓军功封赏之科，着在法令，故云中率。”

注 索隐案：以九品而论，在下之中，当第八。

注 索隐案：谓不在人后。

后二岁，大将军、骠骑将军大出击匈奴，广数自请行。天子以为老，弗许；良久乃许之，以为前将军。是岁，元狩四年也。

广既从大将军青击匈奴，既出塞，青捕虏知单于所居，乃自以精兵走之，而令广并于右将军军，出东道。东道少回远，而大军行水草少，其势不屯行。广自请曰：“臣部为前将军，今大将军乃徙令臣出东道，且臣结发而与匈奴战，今乃一得当单于，臣愿居前，先死单于。”大将军青亦阴受上诫，以为李广老，数奇，毋令当单于，恐不得所欲。而是时公孙敖新失侯，为中将军从大将军，大将军亦欲使敖与俱当单于，故徙前将军广。广时知之，固自辞于大将军。大将军不听，令长史封书与广之莫府，曰：“急诣部，如书。”广不谢大将军而起行，意甚愠怒而就部，引兵与右将军食其合军出东道。军亡导，或失道，后大将军。大将军与单于接战，单于遁走，弗能得而还。南绝幕，遇前将军、右将军。广已见大将军，还入军。大将军使长史持糒醪遗广，因问广、食其失道状，青欲上书报天子军曲折。广未对，大将军使长史急责广之幕府对簿。广曰：“诸校尉无罪，乃我自失道。吾今自上簿。”

注 集解徐广曰：“主爵赵食其为右将军。”

注 集解张晏曰：“以水草少，不可鬻辈。”

注 索隐今得当单于。案：广言自少时结发而与匈奴战，唯今者得与单于相当遇也。

注 集解如淳曰：“数为匈奴所败，奇为不偶也。”索隐案：服虔云“作事数不偶也”。音朔。小颜音所具反。奇，萧该音居宜反。

注 正义令广如其文牒，急引兵徙东道也。

注 索隐音异基。案：赵将军名也。或亦依字读。

注 索隐谓无人导引，军故失道也。

注 正义绝，度也。南归度沙幕。

注 正义言委曲而行回折，使军后大将军也。

至莫府，广谓其麾下曰：“广结发与匈奴大小七十余战，今幸从大将军出接单于兵，而大将军又徙广部行回远，而又迷失道，岂非天哉！且广年六十余矣，终不能复对刀笔之吏。”遂引刀自刭。广军士大夫一军皆哭。百姓闻之，知与不知，无老壮皆为垂涕。而右将军独下吏，当死，赎为庶人。

广子三人，曰当户、椒、敢，为郎。天子与韩嫣戏，嫣少不逊，当户击嫣，嫣走。于是天子以为勇。当户早死，拜椒为代郡太守，皆先广死。当户有遗腹子名陵。广死军时，敢从骠骑将军。广死明年，李蔡以丞相坐侵孝景园墼地，当下吏治，蔡亦自杀，不对狱，国除。李敢以校尉从骠骑将军击胡左贤王，力战，夺左贤王鼓旗，斩首多，赐爵关内侯，食邑二百户，代广为郎中令。顷之，怨大将军青之恨其父，乃击伤大将军，大将军匿讳之。居无何，敢从上雍，至甘泉宫猎。骠骑将军去病与青有亲，射杀敢。去病时方贵幸，上讳云鹿触杀之。居岁余，去病死。而敢有女为太子中人，爱幸，敢男禹有宠于太子，然好利，李氏陵迟衰微矣。

注 索隐或音偃，又音许干反。

注 索隐墼音人绢反，又音乃段反，又音而宣反。案：墼

地，神道之地也。

黄图云“阳陵阙门西出，神道四通。茂陵神道广四十三丈也。正义汉书云：“诏赐顷地阳陵，当得二十亩，蔡盗取三顷，颇卖得四十余万，又盗取神道外墉地一亩，葬其中。当下狱，自杀。”

注 索隐小颜云：“令其父恨而死。”

注 索隐刘氏音尚。大颜云“雍地形高，故云上”。

注 集解徐广曰：“元狩六年。”

李陵既壮，选为建章监，监诸骑。善射，爱士卒。天子以为李氏世将，而使将八百骑。尝深入匈奴二千余里，过居延视地形，无所见虏而还。拜为骑都尉，将丹阳楚人五千人，教射酒泉、张掖以屯卫胡。

注 集解徐广曰：“属张掖。”正义括地志云：“居延海在甘州张掖县东北六十四里。地理志云‘居延泽古文以为流沙’。甘州在京西北二千四百六十里。”

数岁，天汉二年秋，贰师将军李广利将三万骑击匈奴右贤王于祁连天山，而使陵将其射士步兵五千人出居延北可千余里，欲以分匈奴兵，毋令专走贰师也。陵既至期还，而单于以兵八万围击陵军。陵军五千人，兵矢既尽，士死者过半，而所杀伤匈奴亦万余人。且引且战，连斗八日，还未到居延百余里，匈奴遮狭绝道，陵食乏而救兵不到，虏急击招降陵。陵曰：“无面目报陛下。”遂降匈奴。其兵尽没，余亡散得归汉者四百余人。

注 集解徐广曰：“出炖煌至天山。”索隐案：晋灼云“在西域，近蒲类海”。

又西河旧事云“白山冬夏有雪，匈奴谓之天山也”。正义括地志云：“祁连山在甘州张掖县西南二百里。天山一名白山，今名初罗漫山，在伊吾县北百二十里。

伊州在京西北四千四百一十六里。”

单于既得陵，素闻其家声，及战又壮，乃以其女妻陵而贵之。汉闻，族陵母妻子。自是之后，李氏名败，而陇西之士居门下者皆用为耻焉。

太史公曰：传曰“其身正，不令而行；其身不正，虽令不从”。其李将军之谓也？

余睹李将军悛悛如鄙人，口不能道辞。及死之日，天下知与不知，皆为尽哀。彼其忠实心诚信于士大夫也？谚曰“桃李不言，下自成蹊”。此言虽小，可以谕大也。

注 索隐音七旬反。汉书作“恂恂”，音询。

注 索隐案：姚氏云“桃李本不能言，但以华实感物，故人不期而往，其下自成蹊径也。以喻广虽不能出辞，能有所感，而忠心信物故也”。

【索隐述赞】嚆臂善射，实负其能。解鞍却敌，圆阵摧锋。边郡屡守，大军再从。失道见斥，数奇不封。惜哉名将，天下无双！

史记卷一百一

列传五十 匈奴列传

正义此卷或有本次平津侯后，第五十二。今第五十者，先生旧本如此，刘伯庄音亦然。若先诸传而次四夷，则司马、汲郑不合在后也。

匈奴，其先祖夏后氏之苗裔也，曰淳维。唐虞以上有山戎、獫狁、荤粥，居于北蛮，随畜牧而转移。其畜之所多则马、牛、羊，其奇畜则橐驼、驴、骡、騊駼、騊駼、驪驎。逐水草迁徙，毋城郭常处耕田之业，然亦各有分地。

毋文书，以言语为约束。儿能骑羊，引弓射鸟鼠；少长则射狐兔：用为食。士力能弯弓，尽为甲骑。其俗，宽则随畜，因射猎禽兽为生业，急则人习战攻以侵伐，其天性也。其长兵则弓矢，短兵则刀铤。利则进，不利则退，不羞遁走。苟利所在，不知礼义。自君王以下，咸食畜肉，衣其皮革，被旃裘。壮者食肥美，老者食其余。贵壮健，贱老弱。父死，妻其后母；兄弟死，皆取其妻妻之。其俗有名不讳，而无姓字。

注 集解汉书音义曰：“匈奴始祖名。”索隐张晏曰“淳维以殷时奔北边”。

又乐产括地谱云“夏桀无道，汤放之鸣条，三年而死。其

子獯粥妻桀之觶妾，避居北野，随畜移徙，中国谓之匈奴”。其言夏后苗裔，或当然也。故应劭风俗通云“殷时曰獯粥，改曰匈奴”。又服虔云“尧时曰荤粥，周曰玃狁，秦曰匈奴”。

韦昭云“汉曰匈奴，荤粥其别名”。则淳维是其始祖，盖与獯粥是一也。

注 正义左传庄三十年“齐人伐山戎”，杜预云“山戎、北戎、无终三名也”。

括地志云“幽州渔阳县，本北戎无终子国”。

注 集解晋灼云：“尧时曰荤粥，周曰玃狁，秦曰匈奴。”

注 索隐橐他。韦昭曰：“背肉似橐，故云橐也。”包恺音托。他，或作“喰”。

正义畜，许又反。

注 索隐案：古今注云“驴牡马牝，生荣”。正义荣音力戈反。

注 集解徐广曰：“北狄骏马。”索隐说文云“馱馱，马父荣子也”。广异志音决蹄也。发蒙记“剖其母腹而生”。列女传云“生七日超其母”。

注 集解徐广曰：“似马而青。”索隐按：郭璞注尔雅云“騊駼马，青色，音淘涂”。又字林云野马。山海经云“北海有兽，其状如马，其名騊駼”也。

注 集解徐广曰：“音颠。巨虚之属。”索隐驪奚。韦昭驪音颠。说文“野马属”。徐广云“巨虚之类”。一云青骊白鳞，文如鼉鱼。邹诞生本“奚”字作“驪”。

注 索隐上音扶粪反。

注 索隐上音式绍反，下音陟两反。少长谓年稍长。

注 索隐上音弯，如字亦通也。

注 集解韦昭曰：“鋌形似矛，铁柄。音时年反。”索隐

音蝉。埤苍云“鋌，小矛铁矜”。古今字诂云“矜，通作矜。”

注 集解汉书曰：“单于姓挛鞮氏。”索隐挛音六缘反。鞮音丁啼反。

夏道衰，而公刘失其稷官，变于西戎，邑于豳。其后三百有余岁，戎狄攻大王亶父，亶父亡走岐下，而豳人悉从亶父而邑焉，作周。其后百有余岁，周西伯昌伐畎夷氏。后十有余年，武王伐纣而营雒邑，复居于酆鄙，放逐戎夷泾、洛之北，以时入贡，命曰“荒服”。其后二百有余年，周道衰，而穆王伐犬戎，得四白狼四白鹿以归。自是之后，荒服不至。于是周遂作甫刑之辟。穆王之后二百有余年，周幽王用宠姬褒姒之故，与申侯有却。申侯怒而与犬戎共攻杀周幽王于骊山之下，遂取周之焦获，而居于泾渭之闲，侵暴中国。秦襄公救周，于是周平王去酆鄙而东徙雒邑。当是之时，秦襄公伐戎至岐，始列为诸侯。是后六十有五年，而山戎越燕而伐齐，齐厘公与战于齐郊。其后四十四年，而山戎伐燕。燕告急于齐，齐桓公北伐山戎，山戎走。其后二十有余年，而戎狄至洛邑，伐周襄王，襄王奔于郑之泛邑。初，周襄王欲伐郑，故娶戎狄女为后，与戎狄兵共伐郑。已而黜狄后，狄后怨，而襄王后母曰惠后，有子子带，欲立之，于是惠后与狄后、子带为内应，开戎狄，戎狄以故得入，破逐周襄王，而立子带为天子。于是戎狄或居于陆浑，东至于卫，侵盗暴虐中国。中国疾之，故诗人歌之曰“戎狄是应”，“薄伐玁狁，至于大原”，“出舆彭彭，城彼朔方”。周襄王既居外四年，乃使使告急于晋。晋文公初立，欲修霸业，乃兴师伐逐戎翟，诛子带，迎内周襄王，居于雒邑。

注 集解徐广曰：“后稷之曾孙。”正义周本纪云“不窋

失其官”。此云公刘，未详也。

注 集解徐广曰：“公刘九世孙。”

注 索隐按：谓始作周国也。

注 索隐韦昭云：“春秋以为犬戎。”按：吠音犬。大颜云“即昆夷也”。山海经云“黄帝生苗龙，苗龙生融吾，融吾生弄明，弄明生白犬。白犬有二牡，是为犬戎”。说文云“赤狄本犬种，字从犬”。又山海经云“有人面兽身，名曰犬夷”。贾逵云“犬夷，戎之别种也”。

注 索隐晋灼曰：“洛水在冯翊怀德县，东南入渭。”又案：水经云出上郡雕阴泰昌山，过华阴入渭，即漆沮水也。

注 索隐案：周纪云“懿王时，王室衰。诗人作怨刺之诗”，不能复雅也。

注 正义故申城在邓州南阳县北三十里，周宣王舅所封。

注 集解韦昭曰：“戎后来居此山，故号曰骊戎。”

注 正义括地志云：“焦获亦名割口，亦曰割中，在雍州泾阳县城北十数里。

周有焦获也。”

注 正义今岐州。高诱云“秦襄公救周有功，受周故地酆郿，列为诸侯”也。

注 索隐服虔云：“山戎盖今鲜卑。”按：胡广云“鲜卑，东胡别种”。又应奉云“秦筑长城，徒役之士亡出塞外，依鲜卑山，因以为号”。

注 索隐苏林泛音凡。今颍川襄城是。按：春秋地名云“泛邑，襄王所居，故云襄城”也。

注 集解徐广曰：“一为‘陆邑’。”索隐春秋左氏“秦晋迁陆浑之戎于伊川”。杜预以为“允姓之戎居陆浑，在秦晋之闲，二国诱而徙之伊川，遂从戎号，今陆浑县”是也。

注 集解毛诗传曰：“言逐出之而已。”

注 集解毛诗传曰：“彭彭，四马貌。朔方，北方。”正义猓狁既去，北方安静，乃筑城守之。

当是之时，秦晋为强国。晋文公攘戎翟，居于河西圃、洛之闲，号曰赤翟、白翟。秦穆公得由余，西戎八国服于秦，故自陇以西有撓诸、緄戎、翟、畴之戎，岐、梁山泾、漆之北有义渠、大荔、乌氏、胸衍之戎。而晋北有林胡、楼烦之戎，燕北有东胡、山戎。各分散居溪谷，自有君长，往往而聚者百有余戎，然莫能相一。

注 集解徐广曰：“圃在西河，音银。洛在上郡、冯翊闲。”索隐西河圃、洛。

晋灼音龔。三苍作“圃”。地理志云圃水出上郡白土县西，东流入河。韦昭云“圃当为‘圃’。”续郡国志及太康地志并作“圃”字也。正义括地志云：“白土故城在盐州白池东北三百九十里。”又云：“近延州、绥州、银州，本春秋时白狄所居，七国属魏，后入秦，秦置三十六郡。”洛，漆沮也。

注 索隐案：左氏传云“晋师灭赤狄潞氏”。杜氏以“潞，赤狄之别种也，今上党潞县”。又春秋地名云“今日赤涉胡”。

注 索隐左氏“晋师败狄于箕，郟缺获白狄子”。杜氏以为“白狄之别种，故西河郡有白部胡”。又国语云“桓公西征，攘白狄之地，遂至于西河”也。正义括地志云：“潞州本赤狄地。延、银、绥三州白翟地。”按：文言“圃、潞之闲号赤狄”，未详。

注 索隐地理志天水有撓诸道。正义括地志云：“撓诸城，秦州秦岭县北五十六里。汉撓诸道，属天水郡。”

注 正义上音昆。字当作“混”。颜师古云：“混夷也。”

韦昭云：“春秋以为犬戎。”

注 集解徐广曰：“在天水。蒗音丸。”索隐地理志天水蒗道。应劭以“蒗戎邑。音桓”。正义括地志云：“蒗道故城在渭州襄武县东南三十七里。古之蒗戎邑。汉蒗道，属天水郡。”

注 索隐韦昭云：“义渠本西戎国，有王，秦灭之。今在北地郡。”正义括地志云：“宁州、庆州，西戎，即刘拘邑城，时为义渠戎国，秦为北地郡也。”

注 集解徐广曰：“后更名临晋，在冯翊。”索隐按：秦本纪厉共公伐大荔，取其王城，后更名临晋。故地理志云临晋故大荔国也。正义括地志云：“同州冯翊县及朝邑县，本汉临晋县地，古大荔戎国。今朝邑县东三十步故王城，即大荔王城。”荔，力计反。

注 集解徐广曰：“在安定。”正义氏音支。括地志云：“乌氏故城在泾州安定县东三十里。周之故地，后入戎，秦惠王取之，置乌氏县也。”

注 集解徐广曰：“在北地。胸音诩。”索隐案：地理志胸衍，县名，在北地。徐广音诩。郑氏音吁。正义括地志云：“盐州，古戎狄居之，即胸衍戎之地，秦北地郡也。”

注 索隐如淳云：“林胡即儋林，为李牧所灭也。”正义括地志云：“朔州，春秋时北地也。如淳云即澹林也，为李牧灭。”

注 索隐地理志楼烦，县名，属鴈门。应劭云“故楼烦胡地”。正义括地志云：“岚州，楼烦胡地也。风俗通云故楼烦胡地也。”

注 集解汉书音义曰：“乌丸，或云鲜卑。”索隐服虔云：“东胡，乌丸之先，后为鲜卑。在匈奴东，故曰东胡。”案：续汉书曰“汉初，匈奴冒顿灭其国，余类保乌桓山，以为号。”

俗随水草，居无常处。以父之名字为姓。父子男女悉髡头为轻便也”。

自是之后百有余年，晋悼公使魏绛和戎翟，戎翟朝晋。后百有余年，赵襄子踰句注而破并代以临胡貉。其后既与韩魏共灭智伯，分晋地而有之，则赵有代、句注之北，魏有河西上郡，以与戎界边。其后义渠之戎筑城郭以自守，而秦稍蚕食，至于惠王，遂拔义渠二十五城。惠王击魏，魏尽入西河及上郡于秦。秦昭王时，义渠戎王与宣太后乱，有二子。宣太后诈而杀义渠戎王于甘泉，遂起兵伐残义渠。于是秦有陇西、北地、上郡，筑长城以拒胡。而赵武灵王亦变俗胡服，习骑射，北破林胡、楼烦。筑长城，自代并阴山下，至高阙为塞。

而置云中、鴈门、代郡。其后燕有贤将秦开，为质于胡，胡甚信之。归而袭破走东胡，东胡却千余里。与荆轲刺秦王秦舞阳者，开之孙也。燕亦筑长城，自造阳至襄平。置上谷、渔阳、右北平、辽西、辽东郡以拒胡。

当是之时，冠带战国七，而三国边于匈奴。其后赵将李牧时，匈奴不敢入赵边。后秦灭六国，而始皇帝使蒙恬将十万之众北击胡，悉收河南地。因河为塞，筑四十四县城临河，徙适戍以充之。而通直道，自九原至云阳，因边山险燎溪谷可缮者治之，起临洮至辽东万余里。又度河据阳山北假中。

注 集解音钩，山名，在鴈门。索隐服虔云：“句音拘。”
韦昭云：“山名，在阴馆。”

注 索隐案：貉即濊也。音亡格反。

注 集解昭王母也。索隐服虔云“昭王之母”也。

注 正义括地志云：“赵武灵王长城在朔州善阳县北。案

水经云白道长城北山上有长垣，若颓毁焉，沿溪亘岭，东西无极，盖赵武灵王所筑也。”

注 集解音傍，白浪反。

注 索隐徐广云：“五原西安阳县北有阴山。阴山在河南，阳山〔在河〕北。

并音傍，白浪反。”正义括地志云：“阴山在朔州北塞外突厥界。”

注 集解徐广曰：“在朔方。”正义地理志云朔方临戎县北有连山，险于长城，其山中断，两穗俱峻，土俗名为高阙也。

注 集解韦昭曰：“地名，在上谷。”正义按：上谷郡今妫州。

注 索隐韦昭云：“今辽东所理也。”

注 索隐案：三国，燕、赵、秦也。

注 索隐案：太康地记“秦塞自五原北九百里，谓之造阳。东行终利贲山南，汉阳西也”。汉，一作“渔”。

注 集解音丁革反。索隐丁革反。

注 索隐苏林云：“去长安八千里，正南北相直道也。”

注 索隐韦昭云：“九原，县名，属五原也。”正义括地志云：“胜州连谷县，本秦九原郡，汉武帝更名五原。云阳雍县，秦之林光宫，即汉之甘泉宫在焉。”又云：“秦故道在庆州华池县西四十五里子午山上。自九原至云阳，千八百里。”

注 索隐韦昭云：“临洮，陇西县。”正义括地志云：“秦陇西郡临洮县，即今岷州城。本秦长城首，起岷州西十二里，延袤万余里，东入辽水。”

注 集解北假，北方田官。主以田假与贫人，故云北假。索隐应劭云：“北假在北地阳山北。”韦昭云：“北假，地名。”又按：汉书元纪云“北假，田官”。

苏林以为北方田官也。主以田假与贫人，故曰北假也。正义括地志云：“汉五原郡河目县故城在北假中。北假，地名也，在河北，今属胜州银城县。汉书王莽传云‘五原北假，膏壤殖谷’也。”

当是之时，东胡强而月氏盛。匈奴单于曰头曼，头曼不胜秦，北徙。十余年而蒙恬死，诸侯畔秦，中国扰乱，诸秦所徙适戍边者皆复去，于是匈奴得宽，复稍度河南与中国界于故塞。

注 正义氏音支。括地志云：“凉、甘、肃、延、沙等州地，本月氏国。”

注 集解汉书音义曰：“单于者，广大之貌，言其象天单于然。”索隐案：汉书“单于姓挛鞮氏，其国称之曰‘蠕黎孤涂单于’。而匈奴谓天为‘蠕黎’，谓子为‘孤涂’，单于者，广大之貌也。言其象天，故曰蠕黎孤涂单于”。又玄晏春秋云“士安读汉书，不详此言，有胡奴在侧，言之曰：‘此胡所谓天子。’与古书所说符会也”。

注 集解韦昭曰：“音瞞。”索隐音莫官反。韦昭音瞞。

单于有太子名冒顿。后有所爱阏氏，生少子，而单于欲废冒顿而立少子，乃使冒顿质于月氏。冒顿既质于月氏，而头曼急击月氏。月氏欲杀冒顿，冒顿盗其善马，骑之亡归。头曼以为壮，令将万骑。冒顿乃作为鸣镝，习勒其骑射，令曰：“鸣镝所射而不悉射者，斩之。”行猎鸟兽，有不射鸣镝所射者，辄斩之。已而冒顿以鸣镝自射其善马，左右或不敢射者，冒顿立斩不射善马者。居顷之，复以鸣镝自射其爱妻，左右或颇恐，不敢射，冒顿又复斩之。

居顷之，冒顿出猎，以鸣镝射单于善马，左右皆射之。于

是冒顿知其左右皆可用。从其父单于头曼猎，以鸣镝射头曼，其左右亦皆随鸣镝而射杀单于头曼，遂尽诛其后母与弟及大臣不听从者。冒顿自立为单于。

注 索隐冒音墨，又如字。

注 索隐旧音于连、于曷反二音。匈奴皇后号也。习凿齿与燕王书曰：“山下有红蓝，足下先知不？北方人探取其花染绯黄，掇取其上英鲜者作鞞肢，妇人将用为颜色。吾少时再三过见鞞肢，今日始视红蓝，后当为足下致其种。匈奴名妻作‘阏支’，言其可爱如鞞肢也。阏音烟。想足下先亦不作此读汉书也。”

注 集解汉书音义曰：“镝，箭也，如今鸣箭也。”韦昭曰：“矢镝飞则鸣。”

索隐应劭云“髡箭也。”韦昭云：“矢镝飞则鸣。”

冒顿既立，是时东胡强盛，闻冒顿杀父自立，乃使使谓冒顿，欲得头曼时有千里马。冒顿问髡臣，髡臣皆曰：“千里马，匈奴宝马也，勿与。”冒顿曰：

“柰何与人邻国而爱一马乎？”遂与之千里马。居顷之，东胡以为冒顿畏之，乃使使谓冒顿，欲得单于一阏氏。冒顿复问左右，左右皆怒曰：“东胡无道，乃求阏氏！请击之。”冒顿曰：“柰何与人邻国爱一女子乎？”遂取所爱阏氏予东胡。东胡王愈益骄，西侵。与匈奴闲，中有弃地，莫居，千余里，各居其边为瓠脱。东胡使使谓冒顿曰：“匈奴所与我界瓠脱外弃地，匈奴非能至也，吾欲有之。”冒顿问髡臣，髡臣或曰：“此弃地，予之亦可，勿予亦可。”于是冒顿大怒曰：“地者，国之本也，柰何予之！”诸言予之者，皆斩之。冒顿上马，令国中有后者斩，遂东袭击东胡。东胡初轻冒顿，不为备。及

冒顿以兵至，击，大破灭东胡王，而虏其民人及畜产。既归，西击走月氏，南并楼烦、白羊河南王。（侵燕代）悉复收秦所使蒙恬所夺匈奴地者，与汉关故河南塞，至朝谿、肤施，遂侵燕、代。是时汉兵与项羽相距，中国罢于兵革，以故冒顿得自强，控弦之士三十余万。

注 集解徐广曰：“秦二世元年壬辰岁立。”

注 集解韦昭曰：“界上屯守处。”索隐服虔云“作土室以伺汉人”。又纂文曰“瓠脱，土穴也”。又云是地名，故下云“生得瓠脱王”。韦昭云“界上屯守处也”。瓠音一侯反。脱音徒活反。正义按：境上斥候之室为瓠脱也。

注 索隐如淳云：“白羊王居河南。”

注 集解徐广曰：“在上郡。”正义汉朝谿故城在原州百泉县西七十里，属安定郡。肤施，县，[因]秦(因)不改，今延州肤施县是。

自淳维以至头曼千有余岁，时大时小，别散分离，尚矣，其世传不可得而次云。

然至冒顿而匈奴最强大，尽服从北夷，而南与中国为敌国，其世传国官号乃可得而记云。

置左右贤王，左右谷蠡王，左右大将，左右大都尉，左右大当户，左右骨都侯。匈奴谓贤曰“屠耆”，故常以太子为左屠耆王。自如左右贤王以下至当户，大者万骑，小者数千，凡二十四长，立号曰“万骑”。诸大臣皆世官。

呼衍氏，兰氏，其后有须卜氏，此三姓其贵种也。诸左方王将居东方，直上谷 以往者，东接秽貉、朝鲜；

右方王将居西方，直上郡 以西，接月氏、氏、羌；而单于之庭直代、云中：各有分地，逐水草移徙。而左右贤王

左右谷蠡王最为大(国)，左右骨都侯辅政。诸二十四长亦各自置千长、百长、什长、裨小王、相、封都尉、当户、且渠之属。

注 集解服虔曰：“谷音鹿。蠡音离。”索隐服虔音鹿离。蠡，又音黎。

注 集解骨都，异姓大臣。索隐按：后汉书云“骨都侯，异姓大臣”。

注 集解徐广曰：“屠，一作‘诸’。”

注 正义颜师古云：“呼衍，即今鲜卑姓呼延者也。兰姓今亦有之。”

注 集解呼衍氏、须卜氏常与单于婚姻。须卜氏主狱讼。索隐按：后汉书云“呼衍氏、须卜氏常与单于婚姻。须卜氏主狱讼”也。正义后汉书云：“呼衍氏、须卜氏常与单于婚姻。”

注 索隐案：姚氏云“古字例以‘直’为‘值’。值者，当也”。正义上谷郡，今妫州也。言匈奴东方南出，直当妫州也。

注 正义上郡故城在泾州上县东南五十里。言匈奴西方南直当绥州也。

注 索隐西接氐、羌，案：风俗通云“二氐，本西南夷种。地理志武都有白马氐”。又鱼豢魏略云“汉置武都郡，排其种人，分鞏山谷或号青氐，或号白氐”。

纂文云“氐亦羊称”。说文云“羌，西方牧羊人”。续汉书云“羌，三苗姜姓之别，舜徙于三危，今河关之西南羌是也”。

注 索隐案：谓匈奴所都处为“庭”。乐产云“单于无城郭，不知何以国之。”

穹庐前地若庭，故云庭”。正义代郡城，北狄代国，秦汉

代县城也，在蔚州羌胡县北百五十里。云中故城，赵云中城，秦云中郡，在胜州榆林县东北四十里。

言匈奴之南直当代、云中也。

注 索隐案：续汉书(郡国) [百官] 志云“里有魁，人有什伍。里魁主一里百家，什主十家，伍长五家，以相检察”。故贾谊过秦论以为“俛起什百之中”是也。

注 集解徐广曰：“一作‘将’。”

注 正义且，子余反。颜师古云：“今之沮渠姓，盖本因此官。”

岁正月，诸长小会单于庭，祠。五月，大会茈城，祭其先、天地、鬼神。

秋，马肥，大会蹏林，课校人畜计。其法，拔刃尺者死，坐盗者没入其家；有罪小者轧，大者死。狱久者不过十日，一国之囚不过数人。而单于朝出营，拜日之始生，夕拜月。其坐，长左而北乡。日上戊己。其送死，有棺槨金银衣裘，而无封树丧服；近幸臣妾从死者，多至数千百人。举事而候星月，月盛壮则攻战，月亏则退兵。其攻战，斩首虏赐一卮酒，而所得卤获因以予之，得人以为奴婢。故其战，人人自为趣利，善为诱兵以冒敌。

故其见敌则逐利，如鸟之集；其困败，则瓦解云散矣。战而扶輿死者，尽得死者家财。

注 索隐汉书作“龙城”，亦作“茈”字。崔浩云“西方胡皆事龙神，故名大会处为龙城”。后汉书云“匈奴俗，岁有三龙祠，祭天神”。

注 集解汉书音义曰：“匈奴秋社八月中皆会祭处。蹏音带。”索隐服虔云：

“音带。匈奴秋社八月中皆会祭处。”郑氏云：“地名也。”晋灼云“李陵与苏武书云‘相竞趋蹠林’”，则服虔说是也。又韦昭音多蓝反。姚氏案：李牧传“大破匈奴，灭襜褕”，此字与韦昭音颇同，然林褕声相近，或以“林”为“褕”也。

正义颜师古云：“蹠者，遶林木而祭也。鲜卑之俗，自古相传，秋祭无林木者，尚竖柳枝，觶骑驰遶三周乃止，此其遗法也。”

注 正义许又反。

注 集解汉书音义曰：“刃刻其面。”索隐服虔云：“刀割面也，音乌八反。”

邓展云：“历也。”如淳云：“挝，扶也。”三苍云：“轧，轹也。”说文云：“轹，辄也。”正义颜师古云：“轧者谓轹辄其骨节，若今之厌踝者也。”

注 正义其座北向，长者在左，以左为尊也。

注 集解张华曰：“匈奴名嶮曰逗落。”

注 正义汉书作“数十百人”。颜师古云：“或数十人，或百人。”

后北服浑庾、屈射、丁零、鬲昆、薪僮之国。于是匈奴贵人大臣皆服，以冒顿单于为贤。

注 索隐国名。射音亦，又音石。

注 索隐按：魏略云“丁零在康居北，去匈奴庭接习水七千里”。又云“匈奴北有浑窳国”。

注 正义已上五国在匈奴北。

是时汉初定中国，徙韩王信于代，都马邑。匈奴大攻围马邑，韩王信降匈奴。

匈奴得信，因引兵南踰句注，攻太原，至晋阳下。高帝自

将兵往击之。会冬大寒雨雪，卒之堕指者十二三，于是冒顿详败走，诱汉兵。汉兵逐击冒顿，冒顿匿其精兵，见其羸弱，于是汉悉兵，多步兵，三十二万，北逐之。高帝先至平城，步兵未尽到，冒顿纵精兵四十万骑围高帝于白登，七日，汉兵中外不得相救饷。匈奴骑，其西方尽白马，东方尽青骊马，北方尽乌骊马，南方尽骅骝马。高帝乃使使闲厚遗阏氏，阏氏乃谓冒顿曰：“两主不相困。今得汉地，而单于终非能居之也。且汉王亦有神，单于察之。”冒顿与韩王信之将王黄、赵利期，而黄、利兵又不来，疑其与汉有谋，亦取阏氏之言，乃解围之一角。于是高帝令士皆持满傅矢外乡，从解角直出，竟与大军合，而冒顿遂引兵而去。汉亦引兵而罢，使刘敬结和亲之约。

注 集解徐广曰：“在鴈门。”

注 正义白登台在白登山上，朔州定襄县东三十里。定襄县，汉平城县也。

注 索隐骊音武江反。案：青骊马，色青。正义郑玄云：“骊，不纯也。”说文云：“骊，面颡皆白。”尔雅云黑马面白也。

注 索隐说文云：“骊，黑色。”

注 索隐案：诗传云“赤黄曰骊”。

注 索隐音附。

是后韩王信为匈奴将，及赵利、王黄等数倍约，侵盗代、云中。居无几何，陈豨反，又与韩信合谋击代。汉使樊噲往击之，复拔代、鴈门、云中郡县，不出塞。是时匈奴以汉将麴往降，故冒顿常往来侵盗代地。于是汉患之，高帝乃使刘敬奉宗室女公主为单于阏氏，岁奉匈奴絮缯酒米食物各有数，约为昆

弟以和亲，冒顿乃少止。后燕王卢绾反，率其党数千人降匈奴，往来苦上谷以东。

高祖崩，孝惠、吕太后时，汉初定，故匈奴以骄。冒顿乃为书遗高后，妄言。

高后欲击之，诸将曰：“以高帝贤武，然尚困于平城。”于是高后乃止，复与匈奴和亲。

注 索隐案：汉书云“高后时，冒顿寢骄，乃使使遗高后书曰：‘孤僂之君，生于沮泽之中，长于平野牛马之域，数至边境，愿游中国。陛下独立，孤僂独居，两主不乐，无以自娱，愿以所有，易其所无。’高后怒，欲击之”。

注 索隐案汉书，季布谏，高后乃止。

至孝文帝初立，复修和亲之事。其三年五月，匈奴右贤王入居河南地，侵盗上郡葆塞蛮夷，杀略人民。于是孝文帝诏丞相灌婴发车骑八万五千，诣高奴，击右贤王。右贤王走出塞。文帝幸太原。是时济北王反，文帝归，罢丞相击胡之兵。

注 正义延州城本汉高奴县旧都。

其明年，单于遗汉书曰：“天所立匈奴大单于敬问皇帝无恙。前时皇帝言和亲事，称书意，合欢。汉边吏侵侮右贤王，右贤王不请，听后义卢侯难氏等计，与汉吏相距，绝二主之约，离兄弟之亲。皇帝让书再至，发使以书报，不来，汉使不至，汉以其故不和，邻国不附。今以小吏之败约故，罚右贤王，使之西求月氏击之。以天之福，吏卒良，马强力，以夷灭月氏，尽斩杀降下之。定楼兰、乌孙、呼揭及其旁二十六国，皆以为匈奴。诸引弓之民，并为一家。北州已定，愿寝兵休士卒养马，除前事，复故约，以安边民，以应始古，使少者得成

其长，老者安其处，世世平乐。未得皇帝之志也，故使郎中系雫浅奉书 请，献橐他一匹，骑马二匹，驾二驷。 皇帝即不欲匈奴近塞，则且诏吏民远舍。使者至，即遣之。”以六月中来至薪望之地。 书至，汉议击与和亲孰便。公卿皆曰：“单于新破月氏，乘胜，不可击。且得匈奴地，泽卤， 非可居也。和亲甚便。”汉许之。

注 集解徐广曰：“音支。”索隐匈奴将名也。氏音支。

注 集解徐广曰：“一云‘楼湟’。”正义汉书云鄯善国名楼兰，去长安一千六百里也。

注 集解音桀。索隐音杰，又音丘列反。正义揭音桀，又其例反。二国皆在瓜州西北。乌孙，战国时居瓜州。

注 索隐案：谓皆入匈奴一国。

注 集解雫音火胡反。索隐系，胡计反。雫，火胡反。

注 正义颜师古云：“驾，可驾车也。二驷，八匹马也。”

注 集解汉书音义曰：“塞下地名。”索隐望薪之地。服虔云：“汉界上塞下地名，今匈奴使至于此也。”

注 正义上音烏。

孝文皇帝前六年，汉遗匈奴书曰：“皇帝敬问匈奴大单于无恙。使郎中系雫浅遗朕书曰：‘右贤王不请，听后义卢侯难氏等计，绝二主之约，离兄弟之亲，汉以故不和，邻国不附。今以小吏败约，故罚右贤王使西击月氏，尽定之。愿寝兵休士卒养马，除前事，复故约，以安边民，使少者得成其长，老者安其处，世世平乐。’朕甚嘉之，此古圣主之意也。汉与匈奴约为兄弟，所以遗单于甚厚。

倍约离兄弟之亲者，常在匈奴。然右贤王事已在赦前，单于勿深诛。单于若称书意，明告诸吏，使无负约，有信，敬如

单于书。使者言单于自将伐国有功，甚苦兵事。服绣袷绮衣、绣袷长襦、锦袷袍各一，比余一，黄金饰具带一，黄金胥纒一，绣十匹，锦三十匹，赤绋、绿纒各四十匹，使中大夫意、谒者令肩遗单于。”

注 索隐案：小颜云“服者，天子所服也。以绣为表，绮为里”。以赐冒顿。

字林云“袷衣无絮也。音公洽反”。

注 集解徐广曰：“一本无‘袷’字。”

注 集解徐广曰：“或作‘疏比’也。”索隐案：汉书作“比纒一”。比音鼻。

小颜云“辫发之饰也，以金为之”。广雅云“比，栉也”。苍颉篇云“靡者为比，者为梳”。按苏林说，今亦谓之“梳比”，或亦带饰者也。

注 集解汉书音义曰：“要中大带。”索隐按：谓要中大带。

注 集解徐广曰：“或作‘犀毗’，而无‘一’字。”索隐汉书见作“犀毗”，或无下“一”字。此作“胥”者，犀声相近，或误。张晏云“鲜卑郭落带，瑞兽名也，东胡好服之”。按：战国策云“赵武灵王赐周绍具带黄金师比”。延笃云“胡革带钩也”。则此带钩亦名“师比”，则“胥”“犀”与“师”并相近，而说各异耳。班固与窦宪笈云“赐犀比金头带”是也。

注 正义音啼。索隐案：说文云“绋，厚纒也”。

后顷之，冒顿死，子稽粥立，号曰老上单于。

注 索隐稽音鸡。粥音育。

老上稽粥单于初立，孝文皇帝复遣宗室女公主为单于阏

氏，使宦者燕人中行说 傅公主。说不欲行，汉强使之。说曰：“必我行也，为汉患者。”中行说既至，因降单于，单于甚亲幸之。

注 集解徐广曰：“一云‘稽粥第二单于’，自后皆以弟别之。”

注 正义行音胡郎反。中行，姓；说，名也。

初，匈奴好汉缿絮食物，中行说曰：“匈奴人觶不能当汉之一郡，然所以强者，以衣食异，无仰于汉也。今单于变俗好汉物，汉物不过什二，则匈奴尽归于汉矣。其得汉缿絮，以驰草棘中，衣嚙皆裂敝，以示不如旃裘之完善也。得汉食物皆去之，以示不如湟酪之便美也。”于是说教单于左右疏记，以计课其人觶畜物。

注 集解韦昭曰：“言汉物什中之二入匈奴，匈奴则动心归汉矣。”

注 集解湟，乳汁也。音都奉反。索隐重酪。音湟酪二音。按：三苍云“湟，乳汁也”。字林云“竹用反”。穆天子传云“牛马之湟，臣菟人所具”。

注 正义上许又反。

汉遗单于书，牋以尺一寸，辞曰“皇帝敬问匈奴大单于无恙”，所遗物及言语云云。中行说令单于遗汉书以尺二寸牋，及印封皆令广大长，倨傲其辞曰“天地所生日月所置匈奴大单于敬问汉皇帝无恙”，所以遗物言语亦云云。

汉使或言曰：“匈奴俗贱老。”中行说穷汉使曰：“而汉俗屯戍从军当发者，其老亲岂有不自脱温厚肥美以赉送饮食行戍乎？”汉使曰：“然。”中行说曰：“匈奴明以战攻为事，

其老弱不能斗，故以其肥美饮食壮健者，盖以自为守卫，如此父子各得久相保，何以言匈奴轻老也？”汉使曰：“匈奴父子乃同穹庐而卧。父死，妻其后母；兄弟死，尽取其妻妻之。无冠带之饰，阙庭之礼。”中行说曰：“匈奴之俗，人食畜肉，饮其汁，衣其皮；畜食草饮水，随时转移。故其急则人习骑射，宽则人乐无事，其约束轻，易行也。君臣简易，一国之政犹一身也。父子兄弟死，取其妻妻之，恶种姓之失也。故匈奴虽乱，必立宗种。今中国虽详不取其父兄之妻，亲属益疏则相杀，至乃易姓，皆从此类。且礼义之敝，上下交怨望，而室屋之极，生力必屈。夫力耕桑以求衣食，筑城郭以自备，故其民急则不习战功，缓则罢于作业。嗟土室之人，顾无多辞，令喋喋而占占，冠固何当？”

注 集解汉书音义曰：“穹庐，旃帐。”

注 索隐汉书作“阳”，此亦音羊。

注 索隐以言栋宇室屋之作，人尽极以营其生，至于气力屈竭也。屈音其勿反。

注 集解音谋，利口也。

注 集解音昌占反，衣裳貌。

注 集解言虽复着冠，固何当所益。索隐邓展曰：“喋音牒。占，啜耳语。”

服虔曰：“口舌喋喋。”如淳曰：“言汝汉人多居室中，固自宜着冠，且不足贵也。”小颜云：“喋喋，利口也。占占，衣裳貌。喋音昌涉反，占音占。言当思念，无为喋喋占占耳。虽自谓着冠，何所当益也。”

自是之后，汉使欲辩论者，中行说辄曰：“汉使无多言，顾汉所输匈奴缯絮米粢，令其量中，必善美而已矣，何以为言

乎？且所给备善则已；不备，苦恶，则候秋孰，以骑驰蹂而稼穡耳。” 日夜教单于候利害处。

注 集解韦昭曰：“苦，厄也。音若‘靡盬’之‘盬’。”

注 集解徐广曰：“蹂音而九反。”

汉孝文皇帝十四年，匈奴单于十四万骑入朝谿、萧关，杀北地都尉卬，虏人民畜产甚多，遂至彭阳。使奇兵入烧回中宫，候骑至雍甘泉。于是文帝以中尉周舍、郎中令张武为将军，发车千乘，骑十万，军长安旁以备胡寇。而拜昌侯卢卿为上郡将军，宁侯魏遯为北地将军，隆虑侯周醪为陇西将军，东阳侯张敖为大将军，成侯董赤为前将军，大发车骑往击胡。单于留塞内月余乃去，汉逐出塞即还，不能有所杀。匈奴日已骄，岁入边，杀略人民畜产甚多，云中、辽东最甚，至代郡万余人。汉患之，乃使使遗匈奴书。

单于亦使当户报谢，复言和亲事。

注 集解徐广曰：“姓孙。其子单，封为鉞侯。白丁反。”索隐卬音五郎反。

徐广曰：“姓孙，其后子单封为瓶侯。音白丁反。”

注 集解徐广曰：“在安定。”索隐出彭阳。韦昭云：“安定县。”正义“城”字误也。括地志云：“彭城故城在泾州临城县东二十里。”案：彭城在妫州，与北地郡甚远，明非彭城也。

注 索隐服虔云“在北地，武帝作宫”。始皇本纪二十七年，“登鸡头山，过回中”。武帝元封四年，通回中道。正义括地志云：“秦回中宫在岐州雍县西四十里，即匈奴所烧者也。”

注 索隐崔浩云：“候，逻骑。”

注 正义括地志云：“云阳也。秦之林光宫，汉之甘泉，在雍州云阳西北八十里。秦始皇作甘泉宫，去长安三百里，望见长安。秦皇帝以来祭天圜丘处。”

注 索隐案：表“卢”作“旅”，古今字耳。

注 正义音赫。

注 集解徐广曰：“内史栾布亦为将军。”

孝文帝后二年，使使遗匈奴书曰：“皇帝敬问匈奴大单于无恙。使当户且居 雕渠难、郎中韩辽遗朕马二匹，已至，敬受。先帝制：长城以北，引弓之国，受命单于；长城以内，冠带之室，朕亦制之。使万民耕织射猎衣食，父子无离，臣主相安，俱无暴逆。今闻渫恶民贪降其进取之利，倍义绝约，忘万民之命，离两主之驩，然其事已在前矣。书曰：‘二国已和亲，两主驩说，寝兵休卒养马，世世昌乐，闾然更始。’朕甚嘉之。圣人者日新，改作更始，使老者得息，幼者得长，各保其首领而终其天年。朕与单于俱由此道，顺天恤民，世世相传，施之无穷，天下莫不咸便。汉与匈奴邻国之敌，匈奴处北地，寒，杀气早降，故诏吏遗单于秫糒金帛丝絮佗物岁有数。今天下大安，万民熙熙，朕与单于为之父母。朕追念前事，薄物细故，谋臣计失，皆不足以离兄弟之驩。”

朕闻天不颇覆，地不偏载。朕与单于皆捐往细故，俱蹈大道，堕坏前恶，以图长久，使两国之民若一家子。元元万民，下及鱼鳖，上及飞鸟，跂行喙息 蠕动之类，莫不就安利而辟危殆。故来者不止，天之道也。俱去前事：朕释逃虏民，单于无言章尼等。朕闻古之帝王，约分明而无食言。单于留志，天下大安，和亲之后，汉过不先。单于其察之。”

注 索隐汉书作“且渠”，匈奴官号。

注 索隐按：乐彦云“当户、且渠各自一官。雕渠难为此官也”。正义雕渠难者，其姓名也。且，子余反。

注 集解徐广曰：“鬪音鎡，安定意也。”

注 索隐案：跂音岐，又音企。言虫豸之类，或企踵而行，或以喙而息，皆得其安也。

注 索隐案：三苍云“蠕蠕，动貌，音软”。淮南子云“昆虫蠕动”。

注 索隐案：文帝云我今日并释放彼国逃亡虏，遣之归本国，汝单于无得更以言词诉于章尼等，责其逃也。

单于既约和亲，于是制诏御史曰：“匈奴大单于遗朕书，言和亲已定，亡人不足以益疆广地，匈奴无入塞，汉无出塞，犯(令) [今] 约者杀之，可以久亲，后无咎，俱便。朕已许之。

其布告天下，使明知之。”

后四岁，老上稽粥单于死，子军臣立为单于。既立，孝文皇帝复与匈奴和亲。而中行说复事之。

注 集解徐广曰：“后元三年立。”

军臣单于立四岁，匈奴复绝和亲，大入上郡、云中各三万骑，所杀略甚觭而去。于是汉使三将军军屯北地，代屯句注，赵屯飞狐口，缘边亦各坚守以备胡寇。又置三将军，军长安西细柳、渭北棘门、霸上以备胡。胡骑入代句注边，烽火通于甘泉、长安。数月，汉兵至边，匈奴亦去远塞，汉兵亦罢。后岁余，孝文帝崩，孝景帝立，而赵王遂乃阴使人于匈奴。吴楚反，欲与赵合谋入边。

汉围破赵，匈奴亦止。自是之后，孝景帝复与匈奴和亲，通关市，给遗匈奴，遣公主，如故约。终孝景时，时小入盗边，无大寇。

注 集解徐广曰：“孝文后元七年崩，而二年答单于书，其闲五年。而此云‘后四年’，又‘立四岁’，数不容尔也。孝文后六年冬，匈奴入上郡、云中也。”

今帝即位，明和亲约束，厚遇，通关市，饶给之。匈奴自单于以下皆亲汉，往来长城下。

汉使马邑下人聂翁壹 奸兰 出物 与匈奴交， 详为卖马邑城以诱单于。单于信之，而贪马邑财物，乃以十万骑入武州塞。 汉伏兵三十余万马邑旁，御史大夫韩安国为护军，护四将军以伏单于。单于既入汉塞，未至马邑百余里，见畜布野而无人牧者，怪之，乃攻亭。是时鴈门尉史 行微，见寇，葆此亭，知汉兵谋，单于得，欲杀之， 尉史乃告单于汉兵所居。单于大惊曰：“吾固疑之。”乃引兵还。出曰：“吾得尉史，天也，天使若言。”以尉史为“天王”。汉兵约单于入马邑而纵，单于不至，以故汉兵无所得。汉将军王恢部出代击胡辇重，闻单于还，兵多，不敢出。汉以恢本造兵谋而不进，斩恢。自是之后，匈奴绝和亲，攻当路塞， 往往入盗于汉边，不可胜数。

然匈奴贪，尚关市，嗜汉财物，汉亦尚关市不绝以中之。

注 索隐按：卫青传唯称“聂壹”。顾氏云“壹，名也。老，故称翁”，义或然也。

注 集解奸音干。干兰，犯禁私出物也。

注 索隐上音干。干兰谓犯禁私出物也。

注 集解汉书音义曰：“私出塞与匈奴交市。”

注 索隐苏林云在鴈门也。

注 索隐如淳云：“律，近塞郡皆置尉，百里一人，士史

尉史各二人也。”

注 集解徐广曰：“一云‘乃下，具告单于’。”

注 集解韩长孺传曰：“恢自杀。”

注 索隐苏林云：“直当道之塞。”

注 正义如淳云：“得具以利中伤之。”

自马邑军后五年之秋，汉使四将军各万骑击胡关市下。将军卫青出上谷，至茈城，得胡首虏七百人。公孙贺出云中，无所得。公孙敖出代郡，为胡所败七千余人。李广出鴈门，为胡所败，而匈奴生得广，广后得亡归。汉囚敖、广，敖、广赎为庶人。其冬，匈奴数入盗边，渔阳尤甚。汉使将军韩安国屯渔阳备胡。

其明年秋，匈奴二万骑入汉，杀辽西太守，略二千余人。胡又入败渔阳太守军千余人，围汉将军安国，安国时千余骑亦且尽，会燕救至，匈奴乃去。匈奴又入鴈门，杀略千余人。于是汉使将军卫青将三万骑出鴈门，李息出代郡，击胡。

得首虏数千人。其明年，卫青复出云中以西至陇西，击胡之楼烦、白羊王于河南，得胡首虏数千，牛羊百余万。于是汉遂取河南地，筑朔方，复缮故秦时蒙恬所为塞，因河为固。汉亦弃上谷之什辟县造阳地以予胡。是岁，汉之元朔二年也。

注 集解什音斗。汉书音义曰：“言县斗辟，(西)[曲]近胡。”索隐按：

孟康云“县斗辟，(西)[曲]近胡”也。什音斗。辟音僻。造阳即斗辟县中地。正义按：曲幽辟县入匈奴界者造阳地弃与胡也。

其后冬，匈奴军臣单于死。军臣单于弟左谷蠡王伊稚斜自立为单于，攻破军臣单于太子于单。于单亡降汉，汉封于

单为涉安侯，数月而死。

注 索隐伊穉斜。穉音持利反。斜音士嗟反，邹诞生音直牙反。盖穉斜，胡人语，近得其实。

注 索隐音丹。

伊稚斜单于既立，其夏，匈奴数万骑入杀代郡太守恭友，略千余人。其秋，匈奴又入鴈门，杀略千余人。其明年，匈奴又复入代郡、定襄、上郡，各三万骑，杀略数千人。匈奴右贤王怨汉夺之河南地而筑朔方，数为寇，盗边，及入河南，侵扰朔方，杀略吏民其觶。

注 正义括地志云：“定襄故城在朔州善阳县北三百八十里。地理志定襄郡，高帝置也。”

其明年春，汉以卫青为大将军，将六将军，十余万人，出朔方、高阙击胡。右贤王以为汉兵不能至，饮酒醉，汉兵出塞六七百里，夜围右贤王。右贤王大惊，脱身逃走，诸精骑往往随后去。汉得右贤王觶男女万五千人，裨小王十余人。

其秋，匈奴万骑入杀代郡都尉朱英，略千余人。

其明年春，汉复遣大将军卫青将六将军，兵十余万骑，乃再出定襄数百里击匈奴，得首虏前后凡万九千余级，而汉亦亡两将军，军三千余骑。右将军建得以身脱，而前将军翕侯赵信兵不利，降匈奴。赵信者，故胡小王，降汉，汉封为翕侯，以前将军与右将军并军分行，独遇单于兵，故尽没。单于既得翕侯，以为自次王，用其姊妻之，与谋汉。信教单于益北绝幕，以诱罢汉兵，徼极而取之，无近塞。单于从其计。其明年，胡骑万人入上谷，杀数百人。

注 集解徐广曰：“合有三千耳。”

注 正义建，苏武父也。

注 正义与大军别行也。

注 正义自次者，尊重次于单于。

注 集解应劭曰：“幕，沙幕，匈奴之南界。”瓚曰：“沙土曰幕，直度曰绝。”

注 索隐按：徼，要也。谓要其疲极而取之。正义徼音古尧反。徼，要也。

要汉兵疲极则取之，无近塞居止。

其明年春，汉使骠骑将军去病将万骑出陇西，过焉支山千余里，击匈奴，得胡首虏(骑)万八千余级，破得休屠王祭天金人。其夏，骠骑将军复与合骑侯数万骑出陇西、北地二千里，击匈奴。过居延，攻祁连山，得胡首虏三万余人，裨小王以下七十余人。是时匈奴亦来入代郡、鴈门，杀略数百人。汉使博望侯及李将军广出右北平，击匈奴左贤王。左贤王围李将军，卒可四千人，且尽，杀虏亦过当。会博望侯军救至，李将军得脱。汉死亡数千人，合骑侯后骠骑将军期，及与博望侯皆当死，赎为庶人。

注 正义焉音鞭。括地志云：“焉支山一名删丹山，在甘州删丹县东南五十里。”

西河故事云‘匈奴失祁连、焉支二山，乃歌曰：“亡我祁连山，使我六畜不蕃息；

失我焉支山，使我妇女无颜色。”其蝼惜乃如此’。”

注 集解汉书音义曰：“匈奴祭天处本在云阳甘泉山下，秦夺其地，后徙之休屠王右地，故休屠有祭天金人，象祭天人也。”索隐韦昭云：“作金人以为祭天主。”崔浩云：“胡祭

以金人为主，今浮图金人是也。”又汉书音义称“金人祭天，本在云阳甘泉山下，秦夺其地，徙之于休屠王右地，故休屠有祭天金人，象祭天人也”。事恐不然。案：得休屠金人，后置之于甘泉也。正义括地志云：

“径路神祠在雍州、云阳县西北九十里甘泉山下，本匈奴祭天处，秦夺其地，后徙休屠右地。”按：金人即今佛像，是其遗法，立以为祭天主也。

注 索隐韦昭曰：“张掖县。”

注 索隐按：西河旧事云“山在张掖、酒泉二界上，东西二百余里，南北百里，有松柏五木，美水草，冬温夏凉，宜畜牧。匈奴失二山，乃歌云：‘亡我祁连山，使我六畜不蕃息；失我燕支山，使我嫁妇无颜色’”。祁连一名天山，亦曰白山也。

其秋，单于怒浑邪王、休屠王居西方为汉所杀虏数万人，欲召诛之。浑邪王与休屠王恐，谋降汉，汉使骠骑将军往迎之。浑邪王杀休屠王，并将其觴降汉。凡四万余人，号十万。于是汉已得浑邪王，则陇西、北地、河西益少胡寇，徙关东贫民处所夺匈奴河南、新秦中以实之，而减北地以西戍卒半。其明年，匈奴入右北平、定襄各数万骑，杀略千余人而去。

注 集解徐广曰：“元狩二年也。”

注 索隐如淳云“在长安以北，朔方以南”。汉书食货志云“徙贫人充朔方以南新秦中”是也。正义服虔云：“地名，在北地，广六七百里，长安北，朔方南。”

史记以为秦始皇遣蒙恬斥逐北胡，得肥饶之地七百里，徙内郡人民皆往充实之，号曰新秦中也。”

其明年春，汉谋曰“翁侯信为单于计，居幕北，以为汉兵

不能至”。乃粟马发十万骑，(负)私[负]从马凡十四万匹，粮重不与焉。令大将军青、骠骑将军去病中分军，大将军出定襄，骠骑将军出代，咸约绝幕击匈奴。单于闻之，远其辎重，以精兵待于幕北。与汉大将军接战一日，会暮，大风起，汉兵纵左右翼围单于。单于自度战不能如汉兵，单于遂独身与壮骑数百溃汉围西北遁走。

汉兵夜追不得。行斩捕匈奴首虏万九千级，北至阾颜山赵信城而还。

注 正义谓负担衣粮，私募从者，凡十四万匹。

注 集解如淳曰：“信前降匈奴，匈奴筑城居之。”

单于之遁走，其兵往往与汉兵相乱而随单于。单于久不与其大觶相得，其右谷蠡王以为单于死，乃自立为单于。真单于复得其觶，而右谷蠡王乃去其单于号，复为右谷蠡王。

汉骠骑将军之出代二千余里，与左贤王接战，汉兵得胡首虏凡七万余级，左贤王将皆遁走。骠骑封于狼居胥山，禅姑衍，临翰海而还。

注 集解如淳曰：“翰海，北海名。”正义按：翰海自一大海名，鶡鸟解羽伏乳于此，因名也。

是后匈奴远遁，而幕南无王庭。汉度河自朔方以西至令居，往往通渠置田，官吏卒五六万人，稍蚕食，地接匈奴以北。

注 集解徐广曰：“在金城。”索隐徐广云在金城。地理志云张掖令居县。姚氏令音连。小颜云音零。

注 正义匈奴旧以幕为王庭。今远徙幕北，更蚕食之，汉

境连接匈奴旧地以北也。

初，汉两将军大出围单于，所杀虏八九万，而汉士卒物故亦数万，汉马死者十余万。匈奴虽病，远去，而汉亦马少，无以复往。匈奴用赵信之计，遣使于汉，好辞请和亲。天子下其议，或言和亲，或言遂臣之。丞相长史任敞曰：“匈奴新破，困，宜可使为外臣，朝请于边。”汉使任敞于单于。单于闻敞计，大怒，留之不遣。先是汉亦有所降匈奴使者，单于亦辄留汉使相当。汉方复收士马，会骠骑将军去病死，于是汉久不北击胡。

注 索隐汉士物故，案：释名云“汉以来谓死为‘物故’，物就朽故也”。又魏台访议高堂崇对曰“闻之先师：物，无也；故，事也。言无复所能于事者也。”

数岁，伊稚斜单于立十三年死，子乌维立为单于。是岁，汉元鼎三年也。乌维单于立，而汉天子始出巡郡县。其后汉方南诛两越，不击匈奴，匈奴亦不侵入边。

注 正义南越、东越。

乌维单于立三年，汉已灭南越，遣故太仆贺将万五千骑出九原二千余里，至浮苴井而还，不见匈奴一人。汉又遣故从骠侯赵破奴万余骑出令居数千里，至匈河水而还，亦不见匈奴一人。

注 索隐苴音子余反。臣瓚云：“去九原二千里，见汉舆地图。”

注 索隐臣瓚云：“水名，去令居千里。”

是时天子巡边，至朔方，勒兵十八万骑以见武节，而使郭

吉风告单于。郭吉既至匈奴，匈奴主客问所使，郭吉礼卑言好，曰：“吾见单于而口言。”单于见吉，吉曰：“南越王头已悬于汉北阙。今单于(能)即[能]前与汉战，天子自将兵待边；单于即不能，即南面而臣于汉。何徒远走，亡匿于幕北寒苦无水草之地，毋为也。”语卒而单于大怒，立斩主客见者，而留郭吉不归，迁之北海上。而单于终不肯为寇于汉边，休养息士马，习射猎，数使使于汉，好辞甘言求请和亲。

注 集解韦昭曰：“主使来客官也。”正义官名，若鸿胪卿。

注 正义北海即上海也，苏武亦迁也。

汉使王乌等窥匈奴。匈奴法，汉使非去节而以墨黥其面者不得入穹庐。王乌，北地人，习胡俗，去其节，黥面，得入穹庐。单于爱之，详许甘言，为遣其太子入汉为质，以求和亲。

注 正义音致。

汉使杨信于匈奴。是时汉东拔秽貉、朝鲜以为郡，而西置酒泉郡以鬲绝胡与羌通之路。汉又西通月氏、大夏，又以公主妻乌孙王，以分匈奴西方之援国。又北益广田至胘赖为塞，而匈奴终不敢以为言。是岁，翁侯信死，汉用事者以匈奴为已弱，可臣从也。杨信为人刚直屈强，素非贵臣，单于不亲。单于欲召入，不肯去节，单于乃坐穹庐外见杨信。杨信既见单于，说曰：

“即欲和亲，以单于太子为质于汉。”单于曰：“非故约。故约，汉常遣翁主，给繒絮食物有品，以和亲，而匈奴亦不扰边。今乃欲反古，令吾太子为质，无几矣。”匈奴俗，见汉使非中贵人，其儒先，以为欲说，折其辩；其少年，以为欲

刺，折其气。每汉使入匈奴，匈奴辄报偿。汉留匈奴使，匈奴亦留汉使，必得当乃肯止。

注 正义即玄菟、乐浪二郡。

注 正义今肃州。

注 正义汉书西域传云：“大月氏国去长安城万一千六百里，本居炖煌、祁连闲，冒顿单于破月氏，而老上单于杀月氏王，以头为饮器，月氏乃远去，过大宛西，击大夏而臣之，都妣水北，为王庭也。”

注 集解汉书音义曰：“肱赖，地名，在乌孙北。”

注 正义几音记。言反古无所冀望也。

注 集解先，先生也。汉书作“儒生”也。

杨信既归，汉使王乌，而单于复绐以甘言，欲多得汉财物，给谓王乌曰：“吾欲入汉见天子，面相约为兄弟。”王乌归报汉，汉为单于筑邸于长安。匈奴曰：“非得汉贵人使，吾不与诚语。”匈奴使其贵人至汉，病，汉予药，欲愈之，不幸而死。而汉使路充国佩二千石印绶往使，因送其丧，厚葬直数千金，曰“此汉贵人也”。单于以为汉杀吾贵使者，乃留路充国不归。诸所言者，单于特空给王乌，殊无意入汉及遣太子来质。于是匈奴数使奇兵侵犯边。汉乃拜郭昌为拔胡将军，及浞野侯屯朔方以东，备胡。路充国留匈奴三岁，单于死。

注 集解徐广曰赵破奴。

乌维单于立十岁而死，子乌师庐立为单于。年少，号为儿单于。是岁元封六年也。自此之后，单于益西北，左方兵直云中，右方直酒泉、炖煌郡。

注 集解徐广曰：“乌，一作‘詹’。”

注 正义括地志云：“铁勒国，匈奴冒顿之后，在突厥国北。乐胜州经秦长城、太羹长路正北，经沙碛，十三日行至其国。”

儿单于立，汉使两使者，一吊单于，一吊右贤王，欲以乖其国。使者入匈奴，匈奴悉将致单于。单于怒而尽留汉使。汉使留匈奴者前后十余辈，而匈奴使来，汉亦辄留相当。

是岁，汉使贰师将军广利西伐大宛，而令因杆 将军敖筑受降城。其冬，匈奴大雨雪，畜多饥寒死。儿单于年少，好杀伐，国人多不安。左大都尉欲杀单于，使人闲告汉曰：“我欲杀单于降汉，汉远，即兵来迎我，我即发。”初，汉闻此言，故筑受降城，犹以为远。

注 正义音于。

其明年春，汉使浞野侯破奴将二万余骑出朔方西北二千余里，期至浚稽山 而还。浞野侯既至期而还，左大都尉欲发而觉，单于诛之，发左方兵击浞野。

浞野侯行捕首虏得数千人。还，未至受降城四百里，匈奴兵八万骑围之。浞野侯夜自出求水，匈奴闲捕，生得浞野侯，因急击其军。军中郭纵为护，维王为渠， 相与谋曰：“及诸校尉畏亡将军而诛之，莫相劝归。”军遂没于匈奴。

匈奴儿单于大喜，遂遣奇兵攻受降城。不能下，乃寇入边而去。其明年，单于欲自攻受降城，未至，病死。

注 索隐应劭云：“在武威县北。”

注 正义为渠帅也。

儿单于立三岁而死。子年少，匈奴乃立其季父乌维单于弟

右贤王响 儻湖为单于。是岁太初三年也。

注 集解音钩，又音吁。索隐音钩，又音吁。

响儻湖单于立，汉使光禄徐自为出五原塞 数百里，远者千余里，筑城鄣列亭 至庐胸，而使游击将军韩说、长平侯卫伉屯其旁，使强弩都尉路博德筑居延泽上。

注 正义即五原郡榆林塞也。在胜州榆林县四十里也。

注 正义顾胤云：“鄣，山中小城。亭，候望所居也。”

注 集解音衢，匈奴地名，又山名。索隐服虔云：“匈奴地名。”张晏云：“山名。”正义地理志云五原郡稭阳县北出石门鄣，得光禄城，又西北得支就城，又西北得头曼城，又西北得虏河城，又西北得宿虏城。按：即筑城鄣列亭至庐胸也。服虔云：“庐胸，匈奴地名也。”张晏云：“山名也。”

注 正义括地志云：“汉居延县故城在甘州张掖县东北一千五百三十里，有汉遮虏鄣，强弩都尉路博德之所筑。李陵败，与土觶期至遮虏鄣，即此也。长老传云鄣北百八十里，直居延之西北，是李陵战地也。”

其秋，匈奴大入定襄、云中，杀略数千人，败数二千石而去，行破坏光禄所筑城列亭鄣。

又使右贤王入酒泉、张掖，略数千人。会任文 击救，尽复失所得而去。是岁，贰师将军破大宛，斩其王而还。匈奴欲遮之，不能至。其冬，欲攻受降城，会单于病死。

注 集解汉书音义曰：“汉将也。”

响儻湖单于立一岁死。匈奴乃立其弟左大都尉且鞮 侯为单于。

注 索隐上音子余反，下音低。

汉既诛大宛，威震外国。天子意欲遂困胡，乃下诏曰：“高皇帝遗朕平城之忧，高后时单于书绝悖逆。昔齐襄公复九世之讎，春秋大之。”是岁太初四年也。

注 集解公羊传曰：“九世犹可以复讎乎？曰虽百世可也。”

且鞮侯单于既立，尽归汉使之不降者。路充国等得归。单于初立，恐汉袭之，乃自谓“我儿子，安敢望汉天子！汉天子，我丈人行也”。汉遣中郎将苏武厚币赂遗单于。单于益骄，礼甚倨，非汉所望也。其明年，浞野侯破奴得亡归汉。

注 正义胡朗反。

其明年，汉使贰师将军广利以三万骑出酒泉，击右贤王于天山，得胡首虏万余级而还。匈奴大围贰师将军，几不脱。汉兵物故什六七。汉复使因杆将军敖出西河，与强弩都尉会涿涂山，毋所得。又使骑都尉李陵将步骑五千人，出居延北千余里，与单于会，合战，陵所杀伤万余人，兵及食尽，欲解归，匈奴围陵，陵降匈奴，其兵遂没，得还者四百人。单于乃贵陵，以其女妻之。

注 正义在伊州。

注 集解徐广曰：“涂音邪。”索隐涿音卓。涂音以奢反。正义匈奴中山也。

后二岁，复使贰师将军将六万骑，步兵十万，出朔方。强弩都尉路博德将万余人，与贰师会。游击将军说将步骑三万人，出五原。因杆将军敖将万骑步兵三万人，出鴈门。匈奴闻，悉远其累重于余吾水北，而单于以十万骑待水南，与贰师将军

接战。贰师乃解而引归，与单于连战十余日。贰师闻其家以巫蛊族灭，因并觶降匈奴，得来还千人一两人耳。游击说无所得。因杆敖与左贤王战，不利，引归。是岁汉兵之出击匈奴者不得言功多少，功不得御。有诏捕太医令随但，言贰师将军家室族灭，使广利得降匈奴。

注 集解徐广曰：“余，一作‘斜’，音邪。”索隐徐广云：“一作‘斜’，音邪。”山海经云：“北鲜之山，鲜水出焉，北流注余吾。”正义累，力为反。重，丈用反。

注 集解徐广曰：“案史记将相年表及汉书，征和二年，巫蛊始起。三年，广利与商丘成出击胡军，败，乃降。”

注 集解徐广曰：“天汉四年。”正义自此以下，上至贰师闻其家，非天汉四年事，似错误，人所知。

注 正义御音语。其功不得相御当也。

注 索隐汉书云：“明年，且鞮死，长子狐鹿姑单于立。”张晏云：“自狐鹿姑单于已下，皆刘向、褚先生所录，班彪又撰而次之，所以汉书匈奴传有上下两卷。”

太史公曰：孔氏着春秋，隐桓之闲则章，至定哀之际则微，为其切当世之文而罔矐，忌讳之辞也。世俗之言匈奴者，患其微一时之权，而务绉纳其说，以便偏指，不参彼己；将率席中国广大，气奋，人主因以决策，是以建功不深。尧虽贤，兴事业不成，得禹而九州宁。且欲兴圣统，唯在择任将相哉！唯在择任将相哉！

注 索隐案：讳国恶，礼也。仲尼仕于定哀，故其着春秋，不切论当世而微其词也。

注 索隐案：罔着，无也。谓其无实而矐之是也，忌讳当

代故也。

注 集解徐广曰：“徼音皎。”索隐按：徐音皎，刘伯庄音叫，皆非也。按其字宜音饶。徼者，求也，言求一时权宠。

注 索隐音税。

注 索隐案：谓说者谋匈奴，皆患其直徼求一时权幸，但务谄进其说，以自便其偏指，不参详终始利害也。

注 集解诗云：“彼己之子。”索隐彼己者，犹诗人讥词云“彼己之子”是也。

将率则指樊噲、卫、霍等也。

注 正义言尧虽贤圣，不能独理，得禹而九州安宁。以刺武帝不能择贤将相，而务谄纳小人浮说，多伐匈奴，故坏齐民。故太史公引禹圣成其太平，以攻当之罪。

【索隐述赞】猥狁、熏粥，居于北边。既称夏裔，式憬周篇。颇随畜牧，屡扰尘烟。爰自冒顿，尤聚控弦。虽空帑藏，未尽中权。

史记卷一一一

列传五十一 卫将军骠骑列传

大将军卫青者，平阳人也。其父郑季，为吏，给事平阳侯家，与侯妾卫媼通，生青。青同母兄卫长子，而姊卫子夫自平阳公主家得幸天子，故冒姓为卫氏。字仲卿。长子更字长君。长君母号为卫媼。媼长女卫孺，次女少儿，次女即子夫。后子夫男弟步、广皆冒卫氏。

注 正义汉书云“其父郑季，河东平阳人，以县吏给事平阳侯之家”也。

注 索隐卫，姓也。媼，妇人老少通称。汉书曰与主家僮卫媼通。案：既云家僮，故非老。或者媼是老称，后追称媼耳。又外戚传云“薄姬父与魏王宗女魏媼通”，则亦魏是媼姓。而小颜云“卫者，举其夫姓也”。然案此云“侯妾卫媼”，似更无别夫也。下云“同母兄卫长子及姊子夫皆冒卫姓”，又似有夫。其所冒之姓为父与母，皆未明也。

注 集解徐广曰：“曹参曾孙平阳夷侯，时尚武帝姊平阳公主，生子襄。”索隐案：如淳云“本阳信长公主，为平阳侯所尚，故称平阳公主”。按徐广云“夷侯，曹参曾孙，名襄”。又按系家及功臣表“时”或作“畴”，汉书作“寿”，并文字残缺，故不同也。

注 索隐汉书云“君孺”。

注 集解徐广曰：“步，一作‘少’。”

青为侯家人，少时归其父，其父使牧羊。先母之子 皆奴畜之，不以为兄弟数。青尝从入至甘泉居室， 有一钳徒相青曰：“贵人也，官至封侯。”

青笑曰：“人奴之生，得毋笞骂即足矣，安得封侯事乎！”

注 集解服虔曰：“先母，适妻也。青之适母。”索隐汉书作“民母”。服虔云“母，适妻也。青之适母”。顾氏云“郑季本妻编于民户之闲，故曰民母”。

今本亦或作“民母”也。

注 索隐音去声。

注 正义按：居室，署名，武帝改曰保宫。灌夫系居室是也。

注 集解张晏曰：“甘泉中徒所居也。”

青壮，为侯家骑，从平阳主。建元二年春，青姊子夫得入宫幸上。皇后，堂邑大长公主女也， 无子，妒。大长公主闻卫子夫幸，有身，妒之，乃使人捕青。青时给事建章， 未知名。大长公主执囚青，欲杀之。其友骑郎公孙敖与壮士往篡取之， 以故得不死。上闻，乃召青为建章监，侍中，及同母昆弟贵，赏赐数日闲累千金。孺为太仆公孙贺妻。少儿故与陈掌通， 上召贵掌。公孙敖由此益贵。子夫为夫人。青为大中大夫。

注 集解徐广曰：“堂邑安侯陈婴之孙夷侯午，尚景帝姊长公主，子季须。元鼎元年，季须坐奸自杀。”正义文颖云：“陈皇后，武帝姑女也。”

注 索隐案：晋灼云“上林中宫名也”。

注 索隐篡犹劫也，夺也。

注 集解徐广曰：“陈平曾孙，名掌也。”

元光五年，青为车骑将军，击匈奴，出上谷；太仆公孙贺为轻车将军，出云中；

大中大夫公孙敖为骑将军，出代郡；卫尉李广为骁骑将军，出雁门；军各万骑。

青至茈城，斩首虏数百。骑将军敖亡七千骑；卫尉李广为虏所得，得脱归；皆当斩，赎为庶人。贺亦无功。

元朔元年春，卫夫人有男，立为皇后。其秋，青为车骑将军，出雁门，三万骑击匈奴，斩首虏数千人。明年，匈奴入杀辽西太守，虏略渔阳二千余人，败韩将军军。汉令将军李息击之，出代；令车骑将军青出云中以西至高阙。遂略河南地，至于陇西，捕首虏数千，畜数十万，走白羊、楼烦王。遂以河南地为朔方郡。以三千八百户封青为长平侯。青校尉苏建有功，以千一百户封建为平陵侯。使建筑朔方城。青校尉张次公有功，封为岸头侯。天子曰：“匈奴逆天理，乱人伦，暴长虐老，以盗窃为务，行诈诸蛮夷，造谋藉兵，数为边害，故兴师遣将，以征厥罪。诗不云乎，‘薄伐玁狁，至于太原，出车彭彭，城彼朔方’。今车骑将军青度西河至高阙，获首虏二千三百级，车辎畜产毕收为卤，已封为列侯，遂西定河南地，按榆溪旧塞，绝梓领，梁北河，讨蒲泥，破符离，斩轻锐之卒，捕伏听者三千七十一级，执讯获丑，驱马牛羊百有余万，全甲兵而还，益封青三千户。”

其明年，匈奴入杀代郡太守友，入略鴈门千余人。其明年，匈奴大入代、定襄、上郡，杀略汉数千人。

注 索隐即卫太子据也。

注 索隐按：山名也。小颜云“一曰塞名，在朔方之北”。

注 索隐按：谓北地郡之北，黄河之南。正义今夏州也。

注 正义括地志云：“夏州朔方县北什贲故城是。”按：苏建筑，什贲之号盖出蕃语也。

注 索隐案：晋灼云“河东皮氏县之亭名也”。正义服虔云：“乡名也。”

注 集解张晏曰：“从蛮夷借兵钞边也。”

注 索隐薄伐獫狁。此小雅六月诗，美宣王北伐也。薄伐者，言逐出之也。

注 索隐小雅出车之诗也。

注 正义即云中郡之西河，今胜州东河也。

注 集解如淳曰：“案，行也。榆溪，旧塞名。”或曰按，寻也。索隐按榆谷旧塞。如淳云：“按，行也，寻也。榆谷，旧塞名也。”案：水经云“上郡之北有诸次水，东经榆林塞为榆溪”，是榆谷旧塞也。

注 集解如淳曰：“绝，度也。为北河作桥梁。”正义括地志云：“梁北河在灵州界也。”

注 集解晋灼曰：“二王号。”索隐晋灼云：“二王号。”崔浩云：“漠北塞名。”

注 集解张晏曰：“伏于隐处，听军虚实。”

注 正义讯，问也。丑，觶。言执其生口问之，知虜处，获得觶类也。

注 集解徐广曰：“友者，太守名也。姓共也。”

其明年，元朔之五年春，汉令车骑将军青将三万骑，出高阙；卫尉苏建为游击将军，左内史李沮为强弩将军，太仆公孙贺为骑将军，代相李蔡为轻车将军，皆领属车骑将军，俱出

朔方；大行李息、岸头侯张次公为将军，出右北平：

咸击匈奴。匈奴右贤王当卫青等兵，以为汉兵不能至此，饮醉。汉兵夜至，围右贤王，右贤王惊，夜逃，独与其爱妾一人壮骑数百驰，溃围北去。汉轻骑校尉郭成等逐数百里，不及，得右贤裨王十余人， 觶男女万五千余人，畜数千百万，于是引兵而还。至塞，天子使使者持大将军印，即军中拜车骑将军青为大将军，诸将皆以兵属大将军，大将军立号而归。 天子曰：“大将军青躬率戎士，师大捷，获匈奴王十有余人，益封青六千户。”而封青子伉为宜春侯， 青子不疑为阴安侯，青子登为发干侯。青固谢曰：“臣幸得待罪行闲，赖陛下神灵，军大捷，皆诸校尉力战之功也。

陛下幸已益封臣青。臣青子在鞬蹶中， 未有勤劳，上幸列地封为三侯，非臣待罪行闲所以劝士力战之意也。伉等三人何敢受封！”天子曰：“我非忘诸校尉功也，今固且图之。”乃诏御史曰：“护军都尉公孙敖三从大将军击匈奴，常护军，傅校获王， 以千五百户封敖为合骑侯。 都尉韩说从大将军出窳浑， 至匈奴右贤王庭，为麾下搏战获王， 以千三百户封说为龙骧侯。

骑将军公孙贺从大将军获王，以千三百户封贺为南窳侯。

轻车将军李蔡再从大将军获王，以千六百户封蔡为乐安侯。校尉李朔，校尉赵不虞，校尉公孙戎奴，各三从大将军获王，以千三百户封朔为涉轶侯，以千三百户封不虞为随成侯，以千三百户封戎奴为从平侯。将军李沮、李息及校尉豆如意有功，赐爵关内侯，食邑各三百户。”其秋，匈奴入代，杀都尉朱英。

注 集解文颖曰：“音俎。”

注 索隐裨王十人。贾逵云：“裨，益也。”小颜云：

“裨王，小王也，若裨将然。音频移反。”

注 索隐案：谓立大将军之号令而归。

注 正义侂音口浪反。

注 正义襁长尺二寸，阔八寸，以约小儿于背。褓，小儿被也。

注 索隐顾秘监云：“傅，领也。五百人谓之校。”小颜云：“傅音附。言敖总护诸军，每附部校，以致克捷而获王也。”

注 索隐案：非邑地，而以战功为号。谓以军合骠骑，故云“合骑”，若“冠军”、“从骠”然也。

注 集解徐广曰：“窳浑在朔方，音庾。”索隐音庾。服虔云“塞名”。徐广云“在朔方”。汉书作“真浑”，真音田也。

注 索隐搏音博。搏，击也。小颜同。今史、汉本多作“传”，传犹转也。

注 集解徐广曰：“窳宜作‘窳’，音匹孝反。”索隐徐音匹教反。韦昭云县名。或作“窳”，音干校反，字林云“大”下“卯”与“穴”下“卯”并音匹孝反。

其明年春，大将军青出定襄，合骑侯敖为中将军，太仆贺为左将军，翕侯赵信为前将军，卫尉苏建为右将军，郎中令李广为后将军，右内史李沮为强弩将军，咸属大将军，斩首数千级而还。月余，悉复出定襄击匈奴，斩首虏万余人。右将军建前将军信并军三千余骑，独逢单于兵，与战一日余，汉兵且尽。前将军故胡人，降为翕侯，见急，匈奴诱之，遂将其余骑可八百，磓降单于。右将军苏建尽亡其军，独以身得亡去，自归大将军。大将军问其罪正闾、长史安、议郎周霸等：

“建当云何？”霸曰：“自大将军出，未尝斩裨将。

今建弃军，可斩以明将军之威。”闾、安曰：“不然。兵

法‘小敌之坚，大敌之禽也’。今建以数千当单于数万，力战一日余，士尽，不敢有二心，自归。自归而斩之，是示后无反意也。不当斩。”大将军曰：“青幸得以肺腑待罪行闲，不患无威，而霸说我以明威，甚失臣意。且使臣职虽当斩将，以臣之尊宠而不敢自擅专诛于境外，而具归天子，天子自裁之，于是以见为人臣不敢专权，不亦可乎？”军吏皆曰“善”。遂囚建诣行在所。

入塞罢兵。

注 集解张晏曰：“正，军正也。闾，名也。”

注 正义律，都军官长史一人也。

注 集解徐广曰：“儒生。”索隐徐广云儒生也。案：郊祀志议封禅有周霸，故知也。

注 集解蔡邕曰：“天子自谓所居曰‘行在所’，言今虽在京师，行所至耳。”

巡狩天下，所奏事处皆为宫。在长安则曰奏长安宫，在泰山，则曰奉高宫，唯当时所在。”

是岁也，大将军姊子霍去病 年十八，幸，为天子侍中。善骑射，再从大将军，受诏与壮士，为剽姚 校尉，与轻勇骑八百直弃大军数百里赴利，斩捕首虏过当。于是天子曰：“剽姚校尉去病斩首虏二千二十八级，及相国、当户，斩单于大父行 籍若侯产， 生捕季父罗姑比， 再冠军，以千六百户封去病为冠军侯。上谷太守郝贤四从大将军，捕斩首虏二千余人，以千一百户封贤为觿利侯。”是岁，失两将军军，亡翁侯，军功不多，故大将军不益封。右将军建至，天子不诛，赦其罪，赎为庶人。

注 集解徐广曰：“姊即少儿也。”

注 索隐上音匹遥反，下音遥。大颜案荀悦汉纪作“票鹞”。票鹞，劲疾之貌也。上音频妙反，下音弋召反。

注 索隐案：小颜云“计其所将之人数，则捕首虏为多，过于所当也。一云汉军亡失者少，而杀获匈奴数多，故曰过当也”。

注 索隐行音胡浪反。谓籍若侯是匈奴祖之行也。汉书云“籍若侯产，产即大父之名”。

注 集解张晏曰：“籍若，胡侯。”

注 索隐案：颜氏云“罗姑比，单于季父名也”。小颜云“比，频也”。案：

下文既云“再冠军”，无容更言频也。

大将军既还，赐千金。是时王夫人方幸于上，宁乘说大将军曰：“将军所以功未甚多，身食万户，三子皆为侯者，徒以皇后故也。今王夫人幸而宗族未富贵，愿将军奉所赐千金为王夫人亲寿。”大将军乃以五百金为寿。天子闻之，问大将军，大将军以实言，上乃拜宁乘为东海都尉。

张骞从大将军，以尝使大夏，留匈奴中久，导军，知善水草处，军得以无饥渴，因前使绝国功，封骞博望侯。

注 正义大夏国在大宛西。

冠军侯去病既侯三岁，元狩二年春，以冠军侯去病为骠骑将军，将万骑出陇西，有功。天子曰：“骠骑将军率戎士踰乌盭，讨遼濮，涉狐奴，历五王国，辘重人觴惛惛者弗取，冀获单于子。转战六日，过焉支山千有余里，合短兵，杀折兰王，斩卢胡王，诛全甲，执浑邪王子及相国、都尉，首虏八千余级，收休屠祭天金人，益封去病二千户。”

注 集解徐广曰“骠，一亦作‘剽’。”正义汉书云霍去病征匈奴有绝幕之勋，始置骠骑将军，位在三司，品秩同大将军。说文云：“骠，黄马鬣白色。一曰白髦尾。”

注 集解汉书音义曰：“音戾，山名也。”

注 索隐音速卜二音。崔浩云“匈奴部落名”。案：下有“鮀濮王”，是国名也。

注 集解晋灼曰：“水名也。”

注 集解文颖曰：“恐惧也。”索隐案：说文云“訾，失气也”。刘氏云“上式涉反，下之涉反”。

注 集解徐广曰：“一作‘与’。”

注 集解张晏曰：“折兰，卢胡，国名也。杀者，杀之而已。斩者，获其首。”

正义颜师古云：“折兰，匈奴中姓也。今鲜卑有是兰姓者，即其种。”

注 集解徐广曰：“全，一作‘金’。”正义全甲谓具足不失落也。

注 集解如淳曰：“祭天为主。”索隐案：张婴云“佛徒祠金人也”。如淳云“祭天以金人为主也”。屠音储。

其夏，骠骑将军与合骑侯敖俱出北地，异道；博望侯张骞、郎中令李广俱出右北平，异道：皆击匈奴。郎中令将四千骑先至，博望侯将万骑在后至。匈奴左贤王将数万骑围郎中令，郎中令与战二日，死者过半，所杀亦过当。博望侯至，匈奴兵引去。博望侯坐行留，当斩，赎为庶人。而骠骑将军出北地，已遂深入，与合骑侯失道，不相得，骠骑将军踰居延至祁连山，捕首虏甚多。天子曰：“骠骑将军踰居延，遂过小月氏，攻祁连山，得酋涂王，以觶降者二千五百人，斩首虏三万二百级，获五王，五王母，单于阏氏、王子五十九人，相国、

将军、当户、都尉六十三人，师大率 减什三， 益封去病五千户。赐校尉从至小月氏爵左庶长。鹰击司马破奴再从骠骑将军斩鮃濮 王，捕稽沮王， 千骑将得王、王母各一人， 王子以下四十一人，捕虏三千三百三十人，前行捕虏千四百人，以千五百户封破奴为从骠侯。 校尉句王高不识， 从骠骑将军捕呼于屠王 王子以下十一人，捕虏千七百六十八人，以千一百户封不识为宜冠侯。 校尉仆多 有功，封为辉渠侯。”

合骑侯敖坐行留不与骠骑会，当斩，赎为庶人。诸宿将所将士马兵亦不如骠骑，骠骑所将常选， 然亦敢深入，常与壮骑先其大(将)军，军亦有天幸，未尝困绝也。

然而诸宿将常坐留落不遇。 由此骠骑日以亲贵，比大将军。

注 集解张晏曰：“水名也。”

注 索隐韦昭云：“音支。”西域传：“大月氏本居敦煌祁连闲，余觿保南山，遂号小月氏。”

注 索隐小颜云：“即天山也。匈奴谓天[为]祁连。”西河旧事谓白山，天山。祁连恐非即天山也。

注 集解张晏曰：“胡王也。”索隐酋音才由反。涂音徒。汉书云“扬武乎鱒得，得单于单桓、酋涂王”，此文省也。

注 正义率音律也。

注 索隐案：汉书云“减什七”，不同也。小颜云“破匈奴之师，十减其七。”

一云汉兵亡失之数，下皆类此”。案：后说为是也。

注 正义速卜二音。

注 索隐沮音子余反。

注 索隐按：汉书云“右千骑将王”，然则此千骑将汉之

将，属赵破奴，得匈奴五王及王母也。或云右千骑将即匈奴王之名。

注 集解张晏曰：“从骠骑将军有功，因以为号。”

注 集解徐广曰：“句音钩。匈奴以为号。”索隐案：二人并匈奴人也。

注 索隐案：三字共为王号。

注 正义孔文祥云：“从冠军将军战故。宜冠，从骠之类也。”

注 索隐案：汉百官表作“仆朋”，疑多是误。

注 索隐辉音晖。

注 索隐音宣变反。谓骠骑常选择取精兵。

注 索隐案：谓迟留零落，不偶合也。

其秋，单于怒浑邪王居西方数为汉所破，亡数万人，以骠骑之兵也。单于怒，欲召诛浑邪王。浑邪王与休屠王等谋欲降汉，使人先要边。是时大行李息将城河上，得浑邪王使，即驰传以闻。天子闻之，于是恐其以诈降而袭边，乃令骠骑将军将兵往迎之。骠骑既渡河，与浑邪王觶相望。浑邪王裨将见汉军而多欲不降者，颇遁去。骠骑乃驰入与浑邪王相见，斩其欲亡者八千人，遂独遣浑邪王乘传先诣行在所，尽将其觶渡河，降者数万，号称十万。既至长安，天子所以赏赐者数十巨万。封浑邪王万户，为漯阴侯。封其裨王呼毒尼 为下摩侯，鹰庇为辉渠侯，禽廞 为河褊侯，大当户铜离 为常乐侯。

于是天子嘉骠骑之功曰：“骠骑将军去病率师攻匈奴西域王浑邪，王及厥觶萌咸相讫，率以军粮接食，并将控弦万余人，诛獯鬻，获首虏八千余级，降异国之王三十二人，战士不离伤，十万之觶咸怀集服，仍与之劳，爰及河塞，庶几无患，幸既永绥矣。以千七百户益封骠骑将军。”减陇西、北地、

上郡戍卒之半，以宽天下之繇。

注 索隐案：谓先于边境要候汉人，言其欲降。

注 索隐瀑音他合反。案地理志，县名，在平原郡。

注 集解文颖曰：“胡王名。”

注 集解徐广曰：“一云‘篇訾’。”索隐汉书鹰作“雁”。庇音必二反，又音疋履反。案：汉书功臣表云元狩二年以辉渠封仆朋，至三年又封鹰庇。其地俱属鲁阳，未详所以。正义辉渠，表作“顺梁”。

注 集解徐广曰：“禽，一作‘鸟’。”索隐案：表作“鸟斲”。

注 集解徐广曰：“一作‘稠离’也。”索隐徐广一作“稠离”，与汉书功臣表同。此文云“铜离”，文异也。

注 集解晋灼曰：“獠音欺譙反。”索隐上音丘昭反。说文作“𨔵”，行遮貌。

遮，一作“疾”。驛音胡旦反。

注 正义言匈奴右地浑邪王降，而塞外并河诸郡之民无忧患也。

居顷之，乃分徙降者边五郡故塞外，而皆在河南，因其故俗，为属国。其明年，匈奴入右北平、定襄，杀略汉千余人。

注 正义五郡谓陇西、北地、上郡、朔方、云中，并是故塞外，又在北海西南。

注 正义以降来之民徙置五郡，各依本国之俗而属于汉，故言“属国”也。

其明年，天子与诸将议曰：“翁侯赵信为单于画计，常以

为汉兵不能度幕轻留，今大发士卒，其势必得所欲。”是岁元狩四年也。

注 索隐案：幕即沙漠，古字少耳。轻留者，谓匈奴以汉军不能至，故轻易留而不去也。

元狩四年春，上令大将军青、骠骑将军去病将各五万骑，步兵转者踵军数十万，而敢力战深入之士皆属骠骑。骠骑始为出定襄，当单于。捕虏言单于东，乃更令骠骑出代郡，令大将军出定襄。郎中令为前将军，太仆为左将军，主爵赵食其为右将军，平阳侯襄为后将军，皆属大将军。兵即度幕，人马凡五万骑，与骠骑等咸击匈奴单于。赵信为单于谋曰：“汉兵既度幕，人马罢，匈奴可坐收虏耳。”乃悉远北其辎重，皆以精兵待幕北。而适值大将军军出塞千余里，见单于兵陈而待，于是大将军令武刚车自环为营，而纵五千骑往当匈奴。匈奴亦纵可万骑。

会日且入，大风起，沙砾击面，两军不相见，汉益纵左右翼绕单于。单于视汉兵多，而士马尚强，战而匈奴不利，薄莫，单于遂乘六荣，壮骑可数百，直冒汉围西北驰去。时已昏，汉匈奴相纷拏，杀伤大当。汉军左校捕虏言单于未昏而去，汉军因发轻骑夜追之，大将军军因随其后。匈奴兵亦散走。迟明，行二百余里，不得单于，颇捕斩首虏万余级，遂至寘颜山赵信城，得匈奴积粟食军。军留一日而还，悉烧其城余粟以归。

注 正义言转运之士及步兵接后又数十万人。

注 集解孙吴兵法曰：“有巾有盖，谓之武刚车也。”

注 正义三苍解诂云：“纷拏，相牵也。”

注 索隐以言所杀伤大略相当。

注 集解徐广曰：“迟，一作‘黎’。”索隐上音值，待也。待天欲明，谓平明也。诸本多作“黎明”。邹氏云“黎，迟也”。然黎，黑也，候天将明犹黑也。正义迟音值。

注 集解徐广曰：“竇音田。”

大将军之与单于会也，而前将军广、右将军食其军别从东道，或失道，后击单于。大将军引还过幕南，乃得前将军、右将军。大将军欲使使归报，令长史簿责前将军广，广自杀。右将军至，下吏，赎为庶人。大将军军入塞，凡斩捕首虏万九千级。

是时匈奴觭失单于十余日，右谷蠡王闻之，自立为单于。单于后得其觭，右王乃去单于之号。

注 索隐上音禄；下音斲，又音离。

骠骑将军亦将五万骑，车重与大将军军等，而无裨将。悉以李敢等为大校，当裨将，出代、右北平千余里，直左方兵，所斩捕功已多大将军。军既还，天子曰：“骠骑将军去病率师，躬将所获荤粥之士，约轻赍，绝大幕，涉获章渠，以诛比车耆，转击左大将，斩获旗鼓，历涉离侯。济弓闾，获屯头王、韩王等三人，将军、相国、当户、都尉八十三人，封狼居胥山，禅于姑衍，登临翰海。执卤获丑七万有四百四十三级，师率减什三，取食于敌，逴行殊远而粮不绝，以五千八百户益封骠骑将军。”

右北平太守路博德属骠骑将军，会与城，不失期，从至橐余山，斩首虏二千七百余级，以千六百户封博德为符离侯。北地都尉邢山从骠骑将军获王，以千二百户封山为义阳侯。故归义因淳王复陆支、楼专王、伊即軒皆从骠骑将军有

功，以千三百户封复陆支为壮侯，以千八百户封伊即軒为觭利侯。从骠侯破奴、昌武侯安稽 从骠骑有功，益封各三百户。校尉敢 得旗鼓，为关内侯，食邑二百户。校尉自为 [二〇] 爵大庶长。军吏卒为官，赏赐甚多。而大将军不得益封，军吏卒皆无封侯者。

注 集解徐广曰：“粥，一作‘允’。” 骊案：应劭曰“所降土有材力者”。

注 集解徐广曰：“获，一作‘护’。” 索隐小颜云：“涉谓涉水也。章渠，单于之近臣，谓涉水而破获之。” 汉书云“涉获单于章渠”也。

注 集解晋灼曰：“王号也。” 索隐比，必耳反。

注 索隐案：汉书名双。

注 索隐汉书作“度难侯”。小颜云“山名”。历，度也。

注 集解晋灼曰：“水名也。” 索隐弓，包恺音穹，亦如字读。

注 集解汉书音义曰：“胡王号也。”

注 集解徐广曰：“王，一作‘藉’。” 索隐按：汉书云“屯头韩王等三人”。

李奇曰“皆匈奴王号”。

注 正义积土为坛于山上，封以祭天也。祭地曰禘。

注 集解张晏曰：“登海边山以望海也。” 索隐按：崔浩云“北海名，鶡鸟之所解羽，故云翰海”。广异志云“在沙漠北”。

注 索隐音与“卓”同。卓，远也。

注 正义与音余。

注 索隐音桃徒二音。

注 集解徐广曰：“一作‘卫山’。”

注 索隐复，刘氏音伏，小颜音福。

注 索隐汉书作“劓”，并音专。小颜音之充反也。

注 索隐九言反。

注 集解徐广曰：“姓赵，故匈奴王。”索隐故匈奴王，姓赵也。

注 索隐李广子也。

注 [二〇] 索隐案：徐自为也。

两军之出塞，塞阅官及私马凡十四万匹，而复入塞者不满三万匹。乃益置大司马位，大将军、骠骑将军皆为大司马。

定令，令骠骑将军秩禄与大将军等。

自是之后，大将军青日退，而骠骑日益贵。举大将军故人门下多去事骠骑，辄得官爵，唯任安不肯。

注 集解如淳曰：“大将军、骠骑将军皆有大司马之号也。”索隐案：如淳云“本无大司马，今新置耳”。案：前谓太尉，其官又省，今武帝始置此位，卫将军、霍骠骑皆加此官。

骠骑将军为人少言不泄，有气敢任。天子尝欲教之孙吴兵法，对曰：“顾方略何如耳，不至学古兵法。”天子为治第，令骠骑视之，对曰：“匈奴未灭，无以家为也。”由此上益重爱之。然少而侍中，贵，不省土。其从军，天子为遣太官赍数十乘，既还，重车余弃梁肉，而士有饥者。其在塞外，卒乏粮，或不能自振，而骠骑尚穿域蹋鞠。事多此类。大将军为人仁善退让，以和柔自媚于上，然天下未有称也。

注 索隐案：孔文祥云“谓质重少言，胆气在中也。周仁‘阴重不泄’，其行亦同也”。

注 索隐谓果敢任气也。汉书作“往”，亦作“任”也。

注 集解徐广曰：“穿地为营域。”索隐穿域嚶鞠。徐氏云“穿地为营域”。

嚶鞠书有域说篇，又以杖打，亦有限域也。今之鞠戏，以皮为之，中实以毛，嚶蹋为戏。刘向别录云“鏃鞠，兵势，所以陈武事，知有材力也”。汉书作“鏃鞠”。三仓云“鞠毛可鏃以为戏”。鞠音巨六反。正义按：嚶鞠书有域说篇，即今之打球也。黄帝所作，起战国时。程武士，知其材力也，若讲武。

骠骑将军自四年军后三年，元狩六年而卒。天子悼之，发属国玄甲军，陈自长安至茂陵，为顷象祁连山。谥之，并武与广地曰景桓侯。子嬪代侯。嬪少，字子侯，上爱之，幸其壮而将之。居六岁，元封元年，嬪卒，谥哀侯。无子，绝国除。

注 正义属国即上分置边五郡者也。玄甲，铁甲也。

注 索隐案：崔浩云“去病破昆邪于此山，故令为顷象之以旌功也”。姚氏案：

顷在茂陵东北，与卫青顷并。西者是青，东者是去病顷。上有竖石，前有石马相对，又有石人也。

注 集解苏林曰：“景，武谥也；桓，广地谥也。”张晏曰：“谥法‘布义行刚曰景，辟土服远曰桓’。”索隐案：景，桓，两谥也。谥法“布义行刚曰景”，是武谥也；又曰“辟土服远曰桓”，是广地之谥也。以去病平生有武艺及广边地之功，故云“谥之并武与广地曰景桓侯”。

注 索隐音市战反。

自骠骑将军死后，大将军长子宜春侯伉坐法失侯。后五岁，伉弟二人，阴安侯不疑及发干侯登皆坐酎金失侯。失侯后二岁，

冠军侯国除。其后四年，大将军青卒， 谥为烈侯。子伉代为长平侯。

注 集解徐广曰：“元封五年。”

自大将军围单于之后，十四年而卒。竟不复击匈奴者，以汉马少，而方南诛两越，东伐朝鲜，击羌、西南夷，以故久不伐胡。

大将军以其得尚平阳长公主 故，长平侯伉代侯。六岁，坐法失侯。

注 正义汉书云：“平阳侯曹寿有恶疾，就国，乃诏青尚平阳公主。”如淳云：

“本阳信长公主，为平阳侯所尚，故称平阳公主云。”

左方两大将军及诸裨将名：

最 大将军青，凡七出击匈奴，斩捕首虏五万余级。一与单于战，收河南地，遂置朔方郡，再益封，凡万一千八百户。封三子为侯，侯千三百户。并之，万五千七百户。其校尉裨将以从大将军侯者九人。其裨将及校尉已为将者十四人。

为裨将者曰李广，自有传。无传者曰：

注 索隐谓凡计也。

注 索隐案：汉书云“为特将者十五人”，盖通李广也。此李广一人自有传，若汉书则七人自有传，八人附见。七人谓李广、张骞、公孙贺、李蔡、曹襄、韩说、苏建也。

将军公孙贺。贺，义渠人， 其先胡种。贺父浑邪，景帝时为平曲侯， 坐法失侯。贺，武帝为太子时舍人。武帝立八岁，以太仆为轻车将军，军马邑。

后四岁，以轻车将军出云中。后五岁，以骑将军从大将军有功，封为南郿侯。

后一岁，以左将军再从大将军出定襄，无功。后四岁，以坐酎金失侯。后八岁，以浮沮将军出五原二千余里，无功。后八岁，以太仆为丞相，封葛绎侯。贺七为将军，出击匈奴无大功，而再侯，为丞相。坐子敬声与阳石公主奸，为巫蛊，族灭，无后。

注 正义今庆州，本义渠戎国也。地理志云北义渠道也。

注 集解徐广曰：“为陇西太守。”

注 集解徐广曰：“元鼎六年”。

注 索隐沮音子余反。

注 集解徐广曰：“太初二年。”

注 集解徐广曰：“阳石，一云‘德邑’。”

将军李息，郁郅人。事景帝。至武帝立八岁，为材官将军，军马邑；后六岁，为将军，出代；后三岁，为将军，从大将军出朔方：皆无功。凡三为将军，其后常为大行。

注 集解服虔曰：“郅音室。”索隐服虔音室，小颜音质。案：北地县名也。

正义之栗反。今庆州弘化县是。

将军公孙敖，义渠人。以郎事武帝。武帝立十二岁，为(骠)骑将军，出代，亡卒七千人，当斩，赎为庶人。后五岁，以校尉从大将军有功，封为合骑侯。

后一岁，以中将军从大将军，再出定襄，无功。后二岁，以将军出北地，后骠骑期，当斩，赎为庶人。后二岁，以校尉从大将军，无功。后十四岁，以因杆将军筑受降城。七岁，

复以因杆将军再出击匈奴，至余吾，亡士卒多，下吏，当斩，诈死，亡居民闲五六岁。后发觉，复系。坐妻为巫蛊，族。凡四为将军，出击匈奴，一侯。

注 索隐音于。

注 索隐余音余，又音徐。案：水名，在朔方。

将军李沮，云中入。事景帝。武帝立十七岁，以左内史为强弩将军。

后一岁，复为强弩将军。

注 索隐音“俎豆”之“俎”。

注 正义今岚、胜州也。

将军李蔡，成纪人也。事孝文帝、景帝、武帝。以轻车将军从大将军有功，封为乐安侯。已为丞相，坐法死。

注 正义秦州县也。

将军张次公，河东人。以校尉从卫将军青有功，封为岸头侯。其后太后崩，为将军，军北军。后一岁，为将军，从大将军，再为将军，坐法失侯。次公父隆，轻车武射也。以善射，景帝幸近之也。

将军苏建，杜陵人。以校尉从卫将军青，有功，为平陵侯，以将军筑朔方。后四岁，为游击将军，从大将军出朔方。后一岁，以右将军再从大将军出定襄，亡翕侯，失军，当斩，赎为庶人。其后为代郡太守，卒，顷在大犹乡。

将军赵信，以匈奴相国降，为翕侯。武帝立十七岁，为前将军，与单于战，败，降匈奴。

将军张骞，以使通大夏，还，为校尉。从大将军有功，封

为博望侯。后三岁，为将军，出右北平，失期，当斩，赎为庶人。其后使通乌孙，为大行而卒，邠在汉中。

将军赵食其，祿翊人也。武帝立二十二岁，以主爵为右将军，从大将军出定襄，迷失道，当斩，赎为庶人。

注 索隐县名，在冯翊。祿音都活反，又音丁外反。翊音翊。正义上都海反。

雍州同官县，本汉祿翊县也。

将军曹襄，以平阳侯为后将军，从大将军出定襄。襄，曹参孙也。

将军韩说，弓高侯庶孙也。以校尉从大将军有功，为龙骧侯，坐酎金失侯。元鼎六年，以待诏为横海将军，击东越有功，为按道侯。以太初三年为游击将军，屯于五原外列城。为光禄勋，掘蛊太子宫，卫太子杀之。

将军郭昌，云中人也。以校尉从大将军。元封四年，以太中大夫为拔胡将军，屯朔方。还击昆明，毋功，夺印。

将军荀彘，太原广武人。以御见，侍中，为校尉，数从大将军。以元封三年为左将军击朝鲜，毋功。以捕楼船将军坐法死。

注 正义以善御求见也。

最骠骑将军去病，凡六出击匈奴，其四出以将军，斩捕首虏十一万余级。

及浑邪王以觶降数万，遂开河西酒泉之地，西方益少胡寇。四益封，凡万五千一百户。其校吏有功为侯者凡六人，而后为将军二人。

注 集解徐广曰：“再出以剽姚校尉也。”

注 正义河谓陇右兰州之西河也，[酒泉]谓凉、肃等州，汉书西域传云骠骑将军击破匈奴右地，置酒泉郡，后分置武威、张掖、炖煌等郡。

将军路博德，平州人。以右北平太守从骠骑将军有功，为符离侯。骠骑死后，博德以卫尉为伏波将军，伐破南越，益封。其后坐法失侯。为强弩都尉，屯居延，卒。

注 正义汉书云西河平州。按：西河郡今汾州。

将军赵破奴，故九原人。尝亡入匈奴，已而归汉，为骠骑将军司马。出北地时有功，封为从骠侯。坐酎金失侯。后一岁，为匈河将军，攻胡至匈河水，无功。后二岁，击虏楼兰王，复封为浞野侯。后六岁，为浚稽将军，将二万骑击匈奴左贤王，左贤王与战，兵八万骑围破奴，破奴生为虏所得，遂没其军。居匈奴中十岁，复与其太子安国亡入汉。后坐巫蛊，族。

注 正义今胜州。

注 集解徐广曰：“元封二年。”

注 集解徐广曰：“太初二年。”

注 集解徐广曰：“以太初二年入匈奴，天汉元年亡归，涉四年。”

自卫氏兴，大将军青首封，其后枝属为五侯。凡二十四岁而五侯尽夺，卫氏无为侯者。

太史公曰：苏建语余曰：“吾尝责大将军至尊重，而天下之贤大夫毋称焉，愿将军观古名将所招选择贤者，勉之哉。大将军谢曰：‘自魏其、武安之厚宾客，天子常切齿。彼亲附

士大夫，招贤绌不肖者，人主之柄也。人臣奉法遵职而已，何与招士！”“骠骑亦放此意，其为将如此。

注 索隐谓不为贤士大夫所称誉。

注 索隐音预。

【索隐述赞】君子豹变，贵贱何常。青本俘虏，忽升戎行。姊配皇极，身尚平阳。宠荣斯僭，取乱彝章。嫖姚继踵，再静边方。

史记卷一一二

列传五十二 平津侯主父列传

丞相公孙弘者，齐菑川国薛县人也，字季。少时为薛狱吏，有谿，免家贫，牧豕海上。年四十余，乃学春秋杂说。养后母孝谨。

注 索隐案：薛县属鲁国，汉置菑川国，后割入齐也。正义表云菑川国，文帝分齐置，都剧。括地志云：“故剧城在青州寿光县南三十一里。故薛城在徐州滕县界。地理志云薛县属鲁国。”按：薛与剧隔兖州及太山，未详。公孙弘墓又在青州北鲁县西二十里也。

建元元年，天子初即位，招贤良文学之士。是时弘年六十，征以贤良为博士。

使匈奴，还报，不合上意，上怒，以为不能，弘乃病免归。

元光五年，有诏征文学，菑川国复推上公孙弘。弘让谢国人曰：“臣已尝西应命，以不能罢归，愿更推选。”国人固推弘，弘至太常。太常令所征儒士各对策，百余人，弘第居下。策奏，天子擢弘对为第一。召入见，状貌甚丽，拜为博士。

是时通西南夷道，置郡，巴蜀民苦之，诏使弘视之。还奏事，盛毁西南夷无所用，上不听。

弘为人恢奇多闻，常称以为人主病不广大，人臣病不俭节。

弘为布被，食不重肉。后母死，服丧三年。每朝会议，开陈其端，令人主自择，不肯面折庭争。

于是天子察其行敦厚，辩论有余，习文法吏事，而又缘饰以儒术，上大说之。二岁中，至左内史。弘奏事，有不可，不庭辩之。尝与主爵都尉汲黯请闲，汲黯先发之，弘推其后，天子常说，所言皆听，以此日益亲贵。尝与公卿约议，至上前，皆倍其约以顺上旨。汲黯庭诘弘曰：“齐人多诈而无情实，始与臣等建此议，今皆倍之，不忠。”上问弘。弘谢曰：“夫知臣者以臣为忠，不知臣者以臣为不忠。”上然弘言。左右幸臣每毁弘，上益厚遇之。

注 索隐谓以儒术饰文法，如衣服之有领缘以为饰也。

注 集解徐广曰：“一云一岁。”

元朔三年，张敖免，以弘为御史大夫。是时通西南夷，东置沧海，北筑朔方之郡。弘数谏，以为罢敝中国以奉无用之地，愿罢之。于是天子乃使朱买臣等难弘置朔方之便。发十策，弘不得一。弘乃谢曰：“山东鄙人，不知其便若是，愿罢西南夷、沧海而专奉朔方。”上乃许之。

注 集解韦昭曰：“以弘之才，非不能得一也，以为不可，不敢逆上耳。”索隐按：韦昭以弘之才非不能得一，以为不可，不敢逆上故耳。正义颜师古曰：“言其利害十条，弘无以应。”

汲黯曰：“弘位在三公，奉禄甚多。然为布被，此诈也。”上问弘。弘谢曰：“有之。夫九卿与臣善者无过黯，然今日庭诘弘，诚中弘之病。夫以三公为布被，诚饰诈欲以钓名。且臣闻管仲相齐，有三归，侈拟于君，桓公以霸，亦上僭于君。晏婴相景公，食不重肉，妾不衣丝，齐国亦治，此下比于民。

今臣弘位为御史大夫，而为布被，自九卿以下至于小吏，无差，诚如汲黯言。且无汲黯忠，陛下安得闻此言。”天子以为谦让，愈益厚之。卒以弘为丞相，封平津侯。

注 索隐比音鼻。比者，近也。小颜音“比方‘之’比”。

注 集解徐广曰：“大臣表曰元朔五年十一月乙丑，公孙弘为丞相。功臣表曰元朔(三)年十一月乙丑，封平津侯。”
驷案汉书，高成之平津乡也。

索隐案：汉书曰“汉兴，皆以列侯为丞相，弘本无爵，乃诏封弘高成之平津乡六百五十户为平津侯。丞相封侯，自弘始也”。

弘为人意忌，外宽内深。诸尝与弘有却者，虽详与善，阴报其祸。杀主父偃，徙董仲舒于胶西，皆弘之力也。食一肉脱粟之饭。故人所善宾客，仰衣食，弘奉禄皆以给之，家无所余。士亦以此贤之。

注 索隐谓弘外宽内深，意多有忌害也。

注 索隐案：一肉，言不兼味。脱粟，纔脱谷而已，言不精凿也。

淮南、衡山谋反，治党与方急。弘病甚，自以为无功而封，位至丞相，宜佐明主填抚国家，使人由臣子之道。今诸侯有畔逆之计，此皆宰相奉职不称，恐窃病死，无以塞责。乃上书曰：“臣闻天下之信道五，所以行之者三。曰君臣，父子，兄弟，夫妇，长幼之序，此五者天下之信道也。智，仁，勇，此三者天下之通德，所以行之者也。故曰‘力行近乎仁，好问近乎智，知耻近乎勇’。知此三者，则知所以自治；知所以自治，然后知所以治人。天下未有不能自治而能治人者也，此百

世不易之道也。今陛下躬行大孝，鉴三王，建周道，兼文武，厉贤予禄，量能授官。今臣弘罢弩之质，无汗马之劳，陛下过意擢臣弘卒伍之中，封为列侯，致位三公。臣弘行能不足以称，素有负薪之病，恐先狗马填沟壑，终无以报德塞责。愿归侯印，乞骸骨，避贤者路。”天子报曰：“古者赏有功，褒有德，守成尚文，遭遇右武，未有易此者也。朕宿昔庶几获承尊位，惧不能宁，惟所与共为治者，君宜知之。盖君子善善恶恶，（君宜知之）君若谨行，常在朕躬。君不幸罹霜露之病，何恙不已，乃上书归侯，乞骸骨，是章朕之不德也。今事少闲，君其省思虑，一精神，辅以医药。”

因赐告牛酒杂帛。居数月，病有瘳，视事。

注 索隐案：人臣委质于君，死生由君。今若一朝病死，是窃死也。

注 索隐案：此语出子思子，今见礼记中庸篇。

注 集解徐广曰：“厉，一作‘广’也。”

注 索隐小颜云：“右亦上也。言遭遇乱时则上武也。”

注 集解汉书音义曰：“何恙，喻小疾不以时愈。”索隐恙，忧也。言罹霜露寒凉之疾，轻，何忧于病不止。礼曰“疾止复初”也。

元狩二年，弘病，竟以丞相终。子度嗣为平津侯。度为山阳太守十余岁，坐法失侯。

注 集解汉书曰：“年八十。”索隐汉书云凡为御史、丞相六岁，年八十终。

注 索隐汉书云坐不遣钜野令史成诣公车，论为城旦。元始中诏复弘后为关内侯也。

主父偃者，齐临菑人也。学长短纵横之术，晚乃学易、春秋、百家言。游齐诸生闲，莫能厚遇也。齐诸儒生相与排摈，不容于齐。家贫，假贷无所得，乃北游燕、赵、中山，皆莫能厚遇，为客甚困。孝武元光元年中，以为诸侯莫足游者，乃西入关见卫将军。卫将军数言上，上不召。资用乏，留久，诸公宾客多厌之，乃上书阙下。朝奏，暮召入见。所言九事，其八事为律令，一事谏伐匈奴。其辞曰：

臣闻明主不恶切谏以博观，忠臣不敢避重诛以直谏，是故事无遗策而功流万世。

今臣不敢隐忠避死以效愚计，愿陛下幸赦而少察之。

司马法曰：“国虽大，好战必亡；天下虽平，忘战必危。”天下既平，天子大凯，春搜秋猕，诸侯春振旅，秋治兵，所以不忘战也。且夫怒者逆德也，兵者凶器也，争者末节也。古之人君一怒必伏尸流血，故圣王重行之。夫务战胜穷武者，未有不悔者也。昔秦皇帝任战胜之威，蚕食天下，并吞战国，海内为一，功齐三代。务胜不休，欲攻匈奴，李斯谏曰：“不可。夫匈奴无城郭之居，委积之守，迁徙鸟举，难得而制也。轻兵深入，粮食必绝；踵粮以行，重不及事。得其地不足以为利也，遇其民不可役而守也。胜必杀之，非民父母也。

靡弊中国，快心匈奴，非长策也。”秦皇帝不听，遂使蒙恬将兵攻胡，辟地千里，以河为境。地固泽(咸)卤，不生五谷。然后发天下丁男以守北河。暴兵露师十有余年，死者不可胜数，终不能踰河而北。是岂人觝不足，兵革不备哉？其势不可也。又使天下蜚刍挽粟，起于黄、颍、琅邪负海之郡，转输北河，率三十钟而致一石。男子疾耕不足于粮饷，女子纺绩不足于帷幕。百姓靡敝，孤寡老弱不能相养，道路死者相望，盖天下始畔秦也。

注 集解应劭曰：“大凯，周礼还师振旅之乐。”

注 集解宋均曰：“春秋少阳少阴，气弱未全，须人功而后用，士庶法之，教而后成，宗仁本义。天子诸侯必春秋讲武，简阅车徒，以顺时气，不忘战也。”

索隐按：宋均云“宗本仁义，助少阴少阳之气，因而教以简阅车徒”。

注 索隐靡音糜。弊犹凋敝也。

注 集解徐广曰：“泽，一作‘斥’。”瓚曰：“其地多水泽，又有卤。”

注 集解文颖曰：“转白谷就战是也。”

注 集解徐广曰：“睡在东莱，音缙。”索隐县名，在东莱，音逐瑞反，注音缙。

及至高皇帝定天下，略地于边，闻匈奴聚于代谷之外而欲击之。御史成进谏曰：

“不可。夫匈奴之性，兽聚而鸟散，从之如搏影。今以陛下盛德攻匈奴，臣窃危之。”高帝不听，遂北至于代谷，果有平城之围。高皇帝盖悔之甚，乃使刘敬往结和亲之约，然后天下忘干戈之事。故兵法曰“兴师十万，日费千金”。夫秦常积觊暴兵数十万人，虽有覆军杀将系虏单于之功，亦适足以结怨深讎，不足以偿天下之费。夫上虚府库，下敝百姓，甘心于外国，非完事也。夫匈奴难得而制，非一世也。行盗侵驱，所以为业也，天性固然。上及虞夏殷周，固弗程督，禽兽畜之，不属为人。夫上不观虞夏殷周之统，而下(修)[循]近世之失，此臣之所大忧，百姓之所疾苦也。且夫兵久则变生，事苦则虑易。乃使边境之民弊靡愁苦而有离心，将吏相疑而外市，故尉佗、章邯得以成其私也。夫秦政之所以不行者，权分乎二子，此得失之效也。故周书曰“安危在出令，存亡在所用”。愿陛

下详察之，少加意而熟虑焉。

注 集解张晏曰：“与外国交求利己，若章邯之比。”

是时赵人徐乐、齐人严安俱上书言世务，各一事。徐乐曰：

注 索隐乐音岳。

注 索隐按：本姓庄，避明帝讳，后并改“严”也。安及徐乐并拜郎中。乐后为中大夫。

臣闻天下之患在于土崩，不在于瓦解，古今一也。何谓土崩？秦之末世是也。

陈涉无千乘之尊，尺土之地，身非王公大人名族之后，无乡曲之誉，非有孔、墨、曾子之贤，陶朱、猗顿之富也，然起穷巷，奋棘矜，偏袒大呼而天下从风，此其故何也？由民困而主不恤，下怨而上不知（也），俗已乱而政不修，此三者陈涉之所以为资也。是之谓土崩。故曰天下之患在于土崩。何谓瓦解？

吴、楚、齐、赵之兵是也。七国谋为大逆，号皆称万乘之君，带甲数十万，威足以严其境内，财足以劝其士民，然不能西攘尺寸之地而身为禽于中原者，此其故何也？非权轻于匹夫而兵弱于陈涉也，当是之时，先帝之德泽未衰而安土乐俗之民觴，故诸侯无境外之助。此之谓瓦解，故曰天下之患不在瓦解。由是观之，天下诚有土崩之势，虽布衣穷处之士或首恶而危海内，陈涉是也。况三晋之君或存乎！天下虽未有大治也，诚能无土崩之势，虽有强国劲兵不得旋踵而身为禽矣，吴、楚、齐、赵是也。况髡臣百姓能为乱乎哉！此二体者，安危之明要也，贤主所留意而深察也。

注 集解矜音勤。索隐下音勤。矜，今戟柄。棘，戟也。

闲者关东五谷不登，年岁未复，民多穷困，重之以边境之事，推数循理而观之，则民且有不安其处者矣。不安故易动。易动者，土崩之势也。故贤主独观万化之原，明于安危之机，修之庙堂之上，而销未形之患。其要，期使天下无土崩之势而已矣。故虽有强国劲兵，陛下逐走兽，射蜚鸟，弘游燕之囿，淫纵恣之观，极驰骋之乐，自若也。金石丝竹之声不绝于耳，帷帐之私俳优侏儒之笑不乏于前，而天下无宿忧。名何必汤武，俗何必成康！虽然，臣窃以为陛下天然之圣，宽仁之资，而诚以天下为务，则汤武之名不难侔，而成康之俗可复兴也。

此二体者立，然后处尊安之实，扬名广誉于当世，亲天下而服四夷，余恩遗德为数世隆，南面负宸摄袂而揖王公，此陛下之所服也。臣闻图王不成，其敝足以安。安则陛下何求而不得，何为而不成，何征而不服乎哉！严安上书曰：

臣闻周有天下，其治三百余岁，成康其隆也，刑错四十余年而不用。及其衰也，亦三百余岁，故五伯更起。五伯者，常佐天子兴利除害，诛暴禁邪，匡正海内，以尊天子。五伯既没，贤圣莫续，天子孤弱，号令不行。诸侯恣行，强陵弱，觊暴寡，田常篡齐，六卿分晋，并为战国，此民之始苦也。于是强国务攻，弱国备守，合从连横，驰车击毂，介胄生虻虱，民无所告愬。

及至秦王，蚕食天下，并吞战国，称号曰皇帝，主海内之政，坏诸侯之城，销其兵，铸以为钟虡，示不复用。元元黎民得免于战国，逢明天子，人人自以为更生。向使秦缓其刑罚，薄赋敛，省繇役，贵仁义，贱权利，上笃厚，下智巧，变风易俗，化于海内，则世世必安矣。秦不行是风而(修)[循]其故俗，为智巧权利者进，笃厚忠信者退；法严政峻，谄谀者

觶，日闻其美，意广心轶。欲肆威海外，乃使蒙恬将兵以北攻胡，辟地进境，戍于北河，蜚刍挽粟以随其后。又使尉(佗)屠睢将楼船之士南攻百越，使监禄凿渠运粮，深入越，越人遁逃。旷日持久，粮食绝乏，越人击之，秦兵大败。秦乃使尉佗将卒以戍越。当是时，秦祸北构于胡，南挂于越，宿兵无用之地，进而不得退。行十余年，丁男被甲，丁女转输，苦不聊生，自经于道树，死者相望。

及秦皇帝崩，天下大叛。陈胜、吴广举陈，武臣、张耳举赵，项梁举吴，田儋举齐，景驹举郢，周市举魏，韩广举燕，穷山通谷豪士并起，不可胜载也。

然皆非公侯之后，非长官之吏也。无尺寸之势，起闾巷，杖棘矜，应时而皆动，不谋而俱起，不约而同会，壤长地进，

至于霸王，时教使然也。秦贵为天子，富有天下，灭世绝祀者，穷兵之祸也。故周失之弱，秦失之强，不变之患也。

注 索隐下音巨。邹氏本作“鑿”，音同。

注 索隐上犹尚也，贵也。

注 索隐谓智巧为下也。

注 索隐案：尉，官也。他，赵他也，音徒何反。屠睢，人姓名。睢音虽。

注 集解韦昭曰：“监御史名禄也。”

注 索隐谓胜、广举兵于陈。举音如字。或音据，恐簠也。下同。

注 集解张晏曰：“长，进益也。”

今欲招南夷，朝夜郎，降羌僰，略濊州，建城邑，深入匈奴，燔其茺城，议者美之。此人臣之利也，非天下之长策也。今中国无狗吠之惊，而外累于远方之备，靡敝国家，非

所以子民也。行无穷之欲，甘心快意，结怨于匈奴，非所以安边也。祸结而不解，兵休而复起，近者愁苦，远者惊骇，非所以持久也。今天下锻甲砥剑，桥箭累弦，转输运粮，未见休时，此天下之所共忧也。夫兵久而变起，事烦而虑生。今外郡之地或几千里，列城数十，形束壤制，旁胁诸侯，非公室之利也。上观齐晋之所以亡者，公室卑削，六卿大盛也；下观秦之所以灭者，严法刻深，欲大无穷也。今郡守之权，非特六卿之重也；地几千里，非特间巷之资也；甲兵器械，非特棘矜之用也：以遭万世之变，则不可称讳也。

注 索隐夔，白北反，又皮逼反。

注 集解如淳曰：“东夷也。”索隐濊州，地名，即古濊貊国也。音纡废反。

注 索隐匈奴城名，音龙。燔音烦。燔，烧也。

注 集解服虔曰：“言所束在郡守，土壤足以专民制。”苏林曰：“言其土地形势足以束制其民也。”索隐案：谓地形及土壤皆束制在诸侯也。

书奏天子，天子召见三人，谓曰：“公等皆安在？何相见之晚也！”于是上乃拜主父偃、徐乐、严安为郎中。[偃]数见，上疏言事，诏拜偃为谒者，迁(乐)为中大夫。一岁中四迁偃。

注 集解徐广曰：“它史记本皆不见严安，此旁所篡者，皆取汉书耳。然汉书不宜乃容大异，或写史记承阙脱也。”索隐篡音撰。

偃说上曰：“古者诸侯不过百里，强弱之形易制。今诸侯或连城数十，地方千里，缓则骄奢易为淫乱，急则阻其强而合

从以逆京师。今以法割削之，则逆节萌起，前日晁错是也。今诸侯子弟或十数，而适嗣代立，余虽骨肉，无尺寸地封，则仁孝之道不宣。愿陛下令诸侯得推恩分子弟，以地侯之。彼人人喜得所愿，上以德施，实分其国，不削而稍弱矣。”于是上从其计。又说上曰：“茂陵初立，天下豪桀并兼之家，乱觴之民，皆可徙茂陵，内实京师，外销奸猾，此所谓不诛而害除。”上又从其计。

注 集解徐广曰：“元朔二年，始令诸侯王分封子弟也。”

尊立卫皇后，及发燕王定国阴事，盖偃有功焉。大臣皆畏其口，赂遗累千金。

人或说偃曰：“太横矣。”主父曰：“臣结发游学四十余年，身不得遂，亲不以为子，昆弟不收，宾客弃我，我厄日久矣。且丈夫生不五鼎食，死即五鼎烹耳。

吾日暮途远，故倒行暴施之。”

注 索隐按：偃言吾日暮途远，恐赴前途不跌，故须倒行而逆施，乃可及耳。

今此本作“暴”。暴者，言已困久得申，须急暴行事以快意也。暴者，卒也，急也。

偃盛言朔方地肥饶，外阻河，蒙恬城之以逐匈奴，内省转输戍漕，广中国，灭胡之本也。上览其说，下公卿议，皆言不便。公孙弘曰：“秦时常发三十万觴筑北河，终不可就，已而弃之。”主父偃盛言其便，上竟用主父计，立朔方郡。

元朔二年，主父言齐王内淫佚行僻，上拜主父为齐相。至齐，遍召昆弟宾客，散五百金予之，数之曰：“始吾贫时，昆弟不我衣食，宾客不我内门；今吾相齐，诸君迎我或千里。吾

与诸君绝矣，毋复入偃之门！”乃使人以王与姊奸事动王，王以为终不得脱罪，恐效燕王论死，乃自杀。有司以闻。

主父始为布衣时，尝游燕、赵，及其贵，发燕事。赵王恐其为国患，欲上书言其阴事，为偃居中，不敢发。及为齐相，出关，即使人上书，告言主父偃受诸侯金，以故诸侯子弟多以得封者。及齐王自杀，上闻大怒，以为主父劫其王令自杀，乃征下吏治。主父服受诸侯金，实不劫王令自杀。上欲勿诛，是时公孙弘为御史大夫，乃言曰：“齐王自杀无后，国除为郡，入汉，主父偃本首恶，陛下不诛主父偃，无以谢天下。”乃遂族主父偃。

主父方贵幸时，宾客以千数，及其族死，无一人收者，唯独汶孔车 收葬之。

天子后闻之，以为孔车长者也。

注 集解徐广曰：“孔车，汶人也。沛有汶县。”索隐汶，户交反。按：县名，在沛。车，尺奢反。

太史公曰：公孙弘行义虽修，然亦遇时。汉兴八十余年矣，上方乡文学，招俊乂，以广儒墨，弘为举首。主父偃当路，诸公皆誉之，及名败身诛，士争言其恶。悲夫！

注 集解徐广曰：“汉初至元朔二年八十年也。”

太皇太后诏大司徒大司空：“盖闻治国之道，富民为始；富民之要，在于节俭。孝经曰‘安上治民，莫善于礼’。‘礼，与奢也宁俭’。昔者管仲相齐桓，霸诸侯，有九合一匡之功，而仲尼谓之不知礼，以其奢泰侈拟于君故也。夏禹卑宫室，恶衣服，后圣不循。由此言之，治之盛也，德优矣，莫高于俭。俭化俗民，则尊卑之序得，而骨肉之恩亲，争讼之原息。斯乃

家给人足，刑错之本也欤？可不务哉！夫三公者，百寮之率，万民之表也。未有树直表而得曲影者也。孔子不云乎，‘子率而正，孰敢不正’。‘举善而教不能则劝’。维汉兴以来，股肱宰臣身行俭约，轻财重义，较然着明，未有若故丞相平津侯公孙弘者也。位在丞相而为布被，脱粟之饭，不过一肉。故人所善宾客皆分奉禄以给之，无有所余。诚内自克约而外从制。汲黯诘之，乃闻于朝，此可谓减于制度而可施行者也。德优则行，否则止，与内奢泰而外为诡服以钓虚誉者殊科。

以病乞骸骨，孝武皇帝即制曰‘赏有功，矜有德，善善恶恶，君宜知之。其省思虑，存精神，辅以医药’。赐告治病，牛酒杂帛。居数月，有瘳，视事。至元狩二年，竟以善终于相位。夫知臣莫若君，此其效也。弘子度嗣爵，后为山阳太守，坐法失侯。夫表德章义，所以率俗厉化，圣王之制，不易之道也。其赐弘后子孙之次当为后者爵关内侯，食邑三百户，征诣公车，上名尚书，朕亲临拜焉。”

注 集解徐广曰：“此诏是平帝元始中王元后诏，后人写此及班固所称，以续卷后。”索隐按：徐广云“此是平帝元始中诏，以续卷后”，则又非褚先生所录也。

注 索隐较音角。较，明也。

注 集解应劭曰：“礼，贵有常尊，衣服有常品。”

班固称曰：公孙弘、卜式、儿宽皆以鸿渐之翼困于燕雀，远结羊豕之闲，非遇其时，焉能致此位乎？是时汉兴六十余载，海内义安，府库充实，而四夷未宾，制度多阙，上方欲用文武，求之如弗及。始以蒲轮迎枚生，见主父而叹息。

髡臣慕向，异人并出。卜式试于刍牧，弘羊擢于贾竖，卫青奋于奴仆，日磾出于降虏，斯亦曩时版筑饭牛之朋矣。汉之得

人，于兹为盛。

儒雅则公孙弘、董仲舒、儿宽，笃行则石建、石庆，质直则汲黯、卜式，推贤则韩安国、郑当时，定令则赵禹、张汤，文章则司马迁、相如，滑稽则东方朔、枚皋，应对则严助、朱买臣，历数则唐都、落下闳，协律则李延年，运筹则桑弘羊，奉使则张骞、苏武，将帅则卫青、霍去病，受遗则霍光、金日磾。其余不可胜纪。是以兴造功业，制度遗文，后世莫及。孝宣承统，纂修洪业，亦讲论六艺，招选茂异，而萧望之、梁丘贺、夏侯胜、韦玄成、严彭祖、尹更始以儒术进，刘向、王隆以文章显。将相则张安世、赵充国、魏相、邴吉、于定国、杜延年，治民则黄霸、王成、龚遂、郑弘、邵信臣、韩延寿、尹翁归、赵广汉之属，皆有功结见述于后。累其名臣，亦其次也。

注 集解李奇曰：“渐，进也。鸿一举而进千里者，羽翼之材也。弘等皆以大材，初为俗所薄，若燕雀不知鸿鹄之志也。”索隐按：谓公孙弘等未遇，为时所轻，若飞鸿之未渐，受困于燕雀也。是燕雀安知鸿鹄之志也？

注 集解韦昭曰：“远结谓耕牧在于远方。”索隐案：公孙弘牧豕，卜式牧羊也。

注 索隐义，理也。

注 索隐案：谓枚乘也。汉始迎申公，亦以蒲轮。谓以蒲裹车轮，恐伤草木也。且蒲是草之美者，故礼有“蒲璧”，盖画蒲于轮以为荣饰也。

注 索隐案：上文严安等上书，上曰“公等安在，何相见之晚”是也。

【索隐述赞】平津巨儒，晚年始遇。外示宽俭，内怀嫉妒。

史记

·2006·

宠备荣爵，身受肺腑。主父推恩，观时设度。生食五鼎，死非时蠹。

史记卷一一三

列传五十三 南越列传

南越王 尉佗者，真定人也，姓赵氏。秦时已并天下，略定杨越，置桂林、南海、象郡，以谪徙民，与越杂处十三岁。佗，秦时用为南海龙川令。至二世时，南海尉任嚣病且死，召龙川令赵佗语曰：“闻陈胜等作乱，秦为无道，天下苦之，项羽、刘季、陈胜、吴广等州郡各共兴军聚众，虎争天下，中国扰乱，未知所安，豪杰畔秦相立。南海僻远，吾恐盗兵侵地至此，吾欲兴兵绝新道，自备，待诸侯变，会病甚。

且番禺负山险，阻南海，东西数千里，颇有中国人相辅，此亦一州之主也，可以立国。郡中长吏无足与言者，故召公告之。”即被佗书，行南海尉事。

嚣死，佗即移檄告横浦、阳山、湟溪关曰：“盗兵且至，急绝道聚兵自守！”因稍以法诛秦所置长吏，以其党为假守。秦已破灭，佗即击并桂林、象郡，自立为南越武王。

高帝已定天下，为中国劳苦，故释佗弗诛。汉十一年，遣陆贾因立佗为南越王，与剖符通使，和集百越，毋为南边患害，与长沙接境。

注 正义都广州南海县。

注 索隐尉他。尉，官也；他，名也；姓赵。他音徒河反。又十三州记云“大郡曰守，小郡曰尉”。

注 索隐韦昭曰：“故郡名，后更为县，在常山。”

注 集解张晏曰：“杨州之南越也。”索隐案：战国策云吴起为楚收杨越。正义夏禹九州本属杨州，故云杨越。

注 索隐按：地理志武帝更名郁林。

注 索隐案：本纪始皇三十三年略陆梁地，以为南海、桂林、象郡。地理志云“武帝更名曰南”。

注 索隐音直革反。

注 集解徐广曰：“秦并天下，至二世元年十三年。并天下八岁，乃平越地，至二世元年六年耳。”

注 索隐地理志县名，属南海也。正义颜师古云：“龙川南海县也，即今之循州也。”裴氏广州记云：“本博罗县之东乡，有龙穿地而出，即穴流泉，因以为号也。”

注 集解徐广曰：“尔时未言都尉也。”

注 索隐五刀反。

注 索隐案：苏林云“秦所通越道”。

注 集解韦昭曰：“被之以书。音‘光被’之‘被’。”索隐韦昭云“被之以书”，音皮义反。

注 索隐服虔云：“器诈作诏书，使为南海尉。”

注 索隐案：南康记云“南野县大庾岭三十里至横浦，有秦时关，其下谓为‘塞上’”。

注 索隐姚氏案：地理志云揭阳有阳山县。今此县上流百余里有骑田岭，当是阳山关。

注 集解徐广曰：“在桂阳，通四会也。”索隐涅溪。邹氏、刘氏本并作“涅”，音年结反。汉书作“涅溪”，音皇。又[卫青传][南粤传]云“出桂阳，下涅水”是也。而姚察云

史记作“湟”，今本作“滄”，湟及滄不同，良由随闻则辄改故也。水经云含汇县南有汇浦关，未知孰是。然邹诞作“湟”，汉书作“滄”，盖近于古。

注 索隐案：谓他立其所亲党为郡县之职或假守。

注 集解韦昭曰：“生以‘武’为号，不稽于古也。”

高后时，有司请禁南越关市铁器。佗曰：“高帝立我，通使物，今高后听谗臣，别异蛮夷，隔绝器物，此必长沙王计也，欲倚中国，击灭南越而并王之，自为功也。”于是佗乃自尊号为南越武帝，发兵攻长沙边邑，败数县而去焉。高后遣将军隆虑侯醪往击之。会暑湿，士卒大疫，兵不能踰岭。岁余，高后崩，即罢兵。佗因此以兵威边，财物赂遗闽越、西瓯、骆，役属焉，东西万余里。乃乘黄屋左纛，称制，与中国侔。

注 索隐韦昭云：“姓周。隆虑，县名，属河内。音林间二音。”

注 索隐案：此岭即阳山岭。

注 集解汉书音义曰：“骆越也。”索隐邹氏云“又有骆越”。姚氏案：广州记云“交趾有骆田，仰潮水上下，人食其田，名为‘骆人’。有骆王、骆侯。诸县自名为‘骆将’，铜印青绶，即今之令长也。后蜀王子将兵讨骆侯，自称为安阳王，治封溪县。后南越王尉他攻破安阳王，令二使典主交址、九真二郡人”。寻此骆即瓯骆也。

及孝文帝元年，初镇抚天下，使告诸侯四夷从代来即位意，喻盛德焉。乃为佗亲顷在真定，置守邑，岁时奉祀。召其从昆弟，尊官厚赐宠之。诏丞相陈平等举可使南越者，平言好畤陆贾，先帝时习使南越。乃召贾以为太中大夫，往使。

因让佗自立为帝，曾无一介之使报者。陆贾至南越，王甚

恐，为书谢，称曰：“蛮夷大老夫臣佗，前日高后隔异南越，窃疑长沙王谗臣，又遥闻高后尽诛佗宗族，掘烧先人冢，以故自弃，犯长沙边境。且南方卑湿，蛮夷中闲，其东闽越千人觴号称王，其西瓯骆裸国亦称王。老臣妄窃帝号，聊以自娱，岂敢以闻天王哉！”乃顿首谢，愿长为藩臣，奉贡职。于是乃下令国中曰：“吾闻两雄不俱立，两贤不并世。皇帝，贤天子也。自今以后，去帝制黄屋左纛。”陆贾还报，孝文帝大说。遂至孝景时，称臣，使人朝请。然南越其居国窃如故号名，其使天子，称王朝命如诸侯。至建元四年卒。

注 索隐勃国。音和寡反。勃，露形也。

佗孙胡为南越王。此时闽越王郢兴兵击南越边邑，胡使人上书曰：“两越俱为藩臣，毋得擅兴兵相攻击。今闽越兴兵侵臣，臣不敢兴兵，唯天子诏之。”

于是天子多南越义，守职约，为兴师，遣两将军往讨闽越。兵未踰岭，闽越王弟余善杀郢以降，于是罢兵。

注 集解徐广曰：“皇甫谧曰越王赵佗以建元四年卒，尔时汉兴七十年，佗盖百岁矣。”

注 索隐王恢、韩安国。

天子使庄助往谕意南越王，胡顿首曰：“天子乃为臣兴兵讨闽越，死无以报德！”

遣太子婴齐入宿卫。谓助曰：“国新被寇，使者行矣。胡方日夜装入见天子。”

助去后，其大臣谏胡曰：“汉兴兵诛郢，亦行以惊动南越。且先王昔言，事天子期无失礼，要之不可以说好语入见。入见则不得复归，亡国之势也。”于是胡称病，竟不入见。后十

余岁，胡实病甚，太子婴齐请归。胡薨，谥为文王。

注 索隐悦好语入见。悦，汉书作“怵”。韦昭云“诱怵好语”。

婴齐代立，即藏其先武帝玺。婴齐其入宿卫在长安时，取邯郸缪氏女，生子兴。及即位，上书请立缪氏女为后，兴为嗣。汉数使使者风谕婴齐，婴齐尚乐擅杀生自恣，惧入见要用汉法，比内诸侯，固称病，遂不入见。遣子次公入宿卫。婴齐薨，谥为明王。

注 索隐李奇云“去其僭号”。

注 索隐缪氏女。缪，纪酈反。缪姓出邯郸。

注 集解徐广曰：“一作‘典’。”

太子兴代立，其母为太后。太后自未为婴齐姬时，尝与霸陵人安国少季通。

及婴齐薨后，元鼎四年，汉使安国少季往谕王、王太后以入朝，比内诸侯；令辩士谏大夫终军等宣其辞，勇士魏臣等辅其缺，卫尉路博德将兵屯桂阳，待使者。王年少，太后中国人也，尝与安国少季通，其使复私焉。国人颇知之，多不附太后。太后恐乱起，亦欲倚汉威，数劝王及嬖臣求内属。即因使者上书，请比内诸侯，三岁一朝，除边关。于是天子许之，赐其丞相吕嘉银印，及内史、中尉、太傅印，余得自置。除其故黥劓刑，用汉法，比内诸侯。使者皆留填抚之。王、王太后饬治行装重赍，为入朝具。

注 索隐安国，姓也；少季名也。

注 集解徐广曰：“一作‘决’。”

其相吕嘉年长矣，相三王，宗族官仕为长吏者七十余人，男尽尚王女，女尽嫁王子兄弟宗室，及苍梧秦王有连。其居国中甚重，越人信之，多为耳目者，得觴心愈于王。王之上书，数谏止王，王弗听。有畔心，数称病不见汉使者。

使者皆注意嘉，势未能诛。王、王太后亦恐嘉等先事发，乃置酒，介汉使者权，谋诛嘉等。使者皆东乡，太后南乡，王北乡，相嘉、大臣皆西乡，侍坐饮。嘉弟为将，将卒居宫外。酒行，太后谓嘉曰：“南越内属，国之利也，而相君苦不便者，何也？”以激怒使者。使者狐疑相杖，遂莫敢发。嘉见耳目非是，即起而出。太后怒，欲縱嘉以矛，王止太后。

嘉遂出，分其弟兵就舍，称病，不肯见王及使者。乃阴与大臣作乱。王素无意诛嘉，嘉知之，以故数月不发。太后有淫行，国人不附，欲独诛嘉等，力又不能。

注 集解汉书音义曰：“苍梧越中王自名为秦王，连亲婚也。”索隐案：苍梧越中王自名为秦王，即下赵光是也，故云“有连”。连者，连姻也。赵与秦同姓，故称秦王。

注 集解韦昭曰：“恃使者为介胄也。”索隐韦昭曰“恃使者为介胄”，志林云“介者因也，欲因使者权诛吕嘉”，然二家之说皆通。韦昭以介为恃。介者闲也，以言闲恃汉使者之权，意即得；云恃为介胄，则非也。虞喜以介为因，亦有所由。案：介者，宾主所由也。

注 集解韦昭曰：“縱，撞也。”索隐韦昭云：“縱，撞也。”案：字林七凶反。又吴王濞传“縱杀吴王”，与此同。

注 索隐分弟兵就舍。案：谓分取其兵也。汉书作“介”。介，被也，恃也。

天子闻嘉不听王，王、王太后弱孤不能制，使者怯无决。

又以为王、王太后已附汉，独吕嘉为乱，不足以兴兵，欲使庄参以二千人往使。参曰：“以好往，数人足矣；以武往，二千人无足以为也。”辞不可，天子罢参也。郟壮士故济北相韩千秋奋曰：“以区区之越，又有王、太后应，独相吕嘉为害，愿得勇士二百人，必斩嘉以报。”于是天子遣千秋与王太后弟繆乐将二千人往，入越境。吕嘉等乃遂反，下令国中曰：“王年少。太后，中国人也，又与使者乱，专欲内属，尽持先王宝器入献天子以自媚，多从人，行至长安，虏卖以为僮仆。取自脱一时之利，无顾赵氏社稷，为万世虑计之意。”乃与其弟将卒攻杀王、太后及汉使者。遣人告苍梧秦王及其诸郡县，立明王长男越妻子术阳侯建德为王。而韩千秋兵入，破数小邑。

其后越直开道给食，未至番禺四十里，越以兵击千秋等，遂灭之。使人函封汉使者节置塞上，好为谩辞谢罪，发兵守要害处。于是天子曰：“韩千秋虽无成功，亦军锋之冠。”封其子延年为成安侯。繆乐，其姊为王太后，首愿属汉，封其子广德为龙亢侯。乃下赦曰：“天子微，诸侯力政，讥臣不讨贼。

今吕嘉、建德等反，自立晏如，令罪人及江淮以南楼船十万师往讨之。”

注 集解徐广曰：“县属颖川，音古洽反。”索隐如淳云：“郟，县名，在颍州。”正义今汝州郟城县。

注 集解徐广曰：“为校尉。”

注 集解徐广曰：“元鼎四年，以南越王兄越封高昌侯。”索隐韦昭云汉所封。

案功臣表，术阳属下邳。

注 索隐函封汉使节置塞上。案：南康记以为大庾名“塞

上“也。

注 索隐案功臣表，成安属邦。

注 索隐案：龙亢属谯国。汉书作“龔侯”，服虔音激，晋灼云古“龙”字。

注 集解徐广曰：“淮，一作‘汇’也。”

注 集解应劭曰：“时欲击越，非水不至，故作大船。船上施楼，故号曰‘楼船’也。”

元鼎五年秋，卫尉路博德为伏波将军，出桂阳，下汇水；主爵都尉杨仆为楼船将军，出豫章，下横浦；故归义越侯二人为戈船、下厉将军，出零陵，或下离水，或抵苍梧；使驰义侯因巴蜀罪人，发夜郎兵，下牂柯江：咸会番禺。

注 集解徐广曰：“一作‘湟’。”骀案：地理志曰桂阳有汇水，通四会。或作“淮”字。索隐刘氏云“汇当作‘湟’”。汉书云“下湟水”。或本作“涯”。

注 集解张晏曰：“故越人，降为侯。”

注 集解徐广曰：“厉，一作‘濑’。”骀案：张晏曰“越人于水中负人船，又有蛟龙之害，故置戈于船下，因以为名也”。应劭曰“濑，水流涉上也”。瓚曰“伍子胥书有戈船，以载干戈，因谓之‘戈船’也”。

注 集解徐广曰：“在零陵，通广信。”正义地理志云零陵县有离水，东至广信入郁林，九百八十里。

注 集解徐广曰：“越人也，名遗。”

注 正义曲州、协州以南是夜郎国。

注 正义江出南徼外，东通四会，至番禺入海也。

元鼎六年冬，楼船将军将精卒先陷寻陕，破石门，得越船粟，因推而前，挫越锋，以数万人待伏波。伏波将军将罪

人，道远，会期后，与楼船会乃有千余人，遂俱进。楼船居前，至番禺。建德、嘉皆城守。楼船自择便处，居东南面；伏波居西北面。会暮，楼船攻败越人，纵火烧城。越素闻伏波名，日暮，不知其兵多少。伏波乃为营，遣使者招降者，赐印，复纵令相招。楼船力攻烧敌，反驱而入伏波营中。儻旦，城中皆降伏波。吕嘉、建德已夜与其属数百人亡入海，以船西去。伏波又因问所得降者贵人，以知吕嘉所之，遣人追之。以其故校尉司马苏弘得建德，封为海常侯；越郎都稽得嘉，封为临蔡侯。

注 索隐姚氏云：“寻陝在始兴西三百里，近连口也。”

注 索隐按：广州记“在番禺县北三十里。昔吕嘉拒汉，积石镇江，名曰石门。又俗云石门水名曰‘贪泉’，饮之则令人变。故吴隐之至石门，酌水饮，乃为之歌云也”。

注 集解徐广曰：“吕静云儻，结也，音力奚反。结，犹连及、逮至也。”汉书“儻旦”为“迟旦”，谓待明也。索隐邹氏云“儻，一作‘比’，比音必至反”。

然儻即比义。又解儻，黑也，天未明尚黑时也。汉书亦作“迟明”。迟音稚。迟，待也，亦儻之义也。

注 集解徐广曰：“在东莱。”

注 集解徐广曰：“南越之郎官。”

注 集解徐广曰：“表曰孙都。”

注 索隐案：表属河内。

苍梧王赵光者，越王同姓，闻汉兵至，及越揭阳令定 自定属汉；越桂林监居翁 谕瓠骆属汉： 皆得为侯。 戈船、下厉将军兵及驰义侯所发夜郎兵未下，南越已平矣。遂为九郡。

伏波将军益封。楼船将军兵以陷坚为将梁侯。

注 集解韦昭曰：“揭音其逝反。”索隐地理志揭阳县属南海。揭音桀。韦昭音其逝反，刘氏音求例反。定者，令之名也。案：汉功臣表云“定揭阳令”，意又别也。

注 集解汉书音义曰：“桂林郡中监，姓居名翁也。”

注 索隐案汉书，瓠骆三十余万口降汉。

注 索隐案：汉书云“光闻汉兵至，降，封为随桃侯。揭阳令史定为安道侯，越将毕取为臈侯，桂林监居翁为湘城侯”。韦昭云“湘城属堵阳。随桃、安道、臈三县皆属南阳。臈音辽也”。

注 集解徐广曰：“儋耳，珠崖，南海，苍梧，九真，郁林，日南，合浦，交址。”索隐徐广皆据汉书为说。

自尉佗初王后，五世九十三岁而国亡焉。

太史公曰：尉佗之王，本由任嚣。遭汉初定，列为诸侯。隆虑离湿疫，佗得以益骄。瓠骆相攻，南越动摇。汉兵临境，婴齐入朝。其后亡国，征自繆女；吕嘉小忠，令佗无后。楼船从欲，怠傲失惑；伏波困穷，智虑愈殖，因祸为福。成败之转，譬若纠墨。

【索隐述赞】中原鹿走，髡雄莫制。汉事西驱，越权南裔。陆贾骋说，尉他去帝。繆后内朝，吕嘉狼戾。君臣不协，卒从剿斗。

史记卷一一四

列传五十四 东越列传

闽越 王无诸及越东海王摇者，其先皆越王句践之后也，姓驹氏。 秦已并天下，皆废为君长，以其地为闽中郡。 及诸侯畔秦，无诸、摇率越归鄱阳令吴芮，所谓鄱君者也，从诸侯灭秦。当是之时，项籍主命，弗王， 以故不附楚。汉击项籍，无诸、摇率越人佐汉。汉五年，复立无诸为闽越王，王闽中故地，都东冶。孝惠三年，举高帝时越功，曰闽君摇功多，其民便附，乃立摇为东海王， 都东瓯， 世俗号为东瓯王。

注 集解韦昭曰：“闽音武巾反。东越之别名。”索隐案：说文云“闽，东越蛇种也”，故字从“虫”。闽音旻。

注 集解徐广曰：“驹，一作‘骆’。”索隐徐广云一作“骆”，是上云“欧骆”，不姓驹。

注 集解徐广曰：“今建安侯官是。”索隐徐广云“本建安侯官是”。案：为闽州。案：下文“都东冶”，韦昭以为在侯官。正义今闽州又改为福也。

注 集解汉书音义曰：“主号令诸侯，不王无诸、摇等。”

注 集解应劭曰：“在吴郡东南滨海云。”

注 集解徐广曰：“今之永宁也。”索隐韦昭曰：“今永宁。”姚氏云：“瓯，水名。”永嘉记：“水出永宁山，行三

十余里，去郡城五里入江。昔有东瓯王都城，有亭，积石为道，今犹在也。”

后数世，至孝景三年，吴王濞反，欲从闽越，闽越未肯行，独东瓯从吴。及吴破，东瓯受汉购，杀吴王丹徒，以故皆得不诛，归国。

吴王子子驹亡走闽越，怨东瓯杀其父，常劝闽越击东瓯。至建元三年，闽越发兵围东瓯。东瓯食尽，困，且降，乃使人告急天子。天子问太尉田蚡，蚡对曰：

“越人相攻击，固其常，又数反复，不足以烦中国往救也。自秦时弃弗属。”

于是中大夫庄助诘蚡曰：“特患力弗能救，德弗能覆；诚能，何故弃之？且秦举咸阳而弃之，何乃越也！今小国以穷困来告急天子，天子弗振，彼当安所告愬？”

“又何以子万国乎？”上曰：“太尉未足与计。吾初即位，不欲出虎符发兵郡国。”

乃遣庄助以节发兵会稽。会稽太守欲距不为发兵，助乃斩一司马，谕意指，遂发兵浮海救东瓯。未至，闽越引兵而去。东瓯请举国徙中国，乃悉举觶来，处江淮之闲。

注 集解徐广曰：“年表云东瓯王广武侯望，率其觶四万余人来降，家庐江郡。”

索隐徐广据年表而为说。

至建元六年，闽越击南越。南越守天子约，不敢擅发兵击而以闻。上遣大行王恢出豫章，大农韩安国出会稽，皆为将军。兵未踰岭，闽越王郢发兵距险。其弟余善乃与相、宗族谋曰：“王以擅发兵击南越，不请，故天子兵来诛。今汉兵觶强，今即幸胜之，后来益多，终灭国而止。今杀王以谢天子。天子听，

罢兵，固一国完；不听，乃力战；不胜，即亡入海。”皆曰“善”。即縱杀王，使使奉其头致大行。大行曰：“所为来者诛王。今王头至，谢罪，不战而耘，利莫大焉。”乃以便宜案兵告大农军，而使使奉王头驰报天子。诏罢两将兵，曰：“郢等首恶，独无诸孙繇君丑不与谋焉。”乃使郎中将立丑为越繇王，奉闽越先祭祀。

注 索隐刘氏又音窗。縱，撞也。

注 集解徐广曰：“汉书作‘殒’。耘义当取‘耘除’。或言耘音于粉反，此楚人声重耳。陨耘当同音，但字有假借，声有轻重。”索隐耘音云。耘，除也。

汉书作“陨”，音于粉反。

注 索隐繇音摇，邑号也。丑，名。

余善已杀郢，威行于国，国民多属，窃自立为王。繇王不能矫其觳持正。天子闻之，为余善不足复兴师，曰：“余善数与郢谋乱，而后首诛郢，师得不劳。”

因立余善为东越王，与繇王并处。

至元鼎五年，南越反，东越王余善上书，请以卒八千人从楼船将军击吕嘉等。

兵至揭扬，以海风波为解，不行，持两端，阴使南越。及汉破番禺，不至。是时楼船将军杨仆使使上书，愿便引兵击东越。上曰士卒劳倦，不许，罢兵，令诸校屯豫章梅岭待命。

注 集解徐广曰：“在会稽界。”索隐案：徐广云“在会稽”，非也。今案：

豫章三十里有梅岭，在洪崖山足，当古驿道。此文云“豫章梅岭”，知非会稽也。

正义括地志云：“梅岭在虔化县东北百二十八里。”虔州汉亦属豫章郡，二所未详。

元鼎六年秋，余善闻楼船请诛之，汉兵临境，且往，乃遂反，发兵距汉道。号将军驹力等为“吞汉将军”，入白沙、武林、梅岭，杀汉三校尉。是时汉使大农张成、故山州侯齿将屯，弗敢击，却就便处，皆坐畏懦诛。

注 集解徐广曰：“在豫章界”。索隐徐广云在豫章界。案：今豫章北二百里，接鄱阳界，地名白沙，有小水入湖，名曰白沙坑。东南八十里有武阳亭，亭东南三十里地名武林。此白沙、武林，今当闽越入京道。

注 集解徐广曰：“成阳共王子。”

余善刻“武帝”玺自立，诈其民，为妄言。天子遣横海将军韩说出句章，浮海从东方往；楼船将军杨仆出武林；中尉王温舒出梅岭；越侯为戈船、下濑将军，出若邪、白沙。元封元年冬，咸入东越。东越素发兵距险，使徇北将军守武林，败楼船军数校尉，杀长吏。楼船将军率钱唐辕终古斩徇北将军，为御儿侯。自兵未往。

注 索隐郑氏音勾，会稽县也。正义句章故城在越州鄞县西一百里，汉县。

注 索隐案：姚氏云“地名，今阙”。

注 正义越州有若耶山、若耶溪。“若”“如”一。预州有白沙山。盖从如此邪。白沙东故闽州。

注 正义钱唐，杭州县。辕，姓；终古，名。

注 集解汉书音义曰：“今吴南亭是也。”正义“御”字今作“语”。语儿乡在苏州嘉兴县南七十里，临官道也。

故越衍侯吴阳前在汉，汉使归谕余善，余善弗听。及横海将军先至，越衍侯吴阳以其邑七百人反，攻越军于汉阳。从建成侯敖，与其率，从繇王居股谋曰：“余善首恶，劫守吾属。今汉兵至，觴强，计杀余善，自归诸将，侥幸得脱。”

乃遂俱杀余善，以其觴降横海将军，故封繇王居股为东成侯，万户；封建成侯敖为开陵侯；封越衍侯吴阳为北石侯；封横海将军说为案道侯；封横海校尉福为繚嫫侯。福者，成阳共王子，故为海常侯，坐法失侯。旧从军无功，以宗室故侯。诸将皆无成功，莫封。东越将多军，汉兵至，弃其军降，封为无锡侯。

注 集解徐广曰：“亦东越臣。”

注 索隐韦昭曰：“在九江。”

注 索隐徐广云：“敖，东越臣，”韦昭云：“开陵属临淮。”

注 集解汉书音义曰：“音辽蒙。”索隐服虔云：“嫫音荣，县名。”刘伯庄云：“繚音辽，下音纡营反。成阳王子也。”

注 集解汉书音义曰：“多军，名也。”索隐李奇云：“多军，名。”韦昭云：

“多，姓；军，名也。”

于是天子曰东越狭多阻，闽越悍，数反复，诏军吏皆将其民徙处江淮闲。东越地遂虚。

太史公曰：越虽蛮夷，其先岂尝有大功德于民哉，何其久也！历数代常为君王，句践一称伯。然余善至大逆，灭国迁觴，其先苗裔繇王居股等犹尚封为万户侯，由此知越世世为公侯矣。盖禹之余烈也。

【索隐述赞】句践之裔，是曰无诸。既席汉宠，实因秦余。

史记

·2022·

驹、骆为姓，闽中是居。王摇之立，爰处东隅。后嗣不道，自相诛锄。

史记卷一一五

列传五十五 朝鲜列传

集解张晏曰：“朝鲜有湿水、洌水、汕水，三水合为洌水，疑乐浪、朝鲜取名于此也。”索隐案：朝音潮，直骄反。鲜音仙。以有汕水，故名也。汕一音讪。

朝鲜 王满者，故燕人也。自始全燕时 尝略属真番、朝鲜， 为置吏，筑鄣塞。秦灭燕，属辽东外徼。汉兴，为其远难守，复修辽东故塞，至涓水为界， 属燕。燕王卢绾反，入匈奴，满亡命， 聚党千余人，魑结蛮夷服而东走出塞，渡涓水，居秦故空地上下鄣， 稍役属真番、朝鲜蛮夷及故燕、齐亡命者王之，都王险。

注 正义潮仙二音。括地志云：“高骊都平壤城，本汉乐浪郡王险城，又古云朝鲜地也。”

注 索隐案汉书，满，燕人，姓卫，击破朝鲜而自王之。

注 索隐始全燕时，谓六国燕方全盛之时。

注 集解徐广曰：“一作‘莫’。辽东有番汗县。番音普寒反。”索隐徐氏据地理志而知也。番音潘，又音盘。汗音寒。

注 索隐如淳云：“燕尝略二国以属己也。”应劭云：“玄菟本真番国。”

注 集解汉书音义曰：“涓音傍沛反。”索隐涓音旁沛反。

正义地理志云溟水出辽东塞外，西南至乐浪县西入海。溟普大反。

注 正义命谓教令。

注 索隐案：地理志乐浪有云鄣。

注 集解徐广曰：“昌黎有险渚县也。”索隐韦昭云“古邑名”。徐广曰“昌黎有险渚县”。应劭注“地理志辽东险渚县，朝鲜王旧都”。臣瓚云“王险城在乐浪郡溟水之东”也。

会孝惠、高后时天下初定，辽东太守即约满为外臣，保塞外蛮夷，无使盗边；

诸蛮夷君长欲入见天子，勿得禁止。以闻，上许之，以故满得兵威财物侵降其旁小邑，真番、临屯 皆来服属，方数千里。

注 索隐东夷小国，后以为郡。

注 正义括地志云：“朝鲜、高骊、貊、东沃沮五国之地，国东西千三百里，南北二千里，在京师东，东至大海四百里，北至营州界九百二十里，南至新罗国六百里，北至靺鞨国千四百里。”

传子至孙右渠，所诱汉亡人滋多，又未尝入见；真番旁觶国欲上书见天子，又拥阏不通。元封二年，汉使涉何谯谕右渠，终不肯奉诏。何去至界上，临溟水，使御刺杀送何者朝鲜裨王长，即渡，驰入塞，遂归报天子曰“杀朝鲜将”。上为其名美，即不诘，拜何为辽东东部都尉。朝鲜怨何，发兵袭攻杀何。

注 正义其孙名也。

注 索隐说文云：“谯，让也。”谕，晓也。谯音才笑反。

注 索隐即送何之御也。

注 正义颜师古云：“长者，裨王名也。送何至泚水，何因刺杀也。”按：裨王及将士长，恐颜非也。

注 正义入平州榆林关也。

注 索隐有杀将之美名。

注 正义地理志云辽东郡武次县，东部都尉所理也。

天子募罪人击朝鲜。其秋，遣楼船将军杨仆从齐浮渤海；兵五万人，左将军荀彘出辽东：讨右渠。右渠发兵距险。左将军卒正多率辽东兵先纵，败散，多还走，坐法斩。楼船将军将齐兵七千人先至王险。右渠城守，窥知楼船军少，即出城击楼船，楼船军败散走。将军杨仆失其觜，遁山中十余日，稍求收散卒，复聚。左将军击朝鲜泚水西军，未能破自前。

天子为两将未有利，乃使卫山因兵威往谕右渠。右渠见使者顿首谢：“愿降，恐两将诈杀臣；今见信节，请服降。”遣太子入谢，献马五千匹，及馈军粮。人觜万余，持兵，方渡泚水，使者及左将军疑其为变，谓太子已服降，宜命人毋持兵。太子亦疑使者左将军诈杀之，遂不渡泚水，复引归。山还报天子，天子诛山。

左将军破泚水上军，乃前，至城下，围其西北。楼船亦往会，居城南。右渠遂坚守城，数月未能下。

左将军素侍中，幸，将燕代卒，悍，乘胜，军多骄。楼船将齐卒，入海，固已多败亡；其先与右渠战，因辱亡卒，卒皆恐，将心曩，其围右渠，常持和节。

左将军急击之，朝鲜大臣乃阴闲使人私约降楼船，往来言，尚未肯决。左将军数与楼船期战，楼船欲急就其约，不会；左将军亦使人求闲郤降下朝鲜，朝鲜不肯，心附楼船：以故两将不相能。左将军心意楼船前有失军罪，今与朝鲜私善而又不降，

疑其有反计，未敢发。天子曰将率不能，前(及) [乃] 使卫山谕降右渠，右渠遣太子，山使不能割决，与左将军计相误，卒沮约。今两将围城，又乖异，以故久不决。使济南太守公孙遂往(征) [正] 之，有便宜得以从事。

遂至，左将军曰：“朝鲜当下久矣，不下者有状。”言楼船数期不会，具以素所意告遂，曰：“今如此不取，恐为大害，非独楼船，又且与朝鲜共灭吾军。”遂亦以为然，而以节召楼船将军入左将军营计事，即命左将军麾下执捕楼船将军，并其军，以报天子。天子诛遂。

左将军已并两军，即急击朝鲜。朝鲜相路人、相韩阴、尼溪相参、将军王唼相与谋曰：“始欲降楼船，楼船今执，独左将军并将，战益急，恐不能与，(战)王又不肯降。”阴、唼、路人皆亡降汉。路人道死。元封三年夏，尼溪相参乃使人杀朝鲜王右渠来降。王险城未下，故右渠之大臣成巳又反，复攻吏。左将军使右渠子长降、相路人之子最告谕其民，诛成巳，以故遂定朝鲜，为四郡。封参为灋清侯，阴为荻菑侯，唼为平州侯，长 [降] 为几侯。最以父死颇有功，为温阳侯。

注 集解汉书音义曰：“凡五人也。戎狄不知官纪，故皆称相。唼音颊。”索隐应劭云：“凡五人。戎狄不知官纪，故皆称相也。路人，渔阳县人。”如淳云：

“相，其国宰相。路人，名也。唼音颊，一音协。”

注 集解徐广曰：“表云‘长路’。汉书表云‘长辂’，音各。”索隐案：汉书表云“长辂”，音各。

注 索隐路人子也，名最。

注 集解真番、临屯、乐浪、玄菟也。

注 集解韦昭曰：“属齐。”索隐参，灋清侯。韦昭云“县名，属齐”。顾氏灋音获。

注 集解韦昭曰：“属勃海。”索隐阴，荻苴侯。晋灼云“属勃海”。荻音狄，苴音子余反。

注 集解韦昭曰：“属梁父。”索隐映，平州侯。韦昭云“属梁父”。

注 集解韦昭曰：“属河东。”索隐长，几侯。韦昭云“县名，属河东”。

注 集解韦昭曰：“属齐。”索隐最，涅阳侯。韦昭云“属齐”也。

左将军征至，坐争功相嫉，乖计，弃市。楼船将军亦坐兵至洌口，当待左将军，擅先纵，亡多，当诛，赎为庶人。

注 索隐苏林曰：“县名。度海先得之。”

太史公曰：右渠负固，国以绝祀。涉何诬功，为兵发首。楼船将狭，及难离咎。悔失番禺，乃反见疑。荀彘争劳，与遂皆诛。两军俱辱，将率莫侯矣。

注 集解徐广曰：“言其所将卒狭少。”

【索隐述赞】卫满燕人，朝鲜是王。王险置都，路人作相。右渠首差，涉何悞上。兆祸自斯，狐疑二将。山、遂伏法，纷纭无状。

史记卷一一六

列传五十六 西南夷列传

西南夷君长以什数，夜郎最大；其西靡莫之属以什数，滇最大；自滇以北君长以什数，邛都最大：此皆魑结，耕田，有邑聚。

其外西自同师以东，北至牂榆，名为雋、昆明，皆编发，随畜迁徙，毋常处，毋君长，地方可数千里。自雋以东北，君长以什数，徙、笮都最大；自笮以东北，君长以什数，焜駟最大。其俗或土著，或移徙，在蜀之西。自焜駟以东北，君长以什数，白马最大，皆氏类也。

此皆巴蜀西南外蛮夷也。

注 正义在蜀之南。

注 索隐刘氏音所具反。邹氏音所主反。

注 索隐荀悦云：“犍为属国也。”韦昭云：“汉为县，属牂柯。”按：后汉书云“夜郎东接交址，其地在胡南，其君长本出于竹，以竹为姓也”。正义今泸州南大江南岸协州、曲州，本夜郎国。

注 索隐夷邑名，滇与同姓。

注 正义在蜀南以下及西也。靡非在姚州北，去京西南四千九百三十五里，即靡莫之夷。

注 集解如淳曰：“滇音颠。颠马出其国也。”索隐崔浩云：“后为县，越嵩太守所理也。”正义昆州、郎州等本滇国，去京西五千三百七十里也。

注 索隐魁，汉书作“椎”，音直追反。结音计。

注 集解韦昭曰：“邑名也。”索隐韦昭云邑名。汉书作“桐师”。

注 集解韦昭曰：“在益州。楛音叶。”索隐韦昭曰：“益州县。楛音叶。”

正义上音叶。楛泽在靡北百余里。汉楛榆县在泽西益都。靡非，本叶榆王属国也。

注 集解徐广曰：“永昌有嵩唐县。”索隐崔浩云：“二国名。”韦昭云：“嵩，益州县。”正义嵩音髓。今嵩州也。昆明，嵩州县，盖南接昆明之地，因名也。

注 正义编，步典反。畜，许又反。皆嵩、昆明之俗也。

注 集解徐广曰：“徙在汉嘉。笮音昨，在越嵩。”索隐服虔云：“二国名。”

韦昭云：“徙县属蜀。笮县在越嵩。”徐广云：“笮音昨。”正义徙音斯。括地志云：“笮州本西蜀徼外，曰猫羌嵩。地理志云徙县也。华阳国志雅州邛邛山本名邛笮山，故邛人、笮人界。”

注 索隐案：应劭云“汶江郡本焜駟。音亡江反”。正义括地志云：“蜀西徼外羌，茂州、焜州本焜駟国地也。后汉书云焜駟其山有六夷、七羌、九氏，各有部落也。”

注 索隐案：夷邑名，即白马氏。正义括地志云：“陇右成州、武州皆白马氏，其豪族杨氏居成州仇池山上。”

始楚威王时，使将军庄躄将兵循江上，略巴、(蜀)黔中以西。庄躄者，故楚庄王苗裔也。躄至滇池，(地)方三百里，

旁平地，肥饶数千里，以兵威定属楚。欲归报，会秦击夺楚巴、黔中郡，道塞不通，因还，以其觭王滇，变服，从其俗，以长之。秦时常頰 略通五尺道， 诸此国颇置吏焉。十余岁，秦灭。及汉兴，皆弃此国而开蜀故徼。巴蜀民或窃出商贾，取其笮马、僂僮、 髦牛，以此巴蜀殷富。

注 索隐音炬灼反。楚庄王弟，为盗者。正义其略反。郎州、昆州即庄躄所王。

注 索隐滇池方三百里。地理志益州滇池县，泽在西北。后汉书云：“其池水源深广，而[末]更浅狭，有似倒流，故谓滇池。”正义括地志云：“滇池泽在昆州晋宁县西南三十里。其水源深广而[末]更浅狭，有似倒流，故谓滇池。”

注 集解音案。

注 索隐谓栈道广五尺。正义括地志云：“五尺道在郎州。颜师古云其处险厄，故道纔广五尺。如淳云道广五尺。”

注 索隐韦昭云：“僂属犍为，音蒲北反。”服虔云：“旧京师有僂婢。”正义今益州南戎州北临大山，古僂国。

建元六年，大行王恢击东越，东越杀王郢以报。恢因兵威使番阳令 唐蒙风指晓南越。南越食蒙蜀枸酱， 蒙问所从来，曰“道西北牂柯，牂柯江 广数里，出番禺城下”。蒙归至长安，问蜀贾人，贾人曰：“独蜀出枸酱，多持窃出市夜郎。夜郎者，临牂柯江，江广百余步，足以行船。南越以财物役属夜郎，西至同师，然亦不能臣使也。”蒙乃上书说上曰：“南越王黄屋左纛，地东西万余里，名为外臣，实一州主也。今以长沙、豫章往，水道多绝，难行。窃闻夜郎所有精兵，可得十余万，浮船牂柯江，出其不意，此制越一奇也。诚以汉之强，巴蜀之饶，通夜郎道，为置吏，易甚。”上许之。乃拜蒙为郎中

将，将千人，食重万余人，从巴蜀笮关入，遂见夜郎侯多同。蒙厚赐，喻以威德，约为置吏，使其子为令。夜郎旁小邑皆贪汉缯帛，以为汉道险，终不能有也，乃且听蒙约。还报，乃以为犍为郡。发巴蜀卒治道，自犍道指牂柯江。蜀人司马相如亦言西夷邛、笮可置郡。使相如以郎中将至，喻，皆如南夷，为置一都尉，十余县，属蜀。

注 正义 蕃音婆。

注 集解徐广曰：“枸，一作‘蒟’，音窆。”骊案：汉书音义曰“枸木似谷树，其叶如桑叶。用其叶作酱酢，美，蜀人以为珍味”。索隐蒟。案：晋灼音矩。

刘德云“蒟树如桑，其椹长二三寸，味酢；取其实以为酱，美”。又云“蒟缘树而生，非木也。今蜀土家出蒟，实似桑椹，味辛似姜，不酢”。又云“取叶”。

此注又云叶似桑叶，非也。广志云“色黑，味辛，下气消谷”。窆，求羽反。

注 正义 崔浩云：“牂柯，系船杙也。”常氏华阳国志云：“楚顷襄王时，遣庄蹻伐夜郎，军至且兰，楸船于岸而步战。既灭夜郎，以且兰有楸船柯处，乃改其名为牂柯。”

注 索隐案：食货辘重车也。音持用反。

注 索隐道牂柯江。崔浩云：“牂柯，系船杙也，以为地名。”道犹从也。地理志夜郎又有豚水，东至南海四会入海，此牂柯江。

当是时，巴蜀四郡通西南夷道，戍转相饷。数岁，道不通，士罢饿离湿死者甚觶；西南夷又数反，发兵兴击，耗费无功。上患之，使公孙弘往视问焉。

还对，言其不便。及弘为御史大夫，是时方筑朔方以据河

逐胡，弘因子言西南夷害，可且罢，专力事匈奴。上罢西夷，独置南夷夜郎两县一都尉，稍令犍为自葆就。

注 集解徐广曰：“汉中，巴郡，广汉，蜀郡。”

注 集解徐广曰：“元光六年，南夷始置邮亭。”

注 正义令犍为自葆守，而渐修成其郡县也。

及元狩元年，博望侯张骞使大夏来，言居大夏时见蜀布、邛竹、杖，使问所从来，曰“从东南身毒国，可数千里，得蜀贾人市”。或闻邛西可二千里有身毒国。骞因盛言大夏在汉西南，慕中国，患匈奴隔其道，诚通蜀，身毒国道便近，有利无害。于是天子乃令王然于、柏始昌、吕越人等，使闲出西夷西，指求身毒国。至滇，滇王尝羌乃留，为求道西十余辈。岁余，皆闭昆明，莫能通身毒国。

注 集解韦昭曰：“邛县之竹，属蜀。”瓚曰：“邛，山名。此竹节高实中，可作杖。”

注 集解徐广曰：“字或作‘竺’。汉书直云‘身毒’，史记一本作‘干毒’。”

骞案：汉书音义曰“一名‘天竺’，则浮屠胡是也”。索隐身音捐，毒音笃。一本作“干毒”。汉书音义一名“天竺”也。

注 集解徐广曰：“尝，一作‘赏’。”

注 集解如淳曰：“为昆明所闭道。”正义昆明在今嵩州南，昆县是也。

滇王与汉使者言曰：“汉孰与我大？”及夜郎侯亦然。以道不通故，各自以为一州主，不知汉广大。使者还，因盛言滇大国，足事亲附。天子注意焉。

及至南越反，上使驰义侯因犍为发南夷兵。且兰君恐远

行，旁国虏其老弱，乃与其觭反，杀使者及犍为太守。汉乃发巴蜀罪人尝击南越者八校尉击破之。

会越已破，汉八校尉不下，即引兵还，行诛头兰。头兰，常隔滇道者也。

已平头兰，遂平南夷为牂柯郡。夜郎侯始倚南越，南越已灭，会还诛反者，夜郎遂入朝。上以为夜郎王。

注 索隐上音子余反。小国名也。后县，属牂柯。

注 索隐即且兰也。

南越破后，及汉诛且兰、邛君，并杀笮侯，焜駮皆振恐，请臣置吏。乃以邛都为越巂郡，笮都为沉儂郡，焜駮为汶山郡，广汉西白马为武都郡。

注 集解应劭曰：“今蜀郡岷江。”

上使王然于以越破及诛南夷兵威风喻滇王入朝。滇王者，其觭数万人，其旁东北有劳燧、靡莫，皆同姓相扶，未肯听。劳燧、靡莫数侵犯使者吏卒。元封二年，天子发巴蜀兵击灭劳燧、靡莫，以兵临滇。滇王始首善，以故弗诛。

滇王离难西南夷，举国降，请置吏入朝。于是以为益州郡，赐滇王王印，复长其民。

注 索隐劳寢、靡莫。二国与滇王同姓。

西南夷君长以百数，独夜郎、滇受王印。滇小邑，最宠焉。

太史公曰：楚之先岂有天祿哉？在周为文王师，封楚。及周之衰，地称五千里。

秦灭诸侯，唯楚苗裔尚有滇王。汉诛西南夷，国多灭矣，唯滇复为宠王。然南夷之端，见枸酱番禺，大夏杖、邛竹。西

夷后掬， 剽分二方， 卒为七郡。

注 集解汉书音义曰：“音翦。”索隐音剪。掬谓被分割也。

注 索隐剽音匹妙反。言西夷后被掬迫逐，遂剽居西南二方，各属郡县。剽亦分义。

注 集解徐广曰：“犍为、牂柯、越巂、益州、武都、沉儻、汶山地也。”

【索隐述赞】西南外徼，庄躄首通。汉因大夏，乃命唐蒙。劳犍、靡莫，异俗殊风。夜郎最大，邛、笮称雄。及置郡县，万代推功。

史记卷一一七

列传五十七 司马相如列传

司马相如者，蜀郡成都人也，字长卿。少时好读书，学击剑，故其亲名之曰犬子。相如既学，慕蔭相如之为人，更名相如。以货为郎，事孝景帝，为武骑常侍，非其好也。会景帝不好辞赋，是时梁孝王来朝，从游说之士齐人邹阳、淮阴枚乘、吴庄忌夫子之徒，相如见而说之，因病免，客游梁。梁孝王令与诸生同舍，相如得与诸生游士居数岁，乃着子虚之赋。

注 索隐吕氏春秋剑伎云“持短入长，倏忽纵横之术也”。魏文典论云“余好击剑，善以短乘长”是也。

注 索隐孟康云：“爱而字之也。”

注 索隐案：秦密云“文翁遣相如受七经”。

注 索隐张揖曰：“秩六百石，常侍从格猛兽。”

注 集解徐广曰：“名忌，字夫子。”索隐徐广、郭璞皆云名忌字夫子。案：

邹阳传云枚先生、严夫子，此则夫子是美称，时人以为号。汉书作“严忌”者，案忌本性庄，避明帝讳改姓严也。

会梁孝王卒，相如归，而家贫，无以自业。素与临邛令王吉相善，吉曰：“长卿久宦游不遂，而来过我。”于是相如往，

舍都亭。临邛令缪为恭敬，日往朝相如。相如初尚见之，后称病，使从者谢吉，吉愈益谨肃。临邛中多富人，而卓王孙家僮八百人，程郑亦数百人，二人乃相谓曰：“令有贵客，为具召之。”

并召令。令既至，卓氏客以百数。至日中，谒司马长卿，长卿谢病不能往，临邛令不敢尝食，自往迎相如。相如不得已，强往，一坐尽倾。酒酣，临邛令前奏琴曰：“窃闻长卿好之，愿以自娱。”相如辞谢，为鼓一再行。是时卓王孙有女文君新寡，好音，故相如缪与令相重，而以琴心挑之。相如之临邛，从车骑，雍容闲雅甚都；及饮卓氏，弄琴，文君窃从户窥之，心悦而好之，恐不得当也。既罢，相如乃使人重赐文君侍者通殷勤。文君夜亡奔相如，相如乃与驰归成都。家居徒四壁立。卓王孙大怒曰：“女至不材，我不忍杀，不分一钱也。”人或谓王孙，王孙终不听。文君久之不乐，曰：“长卿第俱如临邛，从昆弟假贷犹足为生，何至自苦如此！”相如与俱之临邛，尽卖其车骑，买一酒舍酤酒，而令文君当炉。相如身自着犊鼻褌，与保庸杂作，涤器于市中。卓王孙闻而耻之，为杜门不出。昆弟诸公更谓王孙曰：“有一男两女，所不足者非财也。今文君已失身于司马长卿，长卿故倦游，虽贫，其人材足依也，且又令客，独柰何相辱如此！”卓王孙不得已，分予文君僮百人，钱百万，及其嫁时衣被财物。文君乃与相如归成都，买田宅，为富人。

注 索隐案：临邛郭下之亭也。

注 索隐案：乐府长歌行、短歌行，行者曲也。此言“鼓一再行”，谓一两曲。

注 集解郭璞曰：“以琴中音挑动之，”索隐张揖云：“挑，娆也。以琴中娆之。”挑音徒了反。娆音奴了反。其诗曰

“凤兮凤兮归故乡，游遨四海求其皇，有一艳女在此堂，室迩人遐毒我肠，何由交接为鸳鸯”也。又曰“凤兮凤兮从皇栖，得托子尾永为妃。交情通体必和谐，中夜相从别有谁”。

注 集解韦昭曰：“闲，读曰‘闲’，甚得都邑之容也。”郭璞曰：“都犹姣也。”

诗曰‘恂美且都’。”

注 索隐郭璞云：“婚不以礼为亡也。”

注 集解郭璞曰：“言贫穷也。”索隐案：孔文祥云“徒，空也。家空无资储，但有四壁而已，云就此中以安立也”。

注 索隐弟如临邛。文颖云：“弟，且也。”郭璞云：“弟，语辞。如，往也。”

注 集解韦昭曰：“炉，酒肆也。以土为堕，边高似炉。”

注 集解韦昭曰：“今三尺布作形如犊鼻矣。称此者，言其无耻也。今铜印言犊纽，此其类矣。”

注 集解方言曰：“保庸谓之甬，奴婢贱称也。”

注 集解韦昭曰：“瓦器也。每食必涤溉者。”

注 集解郭璞曰：“诸公，父行也。”

注 集解郭璞曰：“厌游宦也。”

居久之，蜀人杨得意为狗监，侍上。上读子虚赋而善之，曰：“朕独不得与此人同时哉！”得意曰：“臣邑人司马相如自言为此赋。”上惊，乃召问相如。

相如曰：“有是。然此乃诸侯之事，未足观也。请为天子游猎赋，赋成奏之。”

上许，令尚书给笔札。相如以“子虚”，虚言也，为楚称；

“乌有先生”者，乌有此事也，为齐难；“无是公”者，无是人也，明天子之义。故空藉此三人为辞，以推天子诸侯之苑囿。其卒章归之于节俭，因以风谏。

奏之天子，天子大说。其辞曰：

注 集解郭璞曰：“主猎犬也。”

注 集解郭璞曰：“称说楚之美。”

注 集解徐广曰：“乌，一作恶。”

注 集解郭璞曰：“诘难楚事也。”

注 集解郭璞曰：“以为折中之谈也。”

注 索隐音假借，与积同音。

楚使子虚使于齐，齐王悉发境内之士，备车骑之觶，与使者出田。田罢，子虚过詗 乌有先生，而无是公在焉。坐定，乌有先生问曰：“今日田乐乎？”子虚曰：“乐。”

“获多乎？”曰：“少。”“然则何乐？”曰：“仆乐齐王之欲夸仆以车骑之觶，而仆对以云梦之事也。”曰：“可得闻乎？”

注 集解郭璞曰：“詗，夸也。音托夏反。”索隐上音戈，下音 亚反。夸詗是也。

子虚曰：“可。王驾车千乘，选徒万骑，田于海滨。列卒满泽，罟罔弥山，揜兔平原广泽游猎之地饶乐若此者乎？楚王之猎何与寡人？”仆下车对曰：

‘臣，楚国之鄙人也，幸得宿卫十有余年，时从出游，游于后园，览于有无，然犹未能管鬻也，又恶足以言其外泽者乎！’齐王曰：‘虽然，略以子之所闻见而言之。’

注 集解郭璞曰：“罟，置也。音浮。”正义说文云“罟，兔网也”。今幡车即也。弥，竟也。

注 集解徐广曰：“揜音吝。”骊案：郭璞曰“鬻，揜足。揜，车轳”。索隐鬻麟，韦昭云“谓持其一鬻也”。司马彪曰

“𩚑，𩚑也”。说文云“𩚑，偏引一𩚑也”。

注 集解郭璞曰：“盐浦，海边地多盐卤。鲜，生肉也。染，濡也。音而沿反，又音而悦反。濡之于轮，盐而食之。𩚑，驰也。音务。”索隐李奇云：“鲜，生肉也。染，濡也。切生肉濡盐而食之。”染或为“淬”，与下文“脔割轮淬”意同也。

注 集解郭璞曰：“与犹如也。”

“仆对曰：‘唯唯。臣闻楚有七泽，尝见其一，未翫其余也。臣之所见，盖特其小小者耳，名曰云梦。云梦者，方九百里，其中有山焉。其山则盘纡峩郁，隆崇嶺峯；岑岩参差，日月蔽亏；交错纠纷，上干青云；罢池陂次，下属江河。其土则丹青赭垩，雌黄白垩，锡碧金银，觶色炫耀，照烂龙鳞。其石则赤玉玫瑰，琳煖琨瑀，璚璠玄厉，𩚑石武夫。其东则有蕙圃衡兰，芷若射干，穹穷昌蒲，江离麋芜，诸蔗獐且。其南则有平原广泽，登降次靡，案衍坛曼，缘以大江，限以巫山。[二〇]其高燥则生葳𦉇苞荔，[二一]薛莎青蘋。[二二]其卑湿[二三]则生藏蓂蒹葭，东薺[二四]雕胡，[二五]莲藕菰芦，[二六]庵犷轩芋，[二七]觶物居之，不可胜图。[二八]其西则有涌泉清池，激水推移；外发芙蓉菱华，内隐钜石白沙。其中则有神龟蛟鼉，[二九]橐𦉇[三〇]鼈鼃。其北则有阴林[三一]巨树，榎𦉇豫章，[三二]桂椒[三三]木兰，[三四]蘼离朱杨，[三五]檣榭栲栗，[三六]橘柚芬芳。[三七]其上则有赤𦉇蠃螭，[三八]鹇雏孔鸾，腾远射干。[三九]其下则有白虎玄豹，蝮𦉇𦉇，[四〇]兕象野犀，[四一]穷奇𦉇狻。”

注 索隐郭璞云：“特，独也。”

注 索隐赭音亡栋反，又音莫风反。裴驷云“孙叔敖激沮水作此泽”。张揖云“楚藪也，在南郡华容县”。郭璞曰

“江夏安陆有云梦城，南郡枝江亦有云梦城。华容县又有巴丘湖，俗云即古云梦泽也”。则张揖云在华容者，指巴湖也。

今安陆东见有云梦城、云梦县，而枝江亦有者，盖县名取此泽，故有城也。

注 集解汉书音义曰：“高山壅蔽，日月亏缺半见。”索隐案：汉书注此卷多不题注者姓名，解者云是张揖，亦兼有余人也。

注 集解徐广曰：“一作‘瑕’。”索隐张揖云：“赭，赤土，出少室山。垚，白垚，，本草云一名白堊也。”

注 正义药对曰：“雌黄出武都山谷，与雄黄同山。”

注 集解徐广曰：“音符。”骊案：汉书音义曰“白垚，白石英也”。索隐张揖曰：“白石英也，出鲁阳山。”苏林音附，郭璞音符也。

注 正义颜云：“锡，青金也。碧谓玉之青白色者也。”

注 集解郭璞曰：“如龙之鳞采。”

注 集解郭璞曰：“赤玉，赤瑾也。见楚辞。玫瑰，石珠也。”

注 集解汉书音义曰：“琳，球也。憺，石次玉者。琨珉，山名也，出善金，尸子曰‘昆吾之金’者。”索隐琨珉，司马彪云“石之次玉者”。按：河图云“流州多积石，名昆吾石，炼之成铁，以作剑，光明昭如水精”。案：字或作“昆吾”。

注 集解徐广曰：“瑊音古咸反，撝音勒，皆次玉者。”骊案：汉书音义曰“玄厉，黑石可用磨者”。

注 集解徐广曰：“石似玉。”骊案：汉书音义曰“鮀石出鴈门，武夫出长沙也”。

注 索隐司马彪云：“蕙，香草也。”本草云：“蕙草一名蕙。”广志云：“熏草绿叶紫茎，魏武帝以此烧香，今东下

田有此草，茎叶似麻，其华正紫也。”

注 集解汉书音义曰：“衡，杜衡也。其状若葵，其臭如监茝。芷，白芷。

若，杜若。”索隐张揖云“衡，杜衡，生下田山”。案：山海经云“天帝之山有草，叶如葵，臭如麝茝，可以走马”。博物志云“一名土杏，其根一似细辛，叶似葵”。故药对亦为似细辛是也。兰，张揖云“秋兰”。芷若，张揖云“若，杜若；芷，白芷也”。本草云“一名蕝”。埤苍云“齐曰蕝，晋曰蕝”。字林曰“蕝音昌亥反，又音昌里反。蕝音火娇反”。

本草又曰“杜若，一名杜衡。”今杜若叶似姜而有文理，茎叶皆有长毛。古今名号不同，故其所呼别也。

注 索隐广雅云“乌蓬，射干”。本草名乌扇。

注 索隐芎藭。司马彪云：“芎藭似瞿本。”郭璞云：“今历阳呼为江离。”

淮南子云：“夫乱人者，若芎藭之与枣本。”

注 集解徐广曰：“搏音匹沃反。”骊案：汉书音义曰“江离，香草，麝茝，蕝芷也，似蛇床而香。诸蔗，甘柘也。搏且，蕝荷也”。索隐吴录曰“临海县海水中生江离，正青似乱发，即离骚所云者是也”。广志云“赤叶红华”，则与张勃所说又别。案：今芎藭苗曰江离，绿叶白华，又不同。孟康云“麝茝，蕝芷也，似蛇床而香”。樊光曰“瞿本一名麝茝，根名蕝芷”。又药对以为麝茝一名江离，芎藭苗也。则芎藭、瞿本、江离、麝茝并相似，非是一物也。诸柘，张揖云“诸柘，甘柘也”。搏且，上音并卜反，下音子余反。汉书作“巴且”，文颖云“巴蕉也”。郭璞云“搏且，蕝荷属”。未知孰是也。

注 集解音移麝。

注 索隐司马彪云：“案衍，窳下；坛曼，平博也。”衍

音弋战反。

注〔二〇〕集解郭璞曰：“巫山今在建平巫县也。”

注〔二一〕集解徐广曰：“葳音针，马蓝也。莠，或曰草，生水中，华可食。荔音力诣反。草，似蒲。”骀案：汉书音义曰“苞，蔗也”。索隐葳析。音针斯二音。

孟康曰“葳，马蓝也”。郭璞曰“葳，酸浆，江东名乌葳”。析，汉书作“斯”，孟康云“斯，禾，似燕麦”。埤苍又云“生水中，华可食”。广志云“凉州地生析草，皆如中国燕麦“是也”。

注〔二二〕集解徐广曰：“薛音先结反。”骀案：汉书音义曰“薛，赖蒿也。莎，镐侯也。青蘋，似莎而大也。音烦”。

注〔二三〕索隐其庠湿。庠音婢。庠，下也。

注〔二四〕集解徐广曰：“乌桓国有薔，似蓬草，实如葵子，十月熟。”骀案：汉书音义曰“藏，似藪而叶大。莨，莨尾草也。蒹，蒹也。葭，芦也”。索隐藏莨，郭璞云“狼尾，似茅”。蒹葭音兼加。孟康云“蒹葭似芦也”。郭璞云“蒹，蒹也。似藪而细小，高数尺，江东人呼为蒹蒿”。又云“葭，芦也。似苇而细小，江东人呼为乌蔭”。藪音五患反。蒹音敌。东薔，案续汉书云“东薔似蓬草，实如葵子，十一月熟”。广志云“子色青黑，河西语云‘贷我东薔，偿我白梁’也”。

注〔二五〕索隐雕胡。案谓菰米。

注〔二六〕集解徐广曰：“生水中。”索隐郭璞云：“菰，蔣也。芦，苇也。”

注〔二七〕集解汉书音义曰：“菴间，蒿也。轩芋，莠草也。”索隐郭璞云：“庵间，蒿，子可疗病也。轩芋生水中，今扬州有也。”

注〔二八〕集解郭璞曰：“图，画也。”

注 [二九] 正义郭注山海经云：“蛟，似蛇而四髯，小头细颈，有白婴，大者数十围，卵生，子如一二斛瓮，吞人。鼉，似蜥蜴而大，身有甲，皮可以冒鼓。”

注 [三〇] 正义似觜觶，甲有文，出南海，可饰器物也。

注 [三一] 集解郭璞曰：“林在山北阴地。”

注 [三二] 集解郭璞曰：“榿，树也，似梓。鍼，叶似桑。豫章，大木也，生七年乃可知也。”正义案：(温)活人云“豫，今之枕木也。章，今之樟木也。二木生至七年，枕樟乃可分别”。

注 [三三] 正义郭璞云：“桂，似枇杷叶而大，白花，花而不着子，藂生岩岭闲，无杂木，冬夏常青。”案：今诸寺有桂树，叶若枇杷而小，光静，冬夏常青，其皮不中食，盖二色桂树。

注 [三四] 集解驺案：郭璞曰“木兰，树，皮辛香可食”。正义广雅云：“似桂，皮辛可食，叶冬夏荣，常以冬华，其实如小(甘)柿，辛美，南人以为梅也。”

注 [三五] 集解徐广曰：“藜音扶戾反。”汉书音义曰：“离，山梨。朱杨，赤杨也。”索隐朱杨，郭璞云“赤茎柳，生水边”，尔雅云桤河柳是也。

注 [三六] 集解徐广曰：“棗音郢。”驺案：汉书音义曰“棗，棗枣也”。

注 [三七] 正义小曰橘，大曰柚。树有刺，冬不凋，叶青，花白，子黄赤。二树相似。非橙也。

注 [三八] 集解徐广曰：“音劬柔。”正义蠪音劬，蝮音柔，皆猿猴类。

注 [三九] 集解郭璞曰：“鹇雏，凤属也。孔，孔雀；鸾，鸾鸟也。”汉书音义曰：

“腾远，鸟名。射干，似狐，能缘木。”索隐孟康云“腾

远，鸟名”，非也。司马彪云：“腾远，翬也。”郭璞云：“腾翬，龙属，能兴云雾。”张揖云：“射干，似狐，能缘木。”

注〔四〇〕集解郭璞曰：“蝮蜒，大兽，长百寻。獬，似狸而大。”汉书音义曰：

“獬，胡地野犬，似狐而小也。”索隐郭璞云：“蝮蜒，大兽，长百寻。”张揖云：“獬，似狸而大。獬，胡地野犬，似狐而小，黑喙。”应劭音颜，韦昭一音岸。邹诞生音苦奸反，协音，是。

注〔四一〕正义兕，状如水牛。象，大兽，长鼻，牙长一丈，俗呼为江虬。犀，头似虬，一角在额。汉书无此一句。

“于是乃使专诸之伦，手格此兽。楚王乃驾驯驳之驷，乘雕玉之舆，靡鱼须之橈旌，曳明月之珠旗，建干将之雄戟，左乌噪之雕弓，右夏服之劲箭；阳子骖乘，纆阿为御；案节未舒，即陵狡兽，踣邛邛，蹙距虚，轶野马而穉騊駼，乘遗风而射游骐；儻睍凄冽，赖动燹至，星流霆击，弓不虚发，中必决眦，洞胸达腋，绝乎心系，获若雨兽，揜草蔽地。于是楚王乃弭节裴回，翱翔容与，览乎阴林，观壮士之暴怒，与猛兽之恐惧，徼馘受馘，殫睹觴物之变态。

注 集解汉书音义曰：“驯，扰也。驳，如马，白身，黑尾，一角，锯牙，食虎豹。扰而驾之，以当驷马。”

注 集解郭璞曰：“以海鱼须为旒旌，言橈弱也。通帛为旌也。”

注 集解汉书音义曰：“以明月珠缀饰旗。”

注 集解汉书音义曰：“干将，韩王剑师。雄戟，胡中有槥，干将所造也。”

索隐应劭曰：“干将，吴善冶者姓。”如淳曰：“干将，铁所出。”晋灼曰：“阖闾铸干将剑。”应劭说是。方言云：“戟中小子刺者，所谓雄戟也。”周处风土记云：“戟为五兵雄也。”檣音巨。案：周礼“冶氏为戈，胡三之”。注云“胡其子”也。又礼图谓“戟支曲下为胡”也。

注 索隐乌号之雕弓。黄帝上仙，髡臣举弓抱之而号，见封禅书及郊祀志文。

韩诗外传云弓工之妻曰“此弓大山南乌号之柘”。案：淮南子云“乌号，柘桑，其材坚劲，乌栖其上，将飞，枝劲复起，号呼其上。伐取其材为弓，因曰‘乌号’”。古史考、风俗通皆同此说也。

注 集解徐广曰：“韦昭云夏，夏羿也。矢室名曰服。”吕静曰：“步叉谓之服也。”索隐案：夏羿，善射者。又服，箭室之名，故云“夏服”。又夏后氏有良弓名“繁弱”，其矢亦良，即“繁弱箭服”是也。

注 集解汉书音义曰：“阳子，僊人陵阳子。纤阿，月御也。”韦昭曰：“阳子，古贤也。”索隐服虔云：“阳子，仙人陵阳子也。”张揖云：“阳子，伯乐也。孙阳字伯乐，秦缪公臣，善御者也。”服虔云：“纤阿为月御。或曰美女姣好貌。”又乐产曰：“纤阿，山名，有女子处其岩，月历岩度，跃入月中，因名月御也。”

注 索隐郭璞曰：“言顿辔也。”司马彪云“案辔徐行得节，故曰案节，马足未展，故曰未舒之也”，亦(曰未)[为]得也。

注 集解郭璞曰：“邛邛，似马而色青。距虚即邛邛，变文互言之。穆天子传曰‘邛邛距虚，日走五百里’也。”

注 集解徐广曰：“穉音锐。”驂案：郭璞曰“野马，如

马而小。騊駼，似马。輶，车轴头”。索隐堯騊駼。上音卫。堯，车轴头也。谓车轴冲杀之。騊駼，野马。

注 集解汉书音义曰：“遗风，千里马。尔雅曰騊，如马，一角。不角者，骐也。”索隐吕氏春秋云：“遗风之乘。”古今注云：“秦始皇马名。”韦昭云：

“骐如马，一角。”尔雅云：“騊无角曰骐。”非麒麟之骐。騊音携。

注 集解徐广曰：“凄音七见反。冽音力诣反。”骊案：汉书音义曰“皆疾貌”。

注 集解韦昭曰：“在目所指，中必决于眼眦也。”

注 集解郭璞曰：“或云节，今之所杖信节也。”索隐司马彪云：“弭犹低也。或云节，今之所言杖(节)信[节]也。”

注 索隐郭璞曰：“言自得。”

注 集解徐广曰：“飢音剧。”骊案：郭璞曰“飢，疲极也。诘，尽也。言兽有倦游者，则微而取之”。索隐微飢受诘。司马彪云：“微，遮也。飢，倦也。

谓遮其倦者。”飢音剧。诘音屈。说文云：“飢，劳也。燕人谓劳为飢。”微音古尧反。

“于是郑女曼姬，被阿锡，揄纁缟，篮纤罗，垂雾縠；襞积褰绌，纡徐委曲，郁桡溪谷；粉粉袞袞，扬袿恤削，蜚纤垂髻；扶与猗靡，鞞呶萃蔡，下摩兰蕙，上拂羽盖，错翡翠之威蕤，缪绕玉绥；缥乎忽忽，若神仙之仿佛。

注 集解郭璞曰：“曼姬谓邓曼。姬，妇人之总称。”正义文颖云：“郑国出好女。曼者，其色理曼泽也。”如淳云：“郑女，夏姬也。曼姬，楚武王夫人邓曼。”

注 集解汉书音义曰：“阿，细缙也。锡，布也。”正义按：东阿出缙也。

注 集解徐广曰：“揄音臾。”正义揄，曳也。韦昭云：“纒之色若缙也。”

颜云：“纒，织纒也。缙，鲜支也。”

注 集解郭璞曰：“言细如雾，垂以覆头。”

注 集解汉书音义曰：“褰积，简醋也。褰，缩也。纒，裁也。其纒中文理，萋郁嘶曲，有似于溪谷也。”索隐小颜云：“褰积，今之裙彝，古谓之素积。”

苏林曰“褰纒，缩蹙之“是也。纒音侧救反。醋音叉革反。裁音在代反。郁桡溪谷，孟康曰“其纒中文理，萋郁嘶曲，有似于溪谷也”。嘶，字林音丘亦反。”

注 索隐郭璞云：“衣长貌。”正义上芳云反，下方非反。

注 集解徐广曰：“掩音迤，衣袖也。”骀案：汉书音义曰“恤削，裁制貌也”。

索隐扬掩戍削。张晏曰：“扬，举也。掩，衣袖也。戍削，裁制貌也。”

注 集解徐广曰：“纤音芟。”骀案：郭璞云“纤，笄衣饰；髻，髻髻也”。

注 集解郭璞曰：“淮南所谓‘曾折摩地，扶与猗委’也。”正义與音余。猗，于绮反。谓郑女曼姬侍从王者，扶其车輿而猗靡。

注 集解汉书音义曰：“控呬，衣裳张起也。萃蔡，衣声也。”索隐孟康曰：

“控呬，衣起张也。”韦昭云：“呬音呼甲反。”萃蔡，孟康云“萃蔡，衣声也”。

郭璞曰“萃蔡犹摧檉也”。正义呬，火甲反。萃音翠。蔡，

千贿反。

注 集解徐广曰：“错音措。或作‘错粉翠蕤’。”

注 集解郭璞曰：“绥，所执以登车。”正义颜云：“下摩兰蕙，谓垂髻也。”

上拂羽盖，谓飞襪也。玉绥，以玉饰绥也。”言飞襪垂髻，错篮翡翠之旌幡，或绕玉绥也。张揖云：“翡翠大小一如雀，雄赤曰翡，雌青曰翠。”博物志云：

“翡身通黑，唯胸前背上翼后有赤毛。翠身通青黄，唯六翮上毛长寸余青。其飞则羽鸣翠翡翠翡翠然，因以为名也。”

注 正义仿佛，言似神仙也。战国策云：“郑之美女粉白黛黑而立于衢，不知者谓之神仙。”

“于是乃相与獠于蕙圃，嬖珊勃窳 上金堤，揜翡翠，射钳幣，微矰出，纤缴施，弋白鹄，连驾鹄，双鹄下，玄鹤加。怠而后发，游于清池；浮文鹜，扬桂枻，张翠帷，建羽盖，罔橦瑁，钓紫贝；攄金鼓，吹鸣籥，榜人歌声流喝，水虫骇，波鸿沸，涌泉起，奔扬会，礪石相击，礪礪粦粦，若赖霆之声，闻乎数百里之外。”

注 集解郭璞曰：“獠，猎也。音辽。”索隐尔雅云：“宵猎曰獠。”郭璞曰：

“獠，猎也。又音辽也。”

注 索隐盘絲勃窳。韦昭曰：“盘絲，匍匐上下也。”猝音素忽反。

注 集解汉书音义曰：“钳幣，鸟，似凤也。”索隐司马彪云：“钳幣，山鸡也。”许慎云：“鷖鸟也。”郭璞曰：“似凤，有光彩。音浚宜。”李彤云：“钳幣，神鸟，飞光竟天也。”

注 集解徐广曰：“缴音斫。”

注 集解郭璞曰：“野鹅也。驾音加。”索隐驾鹅。尔雅云：“舒鴈，鹅也。”

郭璞曰：“野鹅也。”正义鹄，水鸟也。驾鹅连谓兼获也。抱朴子云：“千岁之鹄纯白，能登于木。”

注 集解郭璞曰：“诗云‘弋言加之’是也。”正义司马彪云：“鹄似鴈而黑，亦呼为鹄括。韩诗外传云胎生也。”相鹤经云：“鹤寿二百六十岁则色纯黑。”

案：弋双鹄既下，又加玄鹤之上也。

注 集解汉书音义曰：“鹄，水鸟也。画其象于船首。淮南子曰‘龙舟鹄首，天子之乘也’。”

注 集解徐广曰：“音曳。”驷案：韦昭曰“柂，璪也”。

注 集解郭璞曰：“紫质黑文也。”正义毛诗虫鱼疏云：“贝，水之介虫。大者蚌，音下郎反。小者为贝，其白质如玉，紫点为文，皆成行列。当大者径一尺，小者七八寸。今九真、交址以为杯盘实物也。”货殖传云“贝宝龟”是也。

注 集解汉书音义曰：“攄，撞也。籟，箫也。”

注 集解郭璞曰：“唱棹歌也。榜，船也，音谤。”

注 集解徐广曰：“乌迈反。”

“将息獠者，击灵鼓，起烽燧，车案行，骑就队，纒乎淫淫，班乎裔裔。

于是楚王乃登阳云之台，泊乎无为，澹乎自持，勺药之和具而后御之。

不若大王终日驰骋而不下舆，脔割轮淬，自以为娱。臣窃观之，齐殆不如。”于是王默然无以应仆也。”

注 集解郭璞曰：“灵鼓，六面也。”

注 集解郭璞曰：“皆鬻行貌也。”

注 集解徐广曰：“宋玉云楚王游于阳云之台。”駉案：郭璞曰“在云梦之中”。

注 集解郭璞曰：“勺药，五味也。”

注 集解徐广曰：“淬，千内反。”駉案：郭璞曰“酹，膊；淬，染也。酹音齋也”。

乌有先生曰：“是何言之过也！足下不远千里，来况齐国，王悉发境内之士，而备车骑之觶，以出田，乃欲矚力致获，以娱左右也，何名为夸哉！问楚地之有无者，愿闻大国之风烈，先生之余论也。今足下不称楚王之德厚，而盛推云梦以为高，奢言淫乐而显侈靡，窃为足下不取也。必若所言，固非楚国之美也。有而言之，是章君之恶；无而言之，是害足下之信。章君之恶而伤私义，二者无一可，而先生行之，必且轻于齐而累于楚矣。且齐东踰巨海，南有琅邪，观乎成山，射乎之罘，浮勃解，游孟诸，邪与肃慎为邻，右以汤谷为界，秋田乎青丘，傍徨乎海外，吞若云梦者八九，其于胸中曾不蒂芥。若乃俶傥瑰伟，异方殊类，珍怪鸟兽，万端鳞萃，充仞其中者，不可胜记，禹不能名，契不能计。然在诸侯之位，不敢言游戏之乐，苑囿之大；先生又见客，是以王辞而不复，何为无用应哉！”

注 集解郭璞曰：“言有惠况也。”

注 索隐踰，苏林音渚。小洲曰踰。谓东有大海之踰也。

注 集解郭璞曰：“山名，在琅邪县界。”正义山名，在密州东南百三十里。

琅邪台在山上。

注 集解徐广曰：“在东莱不夜县。”索隐张揖云：“观，阙也。于山上筑宫阙。”郭璞云：“言在山下游观，音馆也。”

正义封禅书云“成山斗入海”，言上山观也。括地志云：“成山在莱州文登县东北百八十里也。”

注 集解汉书音义曰：“之罘山在牟平县。射猎其上也。”正义括地志云：“罘山在莱州文登县西北百九十里。”言射猎其上也。罘音浮。

注 集解汉书音义曰：“海别枝名也。”索隐案：齐都赋云“海傍曰勃，断水曰解”也。

注 集解郭璞曰：“宋之藪泽名。”正义周礼职方氏“青州藪曰望诸”，郑玄云“望诸，孟诸也”。

注 正义邪谓东北接之。括地志云：“鞞鞞国，古肃慎也，亦曰挹娄，在京东北八千四百里，南去扶余千五百里，东及北各抵大海也。”

注 正义言右者，北向天子也。海外经云：“汤谷在黑齿北，上有扶桑木，水中十日所浴。”张揖云：“日所出也。”许慎云：“热如汤。”

注 集解郭璞曰：“青丘，山名。亦有田，出九尾狐，在海外矣。”索隐郭璞云：“山名。出九尾狐也。”正义服虔云：“青丘国在海东三百里。”郭璞云：

“青丘，山名。上有田，亦有国，出九尾狐，在海外。”

注 索隐张揖曰：“刺鯁也。”郭璞云：“言不觉有也。”

注 正义禹为尧司空，辨九州土地山川草木禽兽。契为司徒，敷五教，主四方会计。言二人犹不能名计其数。

注 索隐指子虚也。

注 索隐如淳曰：“见宾客礼待故也。”李善曰：“言见先生是(宾)客(之)也。”

注 索隐郭璞曰：“复，答也。”

无是公听然而笑 曰：“楚则失矣，齐亦未为得也。夫使

诸侯纳贡者，非为财币，所以述职也；封疆画界者，非为守御，所以禁淫也。今齐列为东藩，而外私肃慎，捐国踰限，越海而田，其于义故未可也。且二君之论，不务明君臣之义而正诸侯之礼，徒事争游猎之乐，苑囿之大，欲以奢侈相胜，荒淫相越，此不可以扬名发誉，而适足以贬君自损也。且夫齐楚之事又焉足道邪！

君未睹夫巨丽也，独不闻天子之上林乎？

注 集解郭璞曰：“听，笑貌也。”索隐说文云：“听，笑貌。”

注 集解郭璞曰：“诸侯朝于天子曰述职，言述所职。见孟子。”

注 集解郭璞曰：“禁绝淫放也。”

“左苍梧，右西极，丹水更其南，紫渊径其北；终始霸产，出入泾渭；酆鄩潦滹，纡余委蛇，经营乎其内。荡荡兮八川分流，相背而异态。东西南北，驰骛往来，出乎椒丘之阙，行乎洲淤之浦，径乎桂林之中，过乎泱莽之野。

汨乎浑流，顺阿而下，赴隘陕之口。触穹石，激堆埼，沸乎暴怒，汹涌滂坻，湔淲湓汨，溈测泌澌，横流逆折，转腾漱冽，澎湃沆漑，穹隆云挠，[一八]蜿漚胶戾，踰波趋浥，[二〇]騶騶下濑，[二一]批壩磨壅，[二二]礧扬滞沛，[二三]临坻注壑，[二四]灑灑[二五]震坠，[二六]湛湛[二七]隐隐，砰磅訇糝，[二八]滈滈涓涓，淢淢鼎沸，[二九]驰波跳沫，[三〇]汨馿漂疾，[三一]悠远长怀，[三二]寂寥无声，肆乎永归。然后灑漾潢漾，[三三]安翔徐徊，翯乎滈滈，[三四]东注大湖，[三五]衍溢陂池。于是乎蛟龙赤螭，[三六]矍稳蜥离，[三七]鰐鮪鰪魼，[三

八] 禺禺鱣鮪，[三九] 捷鳍 [四〇] 擢尾，振鳞奋翼，潜处于深岩；鱼鳖讙声，万物觴伙，明月珠子，率璣江靡，[四一] 蜀石黄篚，[四二] 水玉磊砢，[四三] 磷磷烂烂，采色琤吁，丛积乎其中。鸿鹄鸕鶿，桼檣鸕鶿，[四四] 樛砮 [四五] 皓目，[四六] 烦鸕鶿寫，[四七] 煩熿鸕鶿，[四八] 鶻浮乎其上。泛淫泛滥，[四九] 随风澹淡，与波摇荡，掩薄草渚，[五〇] 唼喋 [五一] 菁藻，[五二] 咀嚼菱藕。

注 集解郭璞曰：“西极，邠国也。见尔雅。”正义文颖云：“苍梧郡属交州，在长安东南，故言左。尔雅云西至于豳国为极。在长安西，故言右。”

注 集解汉书音义曰：“丹水出上洛嶺领山。”

注 集解郭璞曰：“紫渊所未详。”正义山海经云：“紫渊水出根耆之山，西流注河。”文颖云：“西河谷罗县有紫泽，(其水紫色注亦紫)在县北，于长安为北。”

注 索隐张揖云：“灞出蓝田西北而入渭。浚亦出蓝田谷，北至霸陵入灞。灞浚二水尽于苑中不出，故云终始也。泾渭二水从苑外来，又出苑去也。泾水出安定泾阳县开头山，东至阳陵入渭。渭水出陇西首阳县鸟鼠同穴山，东北至华阴入河。”

注 索隐丰镐。张揖云：“丰水出鄠县南山丰谷，北入渭。镐在昆明池北。”

郭璞云：“镐水，丰水下流也。”

注 集解郭璞曰：“皆水流貌，音决。”索隐应劭云：“潦，流也。漓，涌出声也。”张揖云：“又有漓水，出南山。”姚氏云：“潦，或作‘漓’也。漓水出鄠县，北注渭。漓水出杜陵，今名沔水，自南山皇子陂西北流注昆明池入渭。”

案：此下文“八川分流”，则从泾、渭、灞、浚、丰、镐

潦、灑为八。晋灼曰：

“从丹水下则有九，从灑以下则七。”案：今灑既是水名，除丹紫二川，自泾渭以下适足八川，是经营乎其内也。又潘岳关中记曰“泾、渭、灑、浚、丰、镐、涝、灑，上林赋所谓‘八川分流’”。

注 集解郭璞曰：“八川名在上。”

注 集解郭璞曰：“椒丘，丘名，言有岩阙也，见楚辞。淤亦洲名，蜀人云，见方言。”索隐服虔云：“丘名，楚词曰‘驰椒丘且焉止息’也。”案：两山俱起，象双阙。如淳云“丘多椒也”。

注 集解郭璞曰：“桂林，林名也，见南海经也。”

注 集解汉书音义曰：“山海经所谓大荒之野。”

注 集解郭璞曰：“阿，大陵。”

注 集解郭璞曰：“穹隆，大石貌。堆，沙堆。埼，曲岸头，音祁。”索隐郭璞曰：“堆，沙堆；埼，曲岸头也。”

注 集解涵音许勇反。涌音勇。滂音浦横反。坻音浦拜反。索隐汹涌澎湃。

司马彪云：“汹涌，跳起貌。澎湃，相戾也。”涌，或作“容”。澎，或作“滂”。

注 索隐司马彪云：“湔沸，盛貌。湔汨，去疾也。”正义毕渤密三音。汨，于笔反。

注 集解郭璞曰：“逼侧笔栝四音。”索隐司马彪云：“逼测，相迫也。泌瀨，相楔也。”郭璞云：“逼侧笔栝四音。”

注 索隐苏林曰：“流轻疾也。”

注 索隐滂凟沆溉。溉，亦作“漑”。司马彪云：“滂凟，水流声也。沆溉，徐流。”郭璞云：“鼓怒郁鯁之蛸也。”正义澎，普彭反。凟，普秘反。沆，胡朗反。溉，胡代反。

注 索隐穹崇云橈。服虔云：“水旋还作泉也。”郭璞云：“水陇起回窳也。”

注 索隐司马彪云：“蜿灏，展转也。胶戾，邪屈也。”音婉善交戾四音也。

正义蜿音婉。蝉音善。

注 [二〇] 集解徐广曰：“乌狹反。”索隐隃波趋浞。司马彪云：“隃波，后陵前也。趋浞，输于深泉也。”浞音焉泐反。

注 [二一] 索隐司马彪云：“騶騶，水声也。”音利。

注 [二二] 正义批，白结反。礧，岩。司马彪云：“批，反击也。壅，曲隈也。”

注 [二三] 索隐滞沛，郭璞云“水洒散蛭”。滞音丑制反。

注 [二四] 正义坻音弼。坻，水中沙微起出水者也。尔雅云“小沚曰坻”。壑，墟也。

注 [二五] 索隐上音士湛反，下音士卓反。说文云“水小声也”。

注 [二六] 正义霫音隕。隧，直类反。

注 [二七] 集解徐广曰：“湛音沉。”

注 [二八] 正义砵，披萌反。磅，蒲黄反。訇，呼宏反。糝，苦盖反。皆水流鼓怒之声也。

注 [二九] 集解郭璞曰：“浹音充立反。湫音緝。”索隐灑淝浹淩。郭璞云，皆水微转细涌貌。灑淝音决骨。浹音充力反。湫音緝。广雅云“淝淝，决流也”。周成篮字云“浹淩，水沸之蛭也”。

注 [三〇] 集解徐广：“一云‘吸呷’。”

注 [三一] 索隐邁，晋灼曰“华给反”，郭璞云“许立反”。汨邁，急转蛭也。

注 [三二] 正义放散貌也。

注 [三三] 正义晃养二音。郭云“皆水无涯际也”。

注 [三四] 索隐翯音鹤。滈音镐。诗曰“白鸟翯翯”。郭璞云“水白光蜩”。翯音翯，滈音昊也。

注 [三五] 正义太湖在苏州西南。

注 [三六] 索隐文颖曰：“龙子曰螭。”张揖云：“雌龙也。”正义螭，丑知反。

文颖云“龙子为螭”，张揖曰“雌龙也”，二说皆非。广雅云：“有角曰鬮，无角曰螭。”案：鬮螭皆龙类而非龙。

注 [三七] 集解徐广曰：“蜺音渐。”骀案：郭璞曰“碯稳，蜺也。”音亘薈。蜺离未闻。正义碯，古邓反。稳，未邓反。李奇云：“周洛曰蜺，蜀曰碯稳。出巩山穴中，三月答河上，能度龙门之限，则为龙矣。”

注 [三八] 集解徐广曰：“鰪音娱凶反。皮有文，出乐浪。鰪音虔。魮音托，哆口鱼。”骀案：郭璞曰“魮似鲢而黑”。汉书音义曰“鰪似鲤而大”也。

注 [三九] 集解徐广曰：“禺禺，鱼牛也。魮，一作‘魮’音榻。魮音纳，一作‘魮’。”骀案：汉书音义曰“魮，比目鱼也。魮，鯢鱼”。

注 [四〇] 正义捷音干。鳍音祁。捷，举也。鳍者，鱼背上鬣也。

注 [四一] 集解郭璞曰：“靡，崖也。”索隐的皤江靡。应劭曰：“靡，边也。明月珠子生于江中，其光耀乃照于江边。”张揖曰：“靡，涯也。”郭璞曰：“的皤，照也。”

注 [四二] 集解郭璞曰：“笱石黄色也。”

注 [四三] 集解郭璞曰：“水玉，水精也。”

注 [四四] 集解郭璞曰：“鹈，鹈霜。喙楯，似鸭而大，

长颈赤目，紫绀色也。”

索隐鸕音保。郭璞云：“鸕似鴈，无后指。”毛诗鸟兽疏云：“鸕似鴈而虎文也。”

正义喙楸，烛玉二音。郭云：“似鸭而大，长颈赤目，紫绀色。辟水毒，生子在深谷涧中。若时有雨，鸣。雌者生子，善斗。江东呼为烛玉。”

注〔四五〕正义郭云：“楸矜似鳧而髯高，有毛冠，辟火灾。”

注〔四六〕集解徐广曰：“鬲音环。”索隐鬲目。郭璞云未详。小颜云：“荆郢闲有水鸟，大如鹭而短尾，其色红白，深目，目旁毛长而旋，此其旋目乎？”鬲音旋。

注〔四七〕集解徐广曰：“烦鹭，一作‘番鹭’。鷓音容。”骊案：汉书音义曰“烦鹭，鳧也。鷓寫似鹭，灰色而鸡足”。索隐烦鹭鷓渠。郭璞云：“烦鹭，鸭属。

鷓渠，一名章渠也。”

注〔四八〕集解徐广曰：“煩音斟。水鸟也。熇音斯。鷓音火交反。”骊案：汉书音义曰“煩熇，苍黑色”。郭璞曰“鷓，鱼鷓也，髯近尾。鸕，鸕幕也”。索隐葳曲。张揖云“葳曲似鱼虎而苍黑”。邹诞本作“鸕熇”也。

注〔四九〕索隐郭璞云：“皆鸟任风波自纵漂颯。”泛音冯。泛音芳剑反。广雅云：

“泛泛，泛泛，浮也。”

注〔五〇〕索隐张揖云：“掩，覆也。草丛生曰薄也。”正义掩，覆也。薄，依也。

言或依草渚而游戏也。

注〔五一〕正义唼，疏甲反。喋，丈甲反。鸟食之声也。

注〔五二〕集解郭璞曰：“菁，水草。吕氏春秋曰‘太湖

之菁’也。”索隐郭璞云：

“菁，水草；藻，藂也。吕氏春秋曰‘太湖之菁’。左传云‘苹蘩蕴藻’。蕴即聚。”

“于是乎崇山巃岏，崔巍嵯峨，深林钜木，崭岩蓼嵯，九嶷、截薛，南山峨峨，岩次 甌锜，摧萎崛崎，振溪通谷，蹇产沟渎，谿呀豁间，榆陵别岛，崑崙焮癩，丘虚崛漈，隐辚郁禅，登降施靡，陂池獬豸，沈溶淫鬻，散涣夷陆，亭皋千里，靡不被筑。掩以绿蕙，被以江离，糅以蘼芜，杂以流夷。[二〇] 尊结缕，[二一] 攒戾莎，[二二] 揭车衡兰，炤本射干，[二三] 茝姜 [二四] 蘘荷，[二五] 葳橙若荔，[二六] 鲜枝黄砾，[二七] 蒋茅青蘋，[二八] 布濩闾泽，延曼太原，丽靡广衍，应风披靡，吐芳扬烈，[二九] 郁郁斐斐，觴香发越，肸鬻布写，毳举苾勃。[三〇]

注 正义巃，力孔反。岏，子孔反。崔，在回反。巍，五回反。郭云：“皆峻貌。”

注 正义崭音咸，又仕衔反。蓼音楚林反。坼楚宜反。颜云：“崭岩，尖锐貌。”

蓼坼，不齐也。”

注 集解汉书音义曰：“九嶷山在左冯翊谷口县西。截薛山在池阳县北。”正义嶷，子公反。截，才切反。薛，五结反。

注 集解音弼。

注 集解郭璞曰：“次，崖际。甌音鱼晚反。锜音蚁。摧音作罪反。”索隐摧萎崛崎，郭璞云：“皆崇屈窳折蜎。摧音作罪反。萎音委。崛音掘。崎音倚。”

注 索隐张揖云：“振，拔也。水注川曰溪，注溪曰谷。”

郭璞曰：“振犹洒也。”

注 集解汉书音义曰：“蹇产，屈折也。”

注 集解郭璞曰：“皆涧谷之形容也。豁音呼含反。呀音呼加反。閤音呼下反。”

索隐榜呀豁閤。司马彪云：“榜呀，大蜩。豁閤，空虚也。”

注 正义高平曰陆，大陆曰阜，大阜曰陵，水中山曰岛。

注 正义崦，于鬼反。磈，鱼鬼反。棚，乌罪反。痍，胡罪反。皆高峻貌。

注 正义虚音墟。崛，口忽反，又口罪反。漈，力罪反。

皆堆垄不平貌。

注 正义榦音律。郭云：“皆其形势也。”

注 正义郭云：“施靡犹连延。”

注 集解郭璞曰：“猋音衣被。豸音虫豸也。”索隐郭璞曰：“陂池，旁颓儿。陂音皮。猋音‘衣被’之‘被’。”

注 索隐郭璞云：“游激淖衍儿。”正义溶音容。鬻音育。张云：“水流溪谷之闲。”

注 索隐司马彪曰：“平地。”

注 集解郭璞曰：“言为亭候于皋隰，皆筑地令平，贾山所谓‘隐以金椎’也。”

注 正义张云：“绿，王鯖也。蕙，熏草也。”颜云：“绿蕙，言蕙草色绿耳，非王鯖也。”尔雅云葇一名王鯖。

注 正义糅，女又反。

注 [二〇] 集解汉书音义曰：“流夷，新夷也。”

注 [二一] 集解徐广曰：“蓴，古‘布’字，一作‘布’。”

骀案：汉书音义曰“结缕似白茅，蔓联而生，布种之者”。

注 [二二] 集解徐广曰：“草，可染紫。”

注 [二三] 集解徐广曰：“揭音桀。”骀案：郭璞曰“揭

车，一名乞舆。焞本，焞茭；射干，十月生：皆香草”。索隐焞本，案桐君药录云“苗似穹穷也”。

注〔二四〕索隐张揖云：“子姜也。”案：四人月令云“生姜谓之茭姜，音紫”。

注〔二五〕正义蕞，人羊反。柯根旁生鬮，若芙蓉，可以为蕞，又治蛊毒也。

注〔二六〕集解郭璞曰：“葳，未详。橙，柚。若荈，香草也。”索隐张揖云：“葳，持阙。”郭璞云：“橙，柚也。”姚氏以为此前后皆草，非橙也。小颜云：“葳，寒浆也。持当为‘符’，符，鬼目也。”案：今读者亦呼为登，谓金登草也。张揖云：“荈，香草。”姚氏云：“荈草似昌蒲而无脊也，生溪涧中。荈音孙。”

注〔二七〕集解郭璞曰：“皆未详。”索隐鲜支黄砾。张揖云：“皆草也，未详。”

司马彪云：“鲜支，支子。或云鲜支亦香草也。”小颜云“黄砾，黄幢木”，恐非也。

注〔二八〕集解徐广曰：“茅音伫。”驺案：汉书音义曰“蒋，菰也。茅，三棱”。

索隐蒋，菰也。郭璞茅音伫。又云三棱茅。蘋音烦。

注〔二九〕集解郭璞曰：“香酷烈也。”

注〔三〇〕正义旣举，奄爰二音。皆芳香之盛也。诗云“苾苾芬芬”，气也。

“于是乎周览泛观，瞋盼轧沕，芒芒恍忽，视之无端，察之无崖。日出东沼，入于西陂。其南则隆冬生长，踊水跃波；兽则零旄嚙牦，沈牛麀麀，赤首圜题，穷奇象犀。

其北则盛夏含冻裂地，涉冰揭河；兽则麒麟角盼，駉駉橐食，蛩蛩驪驪，馱馱驴骡。

注 集解徐广曰：“瞋音丑人反。盼，一作‘缙’。”驂案：郭璞曰“皆不可分貌”。

注 索隐张揖云：“日朝出苑之东池，暮入于苑西陂中也。”

注 集解徐广曰：“零音容，兽类也。牦音狸，一音茅。”

驂案：郭璞曰“旄，旄牛。嚙似熊，庠犇锐头。牦牛，黑色，出西南徼外也”。索隐郭璞云：“零，零牛，领有肉堆，音容。”案：今之犁牛也。张揖云“旄，旄牛，状如牛而四节生毛。嚙，白豹也，似熊，庠犇锐头，骨无髓，食铜铁。音陌。牦音狸，又音茅，或以为猫牛。牦牛黑色，出西南徼外，毛可为拂是也”。

注 集解汉书音义曰：“沈牛，水牛也。”正义麋似鹿而大。案：麋似水牛。

注 集解郭璞曰：“题，额也，所未详。”

注 集解汉书音义曰：“穷奇状如牛而猬毛，其音如嗥狗，食人也。”索隐张揖云：“穷奇状如牛而猬毛，其音如嗥狗，食人。”郭璞云：“象，大兽，长鼻，牙长一丈。犀，头似猪，庠犇，一角在头也。”

注 集解郭璞曰：“言水漫冻不解，地坼裂也。揭，褰衣。”

注 索隐张揖曰：“雄曰麒，雌曰麟。其状麋身，牛尾，狼蹄，一角。”郭璞云：“麒似麟而无角。”毛诗疏云：“麟黄色，角端有肉。”京房传云：“有五采，腹下黄色也。”

注 集解郭璞曰：“角盼，音端，似猪，角在鼻上，堪作弓。李陵尝以此弓十张遗苏武也。”索隐张揖云：“音端。角盼似牛。”郭璞云：“似猪，角在鼻上。”

毛诗疏云可以为弓。李陵曾以此弓遗苏武。”

注 正义駟駘，桃徒二音。囊音托。驼，徒河反。蛩音其恭反。驪駘，颠奚二音。駟駘音决啼。

“于是乎离宫别馆，弥山跨谷，高廊四注，重坐曲阁，华榱璧珰，辇道纒属，步蛭周流，长途中宿。夷徽筑堂，累台增成，岩突洞房，俛杳眇而无见，仰攀椽而扞天，奔星更于闺闼，宛虹拖于楯轩。青虬蚺于东箱，象舆婉蝉于西清，灵囿燕于闲观，偃佺之伦暴于南荣，醴泉涌于清室，通川过乎中庭。盘石振崖，嵌岩倚倾，嵯峨磈紕，刻削峥嵘，玫瑰碧琳，珊瑚丛生，焠玉旁唐，[一六]瑱编文鳞，赤瑕驳荦，杂沓其闲，垂绥琬琰，和氏出焉。

[二〇]

注 正义弥，满也。跨犹骑也。言宫馆满山，又跨溪谷也。

注 集解郭璞曰：“重坐，重轩也。曲阁，阁道曲也。”

注 索隐韦昭曰：“裁玉为璧，以当榱头。”司马彪曰：“以璧为瓦当。”

注 集解郭璞曰：“途，楼阁闲陞道。中宿言长远也。”

注 集解郭璞曰：“徽，山名。平之以安堂其上。成亦重也。周礼曰‘为坛三成’。在岩穴底为室，潜通台上者。”索隐服虔云：“平此山以为堂。”如淳云：

“徽，山名也。”张揖云：“重累而成之，故曰增成。礼曰‘为坛三成’也。”

郭璞曰：“言在岩突底为室，潜通台上。”突音一吊反，释名以为突，幽也。楚辞云“冬有突嗒夏屋寒”，王逸以为复室也。

注 集解徐广曰：“楯音食尹反。”正义拖音徒我反。颜云：“宛虹，屈曲之虹。拖谓中加于上也。楯，轩之阑板也。言室宇之高，故星虹得经加之。”

注 正义蚺，一恧反。繆，力恧反。

注 集解汉书音义曰：“山出象舆，瑞应车也。”郭璞曰：

“西清，西箱清净地也。”正义婉蝉，宛善二音。颜云：“蚴蟪婉蝉，皆行动之貌也。”

注 集解郭璞曰：“灵圉，淳圉，仙人名也。”索隐张揖云：“觶仙号。”淮南子云“骑飞龙，从淳圉”，许慎曰“淳圉，仙人也”。

注 集解汉书音义曰：“偃佺，仙人名也。”索隐韦昭曰：“古仙人，姓偃。”

列仙传云：“槐里采药父也，食松，形体生毛数寸，方眼，能行追走马也。”

注 索隐应劭云“屋檐两头如翼也”。故郑玄云“荣，屋翼也”。七诱云“飞荣似鸟舒翼”是也。暴，偃卧日中也。

注 集解徐广曰：“振音振。”索隐盘石振熿。如淳曰：“振音振，盛多也。”

李奇曰：“振，整也，整顿池外之熿，音之忍反也。”

注 集解徐广曰：“笮，一作‘池’。磔音杂。紘音五合反。”索隐磔紘，埤苍云“高蜩也”。上土劫反，下鱼揖反。又字林音磔，才潜反。紘，五潜反。

注 正义郭云：“言自然若雕刻也。”

注 正义郭云：“珊瑚生水底石边，大者树高三尺余，枝格交错，无有叶。”

注 索隐郭璞云：“旁唐言盘薄。”

注 集解徐广曰：“璿音彬。编音班。”

注 索隐赤瑕驳荦。说文云：“瑕，玉之小赤色。”张揖曰：“赤玉也。”

司马彪曰：“驳荦，采点也。荦音洛角反。”

注 集解徐广曰：“杂，一云‘插’。垂，一云‘沓’。”

注 [二〇] 集解徐广曰：“垂绥，一作‘朝采’。”駉案：

郭璞曰“汲頔竹书曰‘桀伐岷山，得女二人，曰琬曰琰。桀爱二女，斲其名于苕华之玉’。苕是琬，华是琰也”。

“于是乎卢橘夏孰，黄甘橙楨，枇杷燃柿，棃柰厚朴，栲枣杨梅，櫻桃蒲陶，隐夫郁棣，椹盘荔枝，罗乎后宫，列乎北园。頔丘陵，下平原，扬翠叶，机紫茎，发红华，秀朱荣，煌煌扈扈，照曜钜野。沙棠栝楮，华泛秣栌，留落胥余，仁频并间，[一四]欂檀木兰，豫章女贞，长千仞，大连抱，夸条直畅，实叶蓂茂，攒立丛倚，连卷累危，崔错登馘，坑衡閤砢，垂条扶于，落英幡纒，纷容萧蔘，旖旎从风，浏驕崱吸，[二〇]盖象金石之声，[二一]管钥之音。[二二]柴池茈虺，[二三]旋环后宫，杂沓累辑，[二四]被山缘谷，循阪下隰，视之无端，究之无穷。

注 集解郭璞曰：“今蜀中有给客橙，似橘而非，若柚而芬香，冬夏华实相继，或如弹丸，或如拳，通岁食之，即卢橘也。”索隐应劭曰：“伊尹书‘果之美者，箕山之东，青鸟之所，有卢橘，夏孰’。”晋灼曰：“此虽赋上林，博引异方珍奇，不系于一也。”案：广州记云“卢橘皮厚，大小如甘，酢多，九月结实，正赤，明年二月更青黑，夏孰”。吴录云“建安有橘，冬月树上覆裹，明年夏色变青黑，其味甚甘美”。卢即黑是也。

注 集解徐广曰：“音凑，橘属。”

注 集解徐广曰：“燃音而善反，果也。”索隐张揖曰：“燃，燃支，香草也。”

韦昭曰：“燃音汝萧反。”郭璞云：“燃支，木也。燃音鞭。”徐广曰：“燃，枣也，而善反。”说文曰：“燃，酸小枣也。”淮南子云：“伐燃枣以为矜。”音勤也。

注 集解徐广曰：“棡音亭，山梨。”索隐张揖云：“棡柰，山梨也。”司马彪曰：“上党谓之棡柰。”齐都赋云“棡柰琬熟”也。厚朴，药名。

注 集解徐广曰：“椈音弋井反。椈枣似柿。”索隐上音弋井反。椈枣似柿也。

注 索隐张揖云：“其大小似谷子而有核，其味酢。出江南。”荆杨异物志：

“其实外肉着核，熟时正赤，味甘酸。”

注 索隐张揖曰：“一名含桃。”吕氏春秋“为渊鸟所含，故曰含桃”。尔雅云为荆桃也。

注 集解郭璞曰：“蒲陶似燕蕒，可作酒也。”

注 集解徐广曰：“郁，一作‘蕒’。椐音荅。”驢案：郭璞曰“郁，车下李也。棣，实似樱桃。椐盘似李。棣音逮。

盘音沓。隐夫未闻”。索隐荅沓离支。郭璞云：“荅沓似李，出蜀。”晋灼曰：“离支大如鸡子，皮麤，剥去皮，肌如鸡子中黄，其味甘多酢少。”广异志云：“树高五六丈，如桂树，绿叶，冬夏青茂，有华朱色。”离字或作“荔”，音力致反。

注 集解郭璞曰：“頔犹延也，音施。”索隐頔丘陵。郭璞曰：“頔，延也。”

注 集解郭璞曰：“机，摇也。”

注 集解汉书音义曰：“沙棠似棠，黄华赤实，其味如李。吕氏春秋曰‘果之美者沙棠之实’。栌，果名。楛似柃，叶冬不落也。”

注 集解徐广曰：“泛，一作‘枫’。”驢案：汉书音义曰“华，木，皮可以为索也”。索隐华枫秣栌。张揖曰：“华皮可以为索。”古今字林云：“栌，合桦之木。枫，木，厚叶

弱支，善摇。”郭璞云：“似白杨，叶圆而岐，有脂而香。

榘为舍人曰‘枫为树厚叶弱茎，大风则鸣，故曰枫’。”
尔雅云一名栝。栝即平仲木也。栌，今黄栌木也。一云玉精，食其子得仙也。

注 集解徐广曰：“频，一作‘宾’。”骀案：郭璞曰“落，櫜也。胥余似并闾。并闾，殯也，皮可作索。余未详”。索隐留落胥邪。晋灼云：“留落，未详。”郭璞曰：“落，櫜也，中作器索。胥邪似并闾。”司马彪云：“胥邪，树高十寻，叶在其末。”异物志：“实大如瓠，系在颠，若挂物。实外有皮，中有核，如胡桃。核里有肤，厚半寸，如猪膏。里有汁斗余，清如水，味美于蜜。”

孟康曰：“仁频，殯也。”张揖云：“并闾皮可为索。”姚氏云：“栝，一名殯，即仁频也。”林邑记云：“树叶似甘蕉。”频音宾。

注 集解汉书音义曰：“櫜檀，檀别名也。女贞，木，叶冬不落。”索隐櫜音谗，檀别名也。皇览云“孔子墓后有櫜檀树”也。荆州记云：“宜都有乔木，丛生，名为女贞，叶冬不落。”

注 集解古“委”字。

注 集解徐广曰：“登音拔。”骀案：郭璞曰“骛音委。閤音恶可反。砢音鲁可反”。索隐崔错登骛，郭璞云“蟠戾相摻”。楚词云林木。登音跋。骛音委。

坑衡閤砢，郭璞云“揭驱倾欹儿”。

注 集解郭璞曰：“扶于犹扶疏也。幡纒，偏幡也，音洒。”索隐张晏云：

“飞扬儿。”纒音所绮反。

注 索隐张揖云：“旖旎，阿穆也。”

注 [二〇] 集解徐广曰：“騶音栗。”索隐刘騶崑歙。郭璞云：“皆林木鼓动之声。

浏音留。騶如字，又音栗也。”

注 [二一] 正义金，钟。石，磬。

注 [二二] 正义广雅云：“象箎，长一尺，围一寸，有六孔，无底。钥谓之笛，有七孔。”说文云：“钥，三孔籥也。”

注 [二三] 集解徐广曰：“柴音差。虺音豸。”索隐张揖曰：“柴池，参差也。茈虺，不齐也。柴音差。虺音恻氏反。”

注 [二四] 集解徐广曰：“杂，一作‘插’。”

“于是玄嘯素雌，蝮攫飞鷗，蛭蝮蠃螋，蜥胡穀蛭，
栖息乎其闲；

长啸哀鸣，翩幡互经，夭矫枝格，偃蹇杪颠。于是乎
踰绝梁，腾殊榛，捷垂条，踔稀闲，牢落陆离，烂曼
远迁。

注 集解徐广曰：“蝮音于季反。”骀案：汉书音义曰“蝮似猕猴，仰鼻而长尾。攫似猕猴而大。飞鷗，飞鼠也。其状如兔而鼠首，以其涌飞也”。索隐张揖曰：“蝮似猕猴，仰鼻而长尾。攫似猕猴而大。飞蠃，飞鼠也。其状如兔而鼠首，以其涌飞。”郭璞曰：“蠃，飞鼠也。毛紫赤色。飞且生，一名飞生。蝮音遗。蠃音誅。玄嘯，嘯之雄者色也。素雌，嘯之雌者色也。”攫音镊。

蝮似猴，尾端为两歧，天雨便以尾窒鼻两孔。郭璞云：“攫色苍黑，能攫搏人，故云攫也。”

注 集解徐广曰：“蛭音质。”骀案：汉书音义曰“山海经曰‘不咸之山有飞蛭，四翼’。郭璞曰‘蠃螋似猕猴而黄。蝮未闻’”。索隐蛭蝮蠃螋。司马彪云：

“山海经云‘不咸之山有飞蛭，四翼’。”蛭，蝉也。蠖，猕猴也。郭璞云：

“蛭蝮未闻。”如淳曰：“蛭音质。”顾氏云：“蠖音涂卓反。山海经曰‘鯀涂山下有兽，似鹿，马足人首，四角，名为蠖’。蠖獠即此也。字作‘媯’。郭璞云蠖，非也。上已有蝮蠖，此不应重见。又神异经云‘西方深山有兽，毛色如猴，能缘高木，其名曰蛭’。字林蠖音狄，蛭音质，蛭蝮二兽名。”

注 集解徐广曰：“獠音在廉反，似嘯，黑身。穀音呼谷反。蛭音诡。”駉案：

汉书音义曰“穀，白狐子也”。索隐獠胡穀蛭。张揖曰：“獠胡似猕猴，头上有髦，腰以后黑。”郭璞曰：“穀似鼯而大，腰以后黄，一名黄腰，食猕猴。穀，白狐子也。蛭未闻。”姚氏案：山海经“即山有兽，状如龟，白身赤首，其名曰蛭”。又说文云“獠胡黑身，白腰若带，手有长白毛，似握板也”。

注 正义郭云：“互经，互相经过。”

注 正义夭音妖。夭音矫。杪音弭沼反。郭云：“皆嘯猴在树共戏恣恣也。夭夭，频申也。”

注 正义张云：“绝梁，断桥也。”郭云：“梁，厚石绝水也。”

注 正义榛，仕斤反。(尔)[广]雅云“木丛生为榛”也。殊，异也。

注 正义捷音才业反。张云：“捷持悬垂之条。”

注 集解郭璞曰：“蹕，县蹕也，托钓反。”索隐蹕，悬蹕也。

注 正义郭云：“奔走崩腾状也。”颜云：“言其聚散不常，杂乱移徙。”

“若此辈者，数千百处。嬉游往来，宫宿馆舍，庖厨不徙，

后宫不移，百官备具。

注 正义说文云：“庖，厨屋。”郑玄注周礼云：“庖之言苞也。苞裹肉曰苞苴也。”后宫，内人也。言宫馆各自有。

“于是乎背秋涉冬，天子校猎。乘镂象，六玉虬，拖蜺旌，靡云旗，前皮轩，后道游；孙叔奉辔，卫公骖乘，扈从横行，出乎四校之中。鼓严簿，纵獠者，江河为陆，泰山为橦，车骑辘起，隐天动地，先后陆离，离散别追，淫淫裔裔，缘陵流泽，云布雨施。”

注 集解徐广曰：“以玉为饰。”驷案：郭璞曰“镂象山所出舆，言有雕镂。”

虬，龙属也。韩子曰‘黄帝驾象车六交龙’是也。”

注 正义拖音徒可反。张云：“析毛羽，染以五采，缀以缕为旌，有似虹蜺气。”

注 正义张云：“画熊虎于旌似云气也。”

注 集解郭璞曰：“皮轩，革车也。或曰即曲礼‘前有士师，则载虎皮’者也。”

道，道车；游，游车：皆见周礼也。”

注 集解汉书音义曰：“孙叔者，太仆公孙贺也。卫公者，卫青也。太仆御，大将军骖乘也。”索隐孙叔，郑氏云太仆公孙贺。卫公，大将军卫青也。案：

大驾出，太仆御，大将军骖乘也。

注 集解郭璞曰：“言跋扈纵恣，不安鹵簿矣。”索隐晋灼曰：“扈，大也。”

张揖曰：“跋扈纵横，不案鹵簿也。”

文颖曰：“凡五校，今言四者，一校随天子乘舆也。”

注 集解汉书音义曰：“鼓严，严鼓也。簿，鹵簿也。”
 驺谓鼓严于林簿之中，然后纵獠也。索隐张揖曰：“鼓，严鼓也。簿，鹵簿也。谓击严鼓于鹵簿中也。”

注 集解郭璞曰：“櫓，望楼也。因山谷遮禽兽为陟，音去车反。”索隐郭璞曰：“因山谷遮禽兽为陟。櫓，望楼也。”

“生貔豹，搏豺狼，手熊羆，足野羊，蒙鹞苏，
 藁白虎，被豳文，跨野马。陵三嶷之危，下碛历之
 坻；逄难赴险，越壑厉水。推蜚廉，弄解豸，格瑕蛤，
 鋌猛氏，曹驪褭，射封豕。箭不苟害，解脰陷脑；弓不
 虚发，应声而倒。于是乎乘輿弥节裴回，鬣翔往来，睨部曲之
 进退，览将率之变态。然后浸潭促节，[一六]儵冀远去，流
 离轻禽，嚙履狡兽，羆白鹿，捷狡兔，轶赤电，遗光耀，
 追怪物，出宇宙，[二〇]弯繁弱，[二一]满白羽，[二二]射
 游臯，栝蜚虬，[二三]择肉后发，先中命处，弦矢分，艺殪仆。
 [二四]

注 集解郭璞曰：“貔，执夷，虎属也，音毗。”

注 正义搏，击也。杜林云：“豺似狼，白色。”说文云：“狼爪。”

注 正义张云：“熊，犬身人足，黑色。羆大于熊，黄白色。皆能攀沿上高树。

冬至入穴而蛰，始春而出也。”

注 集解郭璞曰：“野羊如羊，千斤。手足，谓拍即杀之。”

注 集解徐广曰：“苏，尾也。”索隐孟康曰：“鹞尾也。苏，析羽也。”张揖曰：“鹞似雉，既死不却。”案：蒙谓覆而取之。鹞以苏为奇，故特言之以成文耳。鹞音曷。决疑注云“鸟尾为苏”也。

注 集解徐广曰：“藁音嘯。” 弭案：郭璞曰“藁谓绊络之”。索隐张揖曰：“着白虎文藁。” 郭璞曰：“藁谓绊络也。”

注 集解郭璞曰：“着斑衣。” 索隐被斑文。文颖曰：“着斑文之衣。 輿服志云‘虎贲骑被虎文单衣’，单衣即此斑文也。”

注 索隐跨即马。案：音野。跨，乘之也。

注 集解汉书音义曰：“三嶷，三成之山。”

注 集解郭璞曰：“磧历，阪名也。” 正义坻音弼。磧历，浅水中沙石也。

坻，水中高处。言猎人下此也。

注 集解郭璞曰：“飞廉，龙雀也，鸟身鹿头者。” 索隐椎蜚廉。郭璞曰：

“飞廉，龙雀也，鸟身鹿头，象在平乐观。” 椎音直追反。

注 集解汉书音义曰：“解豸似鹿而一角。人君刑罚得中则生于朝廷，主触不直者。可得而弄也。” 索隐张揖曰：“解豸似鹿而一角。人君刑罚中则生于朝，主触不直者，言今可得而弄也。” 解音蟹。豸音丈你反，又音丈介反。

注 集解汉书音义曰：“瑕蛤、猛氏皆兽名。” 索隐格虾蛤，鋌猛氏。孟康曰：“虾蛤、猛氏皆兽名。” 晋灼曰：“虾蛤阙。” 郭璞曰：“今蜀中有兽，状如熊而小，毛浅有光泽，名猛氏。” 说文云“鋌，小矛也”，音蝉。

注 集解郭璞曰：“驪裹，神马，日行万里。两音窃袅。封豕，大猪。”

注 索隐张揖云：“脰，颈也。” 陷音苦念反，亦依字读也。

注 索隐浸潭犹渐艳也。汉书作“浸淫”。或作“乘輿案节”也。潭音寻。

注 集解郭璞曰：“𩇑音诩盛反。”

注 集解徐广曰：“𩇑音锐。一作‘惠’也。”正义𩇑音卫。抱朴子云：“白鹿寿千岁，满五百岁色纯白也。”晋征祥记云：“白鹿色若霜，不与他鹿为髡。”

注 集解徐广曰：“超陵赤电，电光不及，言去速也。”

注 [二〇] 正义怪物，谓游臬飞虞也。张揖云：“天地四方曰宇，往古来今曰宙。”

许慎云：“宙，舟舆所极也。”案：许说宙是也。

注 [二一] 正义上乌繁反。文颖云：“弯，牵也。繁弱，夏后氏良弓名。左传云‘分鲁公以夏后之璜，封父之繁弱’。”

注 [二二] 正义文颖云：“引弓尽箭镞为满。以白羽羽箭，故云白羽也。”

注 [二三] 集解郭璞曰：“臬，臬羊也。似人，长唇，反踵，被发，食人。蜚虞，鹿头龙身，神兽。栝，梢也。”

注 [二四] 集解徐广曰：“射准的曰艺。仆音赴。”

“然后扬节而上浮，陵惊风，历骇欻，乘虚无，与神俱，骍玄鹤，乱昆鸡。遁孔鸾，促駿幣，拂鹭鸟，捎凤皇，捷鸳雏，掩焦明。

注 正义欻音必遥反。尔雅云扶摇暴风，从下升上，故曰欻。

注 正义张揖云：“虚无寥廓，与天通灵，言其所乘气之高，故能出飞鸟之上而与神俱也。”

注 集解徐广曰：“骍音躄。”正义骍音吝。鹤二百六十岁则浅黑色也。

注 集解汉书音义曰：“遁，秦由反。鹭，乌鸡反。张云‘山海经云九疑之山有五采之鸟，名曰鹭鸟’也。”正义捎，

山交反。京房易传云：“凤皇，鴈前麟后，鸡喙燕颌，蛇颈龟背，鱼尾骈翼，高丈二尺。”东山经云：“其状如鹤，五采，而首文曰经，翼文曰顺，背文曰义，膺文曰仁，股文曰信。是鸟自歌自舞，雄曰凤，雌曰皇。”

注 集解焦明似凤。索隐张揖曰：“焦明似凤，西方鸟。”乐睹图征曰：“焦明状似凤皇。”宋衷曰水鸟。正义案：长喙，疏翼，员尾，非幽闲不集，非珍物不食。

“道尽涂殫，回车而还。招摇乎襄羊，降集乎北纮，率乎直指，闇乎反乡。”道尽涂殫，回车而还。招摇乎襄羊，降集乎北纮，率乎直指，闇乎反乡。韦石(阙)[关]，历封峦，过棹鹊，望露寒，下棠梨，息宜春，西驰宣曲，濯鹳牛首，登龙台，掩细柳，观士大夫之勤略，钧獠者之所得获。徒车之所辚轹，乘骑之所蹂若，人民之所蹈宾，与其穷极倦飧，惊惮慑伏，不被创刃而死者，佗佗籍籍，填坑满谷，揜平弥泽。

注 索隐消摇乎襄羊。郭璞曰“襄羊犹仿佯。”

注 集解郭璞曰：“纮，维也。北方之纮曰委羽。”

注 集解徐广曰：“棹音支。”骊案：汉书音义曰“皆甘泉宫左右观名也”。

注 集解汉书音义曰：“宫名也，在云阳县东南三十里。”

注 正义括地志云：“宜春宫在雍州万年县西南三十里。”

注 集解汉书音义曰：“宣曲，宫名，在昆明池西。牛首，池名，在上林苑西头。”

注 集解汉书音义曰：“观名，在丰水西北近渭。”

注 正义郭云：“观名，在昆明南柳市。”

注 集解徐广曰：“钧，一作‘诊’也。”

注 正义辘，践也。辄，辄也。

注 集解徐广曰：“蹂音人久反。”

注 集解徐广曰：“音剧。”

“于是乎游戏懈怠，置酒乎昊天之上，张乐乎轳轳之宇；撞千石之钟，立万石之钜；建翠华之旗，树灵鼉之鼓。奏陶唐氏之舞，听葛天氏之歌，千人唱，万人和，山陵为之震动，川谷为之荡波。巴俞宋蔡，淮南于遮，文成颠歌，族举递奏，金鼓迭起，铿鎗铛埒，洞心骇耳。荆吴郑卫之声，韶濩武象之乐，阴淫案衍之音，鄢郢缤纷，激楚结风，俳优侏儒，狄鞮之倡，所以娱耳目而乐心意者，丽靡烂漫于前，靡曼美色于后。

注 索隐张揖云：“台高上干旣天也。”

注 集解徐广曰：“轳音葛。”索隐郭璞云：“言旷远深貌也。”

注 集解郭璞曰：“木贯鼓中，加羽葆其上，所谓树鼓。”

注 集解汉书音义曰：“葛天氏，古帝王号也。吕氏春秋曰‘葛天氏之乐，三人操牛尾，投足以歌’。”索隐张揖曰：“葛天氏，三皇君号也。吕氏春秋云‘其乐三人持牛尾，投足以歌。八闾：

一曰载人，二曰玄鸟，三曰遂草木，四曰奋五谷，五曰敬天常，六曰建帝功，七曰依地德，八曰总禽兽之极’。”

注 集解徐广曰：“一作‘勋’。”

注 集解郭璞曰：“巴西闾中有俞水，獠人居其上，皆刚勇好舞，汉高募取以平三秦。后使乐府习之，因名巴俞舞也。”汉书音义曰：“于遮，歌曲名。”索隐郭璞曰：“巴西闾中有俞水，獠人居其上，好舞。初，高祖募取以平三秦，后使乐

人习之，因名巴俞舞也。”张揖曰：“礼乐记曰‘宋音宴女溺志’。蔡人讴，员三人。楚词云‘吴谣蔡讴’。淮南鼓，员四人，于遮曲是其意也。”

注 集解郭璞曰：“未闻也。”索隐郭璞云：“未闻。”文颖曰：“文成，辽西县名，其县人善歌。颠，益州颠县，其人能作西南夷歌。颠即滇也。”

注 集解徐广曰：“举，一作‘居’。”

注 集解郭璞曰：“铛埒，鼓音。”

注 集解郭璞曰：“激楚，歌曲也。列女传曰‘听激楚之遗风’也。”索隐文颖曰：“激，冲激，急风也。结风，回风，回亦急风也。楚地风气既自漂疾，然歌乐者犹复依激结之急风以为节，其乐促迅哀切也。”

注 集解徐广曰：“韦昭云狄鞮，地名，在河内，出善倡者。”

注 索隐郭璞云：“言恣其观也。列女传曰‘桀造烂漫之乐’。”

注 索隐张揖曰：“靡，细；曼，泽也。韩子‘曼服魀齿’。”

若夫青琴宓妃之徒，绝殊离俗，姣冶嫫都，靚庄刻饬，便嬛绰约，柔桡嬛嬛，妩媚眇眇；挫独茧之褕袿，眇阎易以戍削，编姺徽唠，与世殊服；芬香沓郁，酷烈淑郁；魀齿粲烂，宜笑的皪；长眉连娟，微睇娆藐；色授魂与，心愉于侧。

注 集解汉书音义曰：“皆古神女名。”索隐伏俨曰：“青琴，古神女也。”

如淳曰：“宓妃，伏羲女，溺死洛水，遂为洛水之神。”宓音伏。

注 索隐郭璞云：“俗无双。”

注 索隐姣冶闲都。郭璞云：“姣，好也。都，雅也。”
诗云：“姣人僚兮。”

方言云：“自关而东，河济之闲，凡好或谓之姣。”音绞。
说文曰：“嫺，雅也。”

或作“闲”。小雅曰都，盛也。

注 集解郭璞曰：“靓庄，粉白黛黑也。”

注 集解徐广曰：“音娟。”索隐郭璞曰：“柔桡嬛嬛，
皆骨体奕弱长艳蜩也。”

广雅云：“嬛嬛，容也。”张揖曰：“嬛嬛犹婉婉也。”

注 集解徐广曰：“哂音乃焯反。袅音弱。”索隐妩媚孌弱。
埤苍云：“妩媚，悦也。”通俗文云：“颊辅谓之妩媚。”
郭璞云：“孌弱，弱蜩。”埤苍曰：“孌弱，谓容体纤细柔弱也。”

注 集解徐广曰：“拙音曳。襜褕。”索隐褕劓。张揖云：
“褕，襜褕也。劓，袖也。”郭璞曰：“独茧，一茧丝也。”
埤苍云：“劓，衣长儿也。”

注 集解徐广曰：“阎易，衣长貌。戍削，言如刻画作之。”
索隐眇阎易以恤削。郭璞曰：“阎易，衣长蜩。恤削，言如
刻画作也。”

注 集解郭璞曰：“衣服娑娑貌。”正义媠，白眠反。姁
音先。徼音白结反。

唠音幛。

注 索隐郭璞曰：“鲜明蜩也。”楚词曰：“美人鲛齿
[媠]以媠。”又曰：

“娥眉笑以的皤。”皤音砾也。

注 索隐郭璞曰：“连娟，眉曲细也。挠藐，远视蜩也。”

娟音一全反。睇，大计反。藐音邈。

注 索隐张揖曰：“彼色来授我，我魂往与接也。”愉音踰，往也。愉，悦也。二义并通也。

“于是酒中乐酣，天子芒然而思，似若有亡。曰：‘嗟乎，此泰奢侈！朕以览听余’于是酒中乐酣，天子芒然而思，似若有亡。曰：‘嗟乎，此泰奢侈！朕以览听余闲，无事弃日，顺天道以杀伐，时休息于此，恐后世靡丽，遂往而不反，非所以为继嗣创业垂统也。’于是乃解酒罢猎，而命有司曰：‘地可以垦辟，悉为农郊，以贍萌隶；隳墙填堦，使山泽之民得至焉。实陂池而勿禁，虚宫观而勿仞。发仓廩以振贫穷，补不足，恤鰥寡，存孤独。出德号，省刑罚，改制度，易服色，更正朔，与天下为始。’

注 正义实，满也。言人满陂池，任采捕所取也。

注 正义仞音刃，亦满也。言离宫别馆勿令人居止，并废罢也。

“于是历吉日以齐戒，袭朝衣，乘法驾，建华旗，鸣玉鸾，游乎六艺之囿，鹜乎仁义之涂，览观春秋之林，射狸首，兼驹虞，弋玄鹤，建干戚，载云虾，揜髑雅，悲伐檀，乐乐胥，修容乎礼园，黻翔乎书圃，述易道，放怪兽，登明堂，坐清庙，恣醜臣，奏得失，四海之内，靡不受获。于斯之时，天下大说，向风而听，随流而化，喟然兴道而迁义，刑错而不用，德隆乎三皇，功羨于五帝。若此，故猎乃可喜也。

注 正义六艺，云言田猎讫，则遍游六艺，而疾驱于仁义之道也。

注 集解郭璞曰：“春秋所以观成败，明善恶者。”

注 集解礼射义曰：“天子以驹虞为节，诸侯以狸首为节。驹虞者，乐官备也。

狸首者，乐会时也。”

注 索隐张揖云：“虾，毕也。”文颖曰：“天毕，星名。前有九旒云虾之车。”案：说者以云虾为旌旗，非也。且案中朝卤簿图云“云虾驾驷”，不兼言九旒，虾车与九旒车别。

注 集解汉书音义曰：“大雅、小雅也。”索隐揜，捕也。张揖曰：“诗小雅之材七十四人，大雅之材三十一人，故曰髡雅也。言云虾载之于车，以捕髡雅之士。”

注 索隐张揖曰：“其诗刺贤者不遇明主也。”

注 索隐毛诗云“君子乐胥，受天之祜”。言王者乐得贤材之人，使之在位，故天与之福祿也。胥音先吕反。

注 正义礼所以自修饰整威仪也。

注 正义尚书所以明帝王君臣之道也。

注 正义易所以絜静微妙，上辨二仪阴阳，中知人事，下明地理也。言田猎乃射讫，又历涉六经之要也。

注 正义张揖云：“苑中奇怪之兽，不复猎也。”

注 正义明堂有五帝庙，故言“清庙”，王者朝诸侯之处。

注 正义言天下之人无不受恩惠。

注 索隐喟，汉书作“崯”，音许贵反。

注 索隐司马彪云：“羨，溢也。”音怡战反。

“若夫终日暴露驰骋，劳神苦形，罢车马之用，抗士卒之精，费府库之财，而无德厚之恩，务在独乐，不顾觴庶，忘国家之政，而贪雉兔之获，则仁者不由也。从此观之，齐楚之事，岂不哀哉！地方不过千里，而囿居九百，是草木不得垦辟，而民无所食也。夫以诸侯之细，而乐万乘之所侈，仆恐百姓之

被其尤也。”

注 索隐抗音五官反。

于是二子愀然 改容，超若自失，逡巡避席曰：“鄙人固陋，不知忌讳，乃今日见教，谨闻命矣。”

注 索隐郭璞云：“变色蜩。”音作西反。

赋奏，天子以为郎。无是公言天子上林广大，山谷水泉万物，乃子虚言楚云梦所有甚觴，侈靡过其实，且非义理所尚，故删取其要，归正道而论之。

注 索隐大颜云：“不取其夸奢靡丽之论，唯取终篇归于正道耳。”小颜云：

“删要，非谓削除其词，而说者谓此赋已经史家刊剟，失之也。”

相如为郎数岁，会唐蒙使略通 夜郎西僰中，发巴蜀吏卒千人，郡又多为发转漕万余人，用兴法 诛其渠帅，巴蜀民大惊恐。上闻之，乃使相如责唐蒙，因喻告巴蜀民以非上意。檄曰：

注 索隐张揖曰：“蒙，故鄱阳令，今为郎中，使行略取之。”

注 集解徐广曰：“羌之别种也。音扶逼反。”索隐夜郎僰中，文颖曰皆西[南]夷。后以为夜郎属牂柯，僰属犍为。音步北反。

注 索隐案：巴、蜀，二郡名。

注 集解汉书曰“用军兴法”也。

告巴蜀太守：蛮夷自擅不讨之日久矣，时侵犯边境，劳士大夫。陛下即位，存抚天下，辑安中国。然后兴师出兵，北征匈奴，单于怖骇，交臂受事，诘膝请和。康居西域，重译请朝，稽首来享。移师东指，闽越相诛。右吊番禺，太子入朝。南夷之君，西楚之长，常效贡职，不敢怠堕，延颈举踵，喁喁然皆争归义，欲为臣妾，道里辽远，山川阻深，不能自致。夫不顺者已诛，而为善者未赏，故遣中郎将往宾之，发巴蜀士民各五百人，以奉币帛，卫使者不然，靡有兵革之事，战斗之患。今闻其乃发军兴制，惊惧子弟，忧患长老，郡又擅为转粟运输，皆非陛下之意也。当行者或亡逃自贼杀，亦非人臣之节也。

注 索隐文颖曰：“番禺，南海郡理也。吊，至也。东伐闽越，后至番禺，故言右至也。”案：姚氏吊读如字。小颜云“两国相伐，汉发兵救之，令吊番禺，故遣太子入朝，吊非至也”。

注 正义喁，五恭反，口向上也。

注 索隐贾逵云：“宾，伏也。”

注 索隐张揖曰：“发三军之觶也。兴制，谓起军法制也。”案：唐蒙为使，而用军兴法制也。

夫边郡之士，闻烽举燧燔，皆摄弓而驰，荷兵而走，流汗相属，唯恐居后，触白刃，冒流矢，义不反顾，计不旋踵，人怀怒心，如报私讎。彼岂乐死恶生，非编列之民，而与巴蜀异主哉？计深虑远，急国家之难，而乐尽人臣之道也。故有剖符之封，析珪而爵，位为通侯，居列东第，终则遗显号于后世，传土地于子孙，行事甚忠敬，居位甚安佚，名声施于无穷，功烈着而不灭。是以贤人君子，肝脑涂中原，膏液润野草

而不辞也。今奉币役至南夷，即自贼杀，或亡逃抵诛，身死无名，谥为至愚，耻及父母，为天下笑。人之度量相越，岂不远哉！然此非独行者之罪也，父兄之教不先，子弟之率不谨也；寡廉鲜耻，而俗不长厚也。其被刑戮，不亦宜乎！

注 集解汉书音义曰：“烽如覆米糒，县着桔槔头，有寇则举之。燧，积薪，有寇则燔然之。”索隐莹燧。韦昭曰：“莹，束草置之长木之端，如挈皋，见敌则烧举之。燧者，积薪，有难则焚之。莹主昼，燧主夜。”字林云：“糒，漉米籩也，音一六反。”又纂要云：“糒，浙箕也。”此注是孟康说。

注 索隐上音奴颊反。

注 索隐如淳曰：“析，中分也。白藏天子，青在诸侯也。”

注 索隐列甲第在帝城东，故云东第也。

陛下患使者有司之若彼，悼不肖愚民之如此，故遣信使晓喻百姓以发卒之事，因子之以不忠死亡之罪，让三老孝弟以不教诲之过。方今田时，重烦百姓，已亲见近县，恐远所溪谷山泽之民不闻，檄到，亟下县道，使咸知陛下之意，唯毋忽也。

注 索隐重犹难也。

注 集解汉书百官表曰：“县有蛮夷曰道。”索隐亟音纪力反。亟，急也。

相如还报。唐蒙已略通夜郎，因通西南夷道，发巴、蜀、广汉卒，作者数万人。

治道二岁，道不成，士卒多物故，费以巨万计。蜀民及汉用事者多言其不便。是时邛笮之君长闻南夷与汉通，得赏赐多，多欲愿为内臣妾，请吏，比南夷。天子问相如，相

如曰：“邛、笮、焜、駟者近蜀，道亦易通，秦时尝通为郡县，至汉兴而罢。今诚复通，为置郡县，愈于南夷。”天子以为然，乃拜相如为中郎将，建节往使。副使王然于、壶充国、

吕越人驰四乘之传，因巴蜀吏币物以赂西夷。至蜀，蜀太守以下郊迎，县令负弩矢先驱，蜀人以为宠。于是卓王孙、临邛诸公皆因门下献牛酒以交驩。卓王孙喟然而叹，自以得使女尚司马长卿晚，而厚分与其女财，与男等同。司马长卿便略定西夷，邛、笮、焜、駟、斯榆之君皆请为内臣。

除边关，关益斥，西至沫、若水，南至牂柯为徼，通零关道，桥孙水以通邛都。还报天子，天子大说。

注 索隐案：巨万犹万万也。案：数有大小二法。张揖曰“算法万万为亿”，是大数也。鬻子曰“十万为亿”，是小数也。

注 索隐案：谓公孙弘也。

注 索隐邛笮之君长。文颖曰：“邛者，今为邛都县；笮者，今为定笮县：皆属越雋郡。”

注 索隐谓请置汉吏，与南夷为比例也。

注 索隐张揖曰：“愈，差也。”又云：“愈犹胜也。”晋灼曰：“南夷谓犍为、牂柯也。西夷谓越雋、益州。”

注 索隐张揖曰：“秩四百石，五岁迁补大县令。”

注 索隐案：汉书公卿表太初元年为鸿胪卿也。

注 索隐案：亭吏二人，弩矢合是亭长负之；令县令自负矢，则亭长当负弩也。且负弩亦守宰无定，或随轻重耳。案：霍去病出击匈奴，河东太守郊迎负弩。又魏公子救赵击秦，秦军解去，平原君负妙矢迎公子于界上。

注 索隐蜀以为宠。华阳国志云：“蜀大城北十里有升仙

桥，有送客观也。相如初入长安，题其门云‘不乘赤车驷马，不过汝下’也。”

注 索隐小颜云：“尚犹配也。”本或作“当”也。

注 索隐斯，郑氏音曳。张揖云“斯俞，国也”。案：今斯读如字，益郡耆旧传谓之“斯舆”。华阳国志邛都县有四部，斯舆一也。

注 索隐张揖曰：“斥，广也。”

注 索隐张揖曰：“沫水出蜀广平徼外，与青衣水合也。若水出旄牛徼外，至犍道入江。”华阳国志汉嘉县有沫水。音妹，又音末。

注 索隐张揖曰：“徼，塞也。以木栅水为蛮夷界。”

注 集解徐广曰：“越嵩有零关县。”

注 集解韦昭曰：“为孙水作桥。”

注 索隐桥孙水通笮。韦昭曰：“为孙水作桥也。”案：华阳国志云“相如卒开犍道通南夷，置越嵩郡。韩说开益州，唐蒙开牂柯，斩笮王首，置牂柯郡”也。

相如使时，蜀长老多言通西南夷不为用，唯大臣亦以为然。相如欲谏，业已建之，不敢，乃著书，籍以蜀父老为辞，而已诘难之，以风天子，且因宣其使指，令百姓知天子之意。其辞曰：

注 索隐案：业者，本也。谓本由相如立此事也。

汉兴七十有八载，德茂存乎六世，威武纷纭，湛恩汪濊，鬻生澍濡，洋溢乎方外。于是乃命使西征，随流而攘，风之所被，罔不披靡。因朝焜从駟，定笮存邛，略斯榆，举苞满，结轶还辕，东乡将报，至于蜀都。

注 集解徐广曰：“元光六年也。”

注 正义高祖、惠帝、高后、孝文、孝景、孝武。

注 索隐韦昭云：“上音沉。”

注 索隐攘，却也，汝羊反。

注 索隐服虔云：“夷种也。”“满”字或作“蒲”也。

注 索隐下音辙。汉书作“轨”。张揖云“结，屈也”。

耆老大夫荐绅先生之徒二十有七人，俨然造焉。辞毕，因进曰：“盖闻天子之于夷狄也，其义羁縻 勿绝而已。今罢三郡之士，通夜郎之涂，三年于兹，而功不竟，士卒劳倦，万民不赡，今又接以西夷，百姓力屈，恐不能卒业，此亦使者之累也，窃为左右患之。且夫邛、笮、西僰之与中国并也，历年兹多，不可记已。仁者不以德来，强者不以力并，意者其殆不可乎！今割齐民以附夷狄，弊所恃以事无用，鄙人固陋，不识所谓。”

注 索隐案：羁，马络头也。縻，牛缰也。汉官仪“马云羁，牛云縻”。言制四夷如牛马之受羁縻也。

使者曰：“乌谓此邪？必若所云，则是蜀不变服而巴不化俗也。余尚恶闻若说。

然斯事体大，固非观者之所覩也。余之行急，其详不可得闻已，请为大夫粗陈其略。

注 索隐张揖曰：“恶闻若曹之言也。”包恺音一故反。又音乌。乌者，安也。

“盖世必有非常之人，然后有非常之事；有非常之事，然后有非常之功。非常者，固常[人]之所异也。故曰非常之原，黎民惧焉；及臻厥成，天下晏如也。

注 索隐案：常人见之以为异。

注 索隐张揖曰：“非常之事，其本难知，觴人惧也。”

“昔者鸿水淳出，泛滥衍溢，民人登降移徙，崎砢而不安。夏后氏戚之，乃堙鸿水，决江疏河，漉沉澹菑，东归之于海，而天下永宁。当斯之勤，岂唯民哉。心烦于虑而身亲其劳，躬胝无胼，肤不生毛。故休烈显乎无穷，声称浹乎于兹。

注 集解徐广曰：“漉，一作‘洒’。”索隐漉沉澹菑。漉音鹿。菑音灾。汉书作“澌沉澹菑”，解者云“澌作‘洒’，洒，分也，音所绮反。澌，安；沉，深也。澌音徒暂反”。

注 索隐案：谓非独人勤，禹亦亲其劳也。

注 集解徐广曰：“胝音竹移反。胼，踵也。一作‘腠’，音湊。肤，理也。

胼音魅。”索隐躬奏胝无胼。张揖曰：“奏，作‘戚’。躬，体也。戚，腠理也。”

韦昭曰：“胼，其中小毛也。”胝音丁私反。庄子云“禹腠无胼，胫不生毛”。李颐云“胼，白肉也，音蒲未反”。

“且夫贤君之践位也。岂特委琐握馘，拘文牵俗，循诵习传，当世取说云尔哉！必将崇论闳议，创业垂统，为万世规。故驰骛乎兼容并包，而勤思乎参天贰地。且诗不云乎：‘普天之下，莫非王土；率土之滨，莫非王臣。’是以六合之内，八方之外，浸浚衍溢，怀生之物有不浸润于泽者，贤君耻之。今封疆之内，冠带之伦，咸获嘉祉，靡有阙遗矣。而夷狄殊俗之国，辽绝异党之地，舟舆不通，人迹罕至，政教未加，流风犹微。内之则犯义侵礼于边境，外之则邪行横作，放弑其上。君臣易位，尊卑失序，父兄不辜，幼孤为奴，系累号泣，内向而怨，曰‘盖闻中国有至仁焉，德洋而恩普，物靡不得其所，

今独曷为遗己？举踵思慕，若枯旱之望雨。鼈夫为之垂涕，况乎上圣，又恶能已？故北出师以讨强胡，南驰使以诘劲越。四面风德，二方之君鳞集仰流，愿得受号者以亿计。故乃关沫、若，徼牂柯，镂零山，梁孙原。创道德之涂，垂仁义之统。将博恩广施，远抚长驾，使疏逖不闭，阻深闇昧，得耀乎光明，以偃甲兵于此，而息诛伐于彼。遐迩一体，中外提福，不亦康乎？夫拯民于沉溺，奉至尊之休德，反衰世之陵迟，继周氏之绝业，斯乃天子之急务也。百姓虽劳，又恶可以已哉？

注 索隐孔文祥云：“委瓌，细碎。握馘，局促也。”

注 索隐案：天子比德于地，是贰地也。与己并天为三，是参天也。故礼曰“天子与天地参”是也。

注 集解毛诗传曰：“滨，涯也。”

注 索隐浸淫。案：浸淫犹渐浸。

注 集解徐广曰：“鼈音戾。”索隐张揖曰：“很戾之夫也。”字或作“戾”。

鼈，古“戾”字。

注 索隐谓西夷邛、僰，南夷牂柯、夜郎也。

注 集解汉书音义曰：“以沫、若水为关。”

注 索隐逖，远。言其疏远者不被闭绝也。

注 索隐芻爽闇昧。三苍云：“芻爽，早朝也。芻音昧。”案：字林又音忽。

注 集解徐广曰：“提，一作‘提’，音支。”索隐提福。说文云：“提，安也。”市支反。

“且夫王事固未有不始于忧勤，而终于佚乐者也。然则受命之符，合在于此矣。

方将增泰山之封，加梁父之事，鸣和鸾，扬乐颂，上咸

五，下登三。 观者未睹指，听者未闻音，犹鷩明已翔乎寥廓，而罗者犹视乎薮泽。悲夫！

注 索隐张揖云：“在于忧勤佚乐之中也。”

注 集解徐广曰：“咸，一作‘函’。” 骀案：韦昭曰“咸同于五帝，登三王之上”。索隐上减五，下登三。李奇曰：“五帝之德，汉比为减；三王之德，汉出其上：故云‘减五登三’也。” 虞志林云：“相如欲减五帝之一，以汉盈之。

然以汉为五帝之数，自然是登于三王之上也。” 今本“减”或作“咸”，是韦昭之说也。

于是诸大夫芒然丧其所怀来而失厥所以进，喟然并称曰：“允哉汉德，此鄙人之所愿闻也。百姓虽怠，请以身先之。” 敞罔靡徙， 因迁延而辞避。

注 索隐案：敞罔，失容也。靡徙，失正也。

其后人有上书言相如使时受金，失官。居岁余，复召为郎。相如口吃而善著书。常有消渴疾。与卓氏婚，饶于财。其进仕宦，未尝肯与公卿国家之事，称病闲居，不慕官爵。常从上至长杨猎， 是时天子方好自击熊彘，驰逐野兽，相如上疏谏之。其辞曰：

注 正义括地志云：“秦长杨宫在雍州盩厔县东南三里。上起以宫，内有长杨树，以为名。”

臣闻物有同类而殊能者，故力称乌获， 捷言庆忌， 勇期贲、育。 臣之愚，窃以为人诚有之，兽亦宜然。今陛下好陵阻险，射猛兽，卒然 遇軼材之兽，骇不存之地， 犯属车之清尘， 舆不及还辕，人不暇施巧，虽有乌获、逢蒙之伎，力不得用， 枯木朽株尽为害矣。是胡越起于毂下，而羌夷接

轸也，岂不殆哉！虽万全无患，然本非天子之所宜近也。

注 索隐张揖曰：“秦武王力士，举龙文鼎者也。”

注 索隐张揖曰：“吴王僚之子”注 正义贲音奔。孟贲，古之勇士，水行不避蛟龙，陆行不避豺狼，发怒吐气，声音动天。夏育，亦古之猛士也。

注 索隐猝然。广雅云：“猝，暴也，音仓兀反。”

注 索隐谓所不虑而猛兽骇发也。

注 集解蔡邕曰：“古者诸侯贰车九乘，秦灭九国，兼其车服，故大驾属车八十一乘。”

注 集解吴越春秋曰：“羿传射于逢蒙。”索隐孟子云“逢蒙学射于羿，尽羿之道”也。

且夫清道而后行，中路而后驰，犹时有衔橛之变，而况涉乎蓬蒿，驰乎丘坟，前有利兽之乐而内无存变之意，其为祸也不亦难矣！夫轻万乘之重不以为安，而乐出于万有一危之涂以为娱，臣窃为陛下不取也。

注 集解徐广曰：“橛音巨月反。钩逆者谓之橛矣。”索隐衔烟之变。张揖曰：

“衔，马勒衔也。烟，駢马口长衔也。”周迂輿服志云：“钩逆上者为烟。烟在衔中，以铁为之，大如鸡子。”盐铁论云：“无衔烟而御捍马。”烟音巨月反。

盖明者远见于未萌而智者避危于无形，祸固多藏于隐微而发于人之所忽者也。

故鄙谚曰“家累千金，坐不垂堂”。此言虽小，可以喻大。臣愿陛下之留意幸察。

注 索隐张揖云：“畏檐瓦堕中人。”乐产云：“垂，边也。恐堕坠(之)也。”

上善之。还过宜春宫，相如奏赋以哀二世行失也。其辞曰：

注 正义括地志：“秦宜春宫在雍州万年县西南三十里。宜春苑在宫之东，杜之南。始皇本纪云葬二世杜南宜春苑中。”案：今宜春宫见二世陵，故作赋以哀也。

登陂陲之长阪兮，坳入曾宫之嵯峨。临曲江之隈州兮，望南山之参差。岩岩深山之窅窅兮，通谷来兮豁豁。汨减控习以永逝兮，注平皋之广衍。观觚树之塙夔兮，览竹林之榛榛。东驰土山兮，北揭石瀨。

弥节容与兮，历吊二世。持身不谨兮，亡国失執。信谗不寤兮，宗庙灭绝。呜呼哀哉！操行之不得兮，坟墓芜秽而不修兮，魂无归而不食。夔邈绝而不齐兮，弥久远而愈树。精罔闾而飞扬兮，拾九天而永逝。呜呼哀哉！

注 索隐登陂次。陂音普何反。次音徒何反。

注 集解汉书音义曰：“坳，并也。”索隐上音步反。

注 集解汉书音义曰：“隈，长也。苑中有曲江之象，泉中有长洲也。”索隐案：隈音祈。隈即碕，谓曲岸头也。张揖曰：“隈，长也。苑中有曲江之象，中有长州，又有宫阁路，谓之曲江，在杜陵西北五里。”又三辅旧事云“乐游原在北”是也。

注 集解徐广曰：“窅音力工反。”索隐窅音苦江反。晋灼曰：“音笼，古‘窳’字。”萧该云：“窅，或作‘窳’，长大罔也。”

注 索隐呼含呼加二反。

注 索隐上音于笔反。减音域，疾蛸也。控音许及反。汉书作“鞞”，鞞，轻举意也。

注 索隐夔音夔，谓隐也。

注 索隐说文云：“濼，水流沙上也。”

注 索隐容与，游戏貌也。

注 正义太玄经云：“九天谓一为中天，二为羡天，三为从天，四为更天，五为晬天，六为廓天，七为减天，八为沉天，九为成天。”

相如拜为孝文园令。天子既美子虚之事，相如见上好僊道，因曰：“上林之事未足美也，尚有靡者。臣尝为大人赋，未就，请具而奏之。”相如以为列僊之传居山泽闲，形容甚臞，此非帝王之僊意也，乃遂就大人赋。其辞曰：

注 索隐百官志云“陵园令，六百石，掌案行扫除”也。

注 索隐列仙之传居山泽。案：传者，谓相传以列仙居山泽闲，音持全反。

小颜及刘氏并作“儒”。儒，柔也，术士之称，非。

注 集解徐广曰：“臞，瘦也。”索隐韦昭曰：“臞，瘠也。”舍人云：“臞，瘦也。”文子云：“尧馐瘦。”音巨俱反。

世有大人兮，在于中州。宅弥万里兮，曾不足以少留。悲世俗之迫隘兮，揭轻举而远游。垂绛幡之素蜺兮，载云气而上浮。建格泽之长竿兮，总光耀之采旄。垂旬始以为鬘兮，捩彗星而为髯。掉指桥以偃蹇兮，又旖旎以招摇。揽欂栌以为旌兮，靡屈虹而为綯。红杏渺以眩愍兮，森风涌而云浮。驾应龙象舆之螭略透丽兮，骖赤螭青虬之玃螭蜿蜒。低

印天蟠据以骄鹜兮， 拙折隆穷蠹以连卷 沛艾起蜈蚣以怡儼兮， 放散畔岸骧以孱颜。 踉蹌輶辖容以委丽兮， 绸繆偃蹇怵垫以梁倚。 纠蓼叫鼻蹋以巖路兮，[一四] 蔑蒙踊跃腾而狂趯。 騶飒卉翕燹至电过兮， 焕然雾除， 霍然云消。

注 索隐张揖云：“喻天子。”向秀云：“圣人在位，谓之大人。”张华云：“相如作远游之体，以大人赋之也。”

注 索隐如淳曰：“武帝云‘诚得如黄帝，去妻子如脱屣’，是悲世俗迫隘也。”

注 集解汉书音义曰：“格泽之气如炎火状，黄白色，起地上至天，以此气为竿。旄，葆也，总，系也。系光耀之气于长竿，以为葆者。”

注 集解汉书音义曰：“旬始气如雄鸡，县于葆下以为旒也。髻，燕尾也。捩彗星，缀着旒以为燕尾。”

注 集解汉书音义曰：“指桥，随风指靡。”索隐棹音徒吊反。指音居桀反。

桥音矫。张揖曰：“指矫，随风指靡。偃蹇，高蜩。”应劭云：“旌旗屈挠之蜩。”

注 正义天官书云：“天橈长四丈，末锐。天枪长数丈，两头锐，其形类彗也。”

注 集解汉书音义曰：“绸，韬也。以断虹为旌杠之韬。”索隐绸音筹，或音韬。屈虹，断虹也。

注 集解汉书音义曰：“旬始，屈虹，气色。红杳眇，眩愍，闇冥无光也。”

索隐红杳眇以泫愍。苏林曰：“泫音炫。愍音憫。”晋灼曰：“红，赤色蜩。杳眇，深远；泫愍，混合也。”红，或作“虹”也。

注 索隐张揖曰：“据，直项也。骄骛，纵恣也。”据音据。骄音居召反。骛音五到反。

注 索隐躩以连卷。韦昭曰：“龙之形蝮也。”躩音起碧反。连卷音辇卷也。

注 集解汉书音义曰：“起螾，申颈低印也。佗儗，不前也。”索隐孟康曰：

“起螾，申颈低头。”张揖曰；“起螾，牙跳也。”起音居幼反。螾音许救反。

张揖曰；“仡，举头也。佗儗，不前也。”佗音鱼吏反。儗音鱼吏反也。

注 索隐服虔曰：“马仰头，其口开，正孱颜也。”韦昭曰：“颜音吾板反。”

诗云“两服上骧”，注云“骧，马”是也。

注 集解徐广曰：“踳踳，乍前乍却也。踳音丑栗反。踳音斗略反。鞞，乌葛反。鞞音曷。鞞，一作‘雕’。垫音他略反。”驷案：汉书音义曰“怵垫，走也。梁倚，相着也”。索隐踳踳鞞。张揖曰：“踳踳，疾行蝮。鞞，前却也。”

踳音褚栗反。踳音褚略反。鞞音乌葛反。鞞音曷。蝮螾偃蹇。蝮音徒吊反。螾音流吊反。张揖曰：“偃蹇，却距也。”广雅曰：“偃蹇，夭矫之蝮。”张揖曰：

“怵垫，奔走。梁倚，相着。”韦昭曰：“垫音答略反。相如传云‘倏垫远去’，垫，视也。”

注 集解徐广曰：“𧈧音介，至也。”索隐蓼音了。鼻音五到反。小颜云：

“叫鼻，高举蝮。”踏音徒答反。𧈧音屈。三仓云：“踏，着地。”孙炎云：“𧈧，古‘界’字也。”

注 集解汉书音义曰：“蔑蒙，飞扬也。𧈧，走。”索隐

蔑蒙。张揖曰：“蔑蒙，飞扬也。雉，走蝮。”

邪绝少阳而登太阴兮，与真人乎相求。互折窈窕以右转兮，横厉飞泉以正东。悉征灵圉而选之兮，部乘觴神于瑶光。使五帝先导兮，反太一而从陵阳。左玄冥而右含赖兮，前陆离而后漓。厮征伯侨而役羡门兮，属岐伯使尚方。祝融惊而蹕御兮，清雰气而后行。屯余车其万乘兮，綵云盖而树华旗。使句芒其将行兮，吾欲往乎南嬉。

注 集解汉书音义曰：“少阳，东极；太阴，北极。邪度，东极而升北极者也。”

注 正义厉，渡也。张云：“飞泉，谷也，在昆仑山西南。”

注 集解汉书音义曰：“摇光，北斗杓头第一星。”

注 正义遵，导。应云“五帝，五时，帝太一之属也”。

注 集解汉书音义曰：“仙人陵阳子明也。”正义天官书云：“中官天极星，其一明者，太一常居也。”列仙传云：“子明于沛铨县旋溪钓得白龙，放之，后白龙来迎子明去，止陵阳山上百余年，遂得仙也。”

注 集解汉书音义曰：“含赖，黔羸也，天上造化神名也。或曰水神。”

注 集解汉书音义曰：“皆神名。”

注 集解徐广曰：“燕人也，形解而仙也。”索隐应劭曰：“暘，役也。”张揖曰：“王子乔也。”汉书郊祀志作“正伯侨”，此当别人，恐非王子乔也。

注 正义张云：“羡门，碣石山上仙人羡门高也。”

注 集解徐广曰：“岐伯，黄帝臣。”驷案：汉书音义曰“尚，主也。岐伯，黄帝太医，属使主方药”。

注 正义张云：“祝融，南方炎帝之佐也。兽身人面，乘

两龙，应火正也。

火正祝融警蹕清氛气也。”

注 索隐蹕音祖内反。如淳曰：“蹕，合也。合五彩云为盖也。”

注 正义张云：“句芒，东方青帝之佐也。鸟身人面，乘两龙。”颜云：“将行，领从者也。”

历唐尧于崇山兮，过虞舜于九疑。纷湛湛其差错兮，杂沓胶葛以方驰。骚扰冲苾其相纷拏兮，滂溲泱轧洒以林离。钻罗列聚丛以茏茸兮，衍曼流烂坛以陆离。径入赖室之砢磷郁律兮，洞出鬼谷之塔壘嵬唼。簪览八紘而观四荒兮，竭渡九江而越五河。经营炎火而浮弱水兮，杭绝浮渚而涉流沙。奄息总极泛滥水嬉兮，使灵媧鼓瑟而舞冯夷。[一一]时若夔夔将混浊兮，召屏翳诛风伯而刑雨师。西望昆仑之轧沕恍忽兮，直径驰乎三危。排闾阖而入帝宫兮，载玉女而与之归。舒闾风而摇集兮，亢乌腾而一止。[二〇]低回阴山翔以纡曲兮，[二一]吾乃今日睹西王母远然白首。[二二]载胜而穴处兮，[二三]亦幸有三足乌为之使。[二四]必长生若此而不死兮，虽济万世不足以喜。

注 正义张云：“崇山，狄山也。海外经云‘狄山，帝尧葬其阳’。九疑山，零陵营道县，舜所葬处。”

注 索隐音徒感反。

注 索隐胶鞞。广雅云：“胶鞞，驱驰也。”

注 索隐上昌勇反，下息反。

注 集解徐广曰：“坛音坦。”

注 集解汉书音义曰：“鬼谷在北辰下，觭鬼之所聚也。楚辞曰‘赘鬼谷于北辰’也。”正义唼，口骨反。壘音力罪反。

嵬音乌回反。唛音回。张云：“塔壘嵬唛，不平也。”

注 正义颜云：“五色之河也。仙经云紫、碧、绛、青、黄之河也。”

注 正义姚丞云：“大荒西经云昆仑之丘，其外有炎火之山，投物辄然。”括地志云：“弱水有二原，俱出女国北阿佛达山，南流会于国北，又南历国北，东去一里，深丈余，阔六十步，非乘舟不可济，流入海。阿佛达山一名昆仑山，其山为天柱，在雍州西南一万五千三百七十里。”又云：“弱水在甘州张掖县南山下也。”

注 集解汉书音义曰：“杭，船也。绝，渡也。浮渚，流沙中渚也。”

注 集解汉书音义曰：“总极，葱岭山也，在西域中也。”

注 集解徐广曰：“媧，一作‘胎’。”驺案：汉书音义曰“灵媧，女媧也。”

冯夷，河伯字也。淮南子曰‘冯夷得道，以潜大川’”。正义姓冯名夷，以庚日溺死。河常以庚日好溺死人。

注 正义应云：“屏翳，天神使也。”韦云：“雷师也。”

注 正义张云：“风伯字飞廉。”

注 正义沙州有雨师祠。

注 正义张云：“海内经云昆仑去中国五万里，天帝之下都也。其山广袤百里，高八万仞，增城九重，面九井，以玉为槛，旁有五门，开明兽守之。”括地志云：“昆仑在肃州酒泉县南八十里。十六国春秋后魏昭成帝建国十年，凉张骏酒泉太守马岌上言：‘酒泉南山即昆仑之体，周穆王见西王母，乐而忘归，即谓此山。有石室，王母堂，珠玑镂饰，焕若神宫。’又删丹西河名云弱水，禹贡昆仑在临羌之西，即此明矣。”括地志云：“又阿佛达山亦名建末达山，亦名昆仑山。恒河出其

南吐师子口，经天竺入达山。妣水今名为浒海，出于昆仑西北隅吐马口，经安息、大夏国入西海。黄河出东北隅吐牛口，东北流经滥泽，潜出大积石山，至华山北，东入海。其三河去山入海各三万里。此谓大昆仑，肃州谓小昆仑也。禹本纪云‘河出昆仑二千五百余里，日月所相隐避为光明也’。”

注 集解三危，山名也。正义括地志云：“三危山在沙州东南三十里。”

注 正义韦昭云：“闾阖，天门也。淮南子曰‘西方曰西极之山，闾阖之门’。”

注 正义张云：“玉女，青要、乘弋等也。”

注 正义张云：“闾风在昆仑闾阖之中。楚辞云‘登闾风而谱马’也。”

注 [二〇] 集解汉书音义曰：“亢然高飞，如乌之腾也。”

注 [二一] 正义张云：“阴山在大昆仑西二千七百里。”

注 [二二] 集解徐广曰：“远音下沃反。”索隐远音鹤也。正义张云：“西王母，其状如人，豹尾，虎齿，蓬鬓，远然白首。石城金穴，居其中。”

注 [二三] 集解郭璞曰：“胜，玉胜也。”正义颜云：“胜(代)，妇人首饰也，汉代谓之华胜也。”

注 [二四] 正义张云：“三足鸟，青鸟也。主为西王母取食，在昆墟之北。”

回车揭来兮，绝道不周，会食幽都。呼吸沆瀣 [兮] 餐朝霞(兮)，縱咀芝英兮叽琼华。媿侵浚而上厉。贯列缺之倒景兮，涉丰隆之滂沛。驰游道而修降兮，骛遗雾而远逝。迫区中之隘陝兮，舒节出乎北垠。遗屯骑于玄阙兮，轶先驱于寒门。下崢嶸而无地兮，上寥廓而无天。视眩眠而无见兮，听悄悄而无闻。乘虚无而上假兮，超无

友而独存。

注 集解汉书音义曰：“不周山在昆仑东南。”

注 集解徐广曰：“叽音祈，小食也。”驷案：韦昭曰“琼华，玉英”。

注 集解徐广曰：“媠音孌。”索隐汉书“媠”作“儻”。儻，仰也，音襟。

媠音鱼锦反。

注 集解汉书音义曰：“列缺，天闪也。倒景，日在下。”

注 正义张云：“丰崇，云师也，淮南子云‘季春三月，丰崇乃出以将雨’。”

案：丰崇将云雨，故云“滂沛”。

注 正义游，游车也。道，道车也。修，长也。降，下也。

注 集解汉书音义曰：“玄阙，北极之山。寒门，天北门。”

注 集解徐广曰：“假音古下反，至也。”

相如既奏大人之颂，天子大说，飘飘有凌云之气，似游天地之闲意。

相如既病免，家居茂陵。天子曰：“司马相如病甚，可往从悉取其书；若不然，后失之矣。”使所忠往，而相如已死，家无书。问其妻，对曰：“长卿固未尝有书也。时时著书，人又取去，即空居。长卿未死时，为一卷书，曰有使者来求书，奏之。无他书。”其遗札书言封禅事，奏所忠。忠奏其书，天子异之。

其书曰：

注 索隐张揖曰：“使者姓名，见食货志。”正义姓所，

名忠也。风俗通姓氏云：“汉书有谏大夫所忠氏。”

伊上古之初肇，自昊穹兮生民，历撰列辟，以迄于秦。率迩者踵武，遯听者风声。纷纶葳蕤，堙灭而不称者，不可胜数也。续昭夏，崇号谥，略可道者七十有二君。罔若淑而不昌，畴逆失而能存？

注 集解徐广曰：“撰，一作‘选’。”索隐历选。文颖曰：“选，数之也。”

注 集解徐广曰：“率，循也。迩，近也。武，结也。循省近世之遗结。”索隐案：率，循也。迩，近也。言循览近代之事，则继迹可知也。

注 集解徐广曰：“遯，远也。听察远古之风声。”索隐风声，风雅之声。以言听远古之事，则着在风雅之声也。

注 索隐纷纶葳蕤。胡广曰：“纷，乱也。纶，没也。葳蕤，委顿也。”张揖云：“乱罔。”

注 集解汉书音义曰：“昭，明也。夏，大也。德明大，相继封禅于泰山者七十有二人。”索隐七十有二君，韩诗外传及封禅书皆然。

注 集解徐广曰：“若，顺也。”骀案：韦昭曰“畴，谁也。言顺善必昌，逆失必亡”。

轩辕之前，遐哉邈乎，其详不可得闻也。五三六经 载籍之传，维见可观也。

书曰“元首明哉，股肱良哉”。因斯以谈，君莫盛于唐尧，臣莫贤于后稷。后稷创业于唐，公刘发结于西戎，文王改制，爰周郅隆， 大行越成， 而后陵夷衰微，千载无声， 岂不善始善终哉。然无异端，慎所由于前，谨遗教于后耳。故轨结夷易，易遵也；湛恩蒙涌，易丰也；宪度着明，易则也；垂统

理顺，易继也。是以业隆于襁褓而崇冠于二后。揆厥所元，终都攸卒，未有殊尤绝结可考于今者也。然犹躡梁父，登泰山，建显号，施尊名。大汉之德，逢涌原泉，沕涌漫衍，旁魄四塞，云尊雾散，上畅九垓，下泝八埏。怀生之类沾濡浸润，协气横流，武节飘逝，迤陝游原，迴阔泳沫，首恶湮没，闇昧昭皙，昆虫凯泽，回首面内。然后圉驹虞之珍鬻，徼麋鹿之怪兽，迟一茎六穗于庖，牺双觝共抵之兽，获周余珍收龟于岐，招翠黄乘龙于沼。鬼神接灵圉，宾于闲馆。奇物譎诡，俶傥穷变。钦哉，符瑞臻兹，犹以为薄，不敢道封禅。盖周跃鱼陨杭，休之以燎，微夫斯之为符也，以登介丘，不亦惑乎！[二〇]进让之道，其何爽与？[二一]

注 索隐胡广云：“五，五帝也。三，三王也。六，六经也。”案：六经，诗、书、礼、乐、易、春秋也。

注 集解徐广曰：“‘郢’盖字误。皇甫谧曰‘王季徙郢故周书曰‘维王季宅郢’。孟子称‘文王(生)[卒]于毕郢或者‘郢’字宜为‘郢’乎？或为‘脰’，北地有郁郢县。脰，大也，音质。”驷案：汉书音义曰“郢，至也”。

索隐爰，于，及也。郢，大也。隆，盛也。应劭曰“郢，至也”。樊光云“郢，可见之大也”。徐及皇甫之说皆非也。以言文王改制，及周而大盛也。

注 集解汉书音义曰：“行，道也。文王始开王业，改正朔，易服色，太平之道于是成矣。”索隐案：行，道也。越，于也。以言道德大行，于是而成之也。

注 集解徐广曰：“周之王四海，千载之后声教乃绝。”驷案：韦昭曰“无恶声”。

注 集解汉书音义曰：“襁褓谓成王也。二后谓文、武也。”

周公负成王致太平，功德冠于文武者，道成法易故也。”

注 集解汉书音义曰：“都，于；卒，终也。”

注 集解韦昭曰：“汉德逢涌如泉原也。”索隐逢源泉。张揖曰：“逢，遇也。

喻其德盛若遇泉源之流也。”又作“峰”，读曰烽。胡广曰：“自此已下，论汉家之德也。”

注 集解徐广曰：“尊音布。”

注 集解徐广曰：“音衍。”骊案：汉书音义曰“畅，达；垓，重也。泝，流也。埏音延，地之际也。言其德上达于九重之天，下流于地之八际也”。

注 集解汉书音义曰：“迓，近；原，本也。迥，远；阔，广也。泳，浮也。

恩德比之于水，近者游其原，远者浮其沫。”

注 集解汉书音义曰：“始为恶者皆湮灭。闇昧，喻夷狄皆化。”

注 集解韦昭曰：“面，向也。”

注 集解汉书音义曰：“徼，遮也。麋鹿得其奇怪者，谓获白麟也。”

注 集解徐广曰：“迟，瑞禾也。”骊案：汉书音义曰“谓嘉禾之米，于庖厨以供祭祀”。索隐迟一茎六蕙。郑玄云：“迟，择也。”说文云：“嘉禾一名迟。”

字林云：“禾一茎六蕙谓之迟也。”

注 集解徐广曰：“抵音底。”骊案：汉书音义曰“牺，牲也。觝，角也。

底，本也。武帝获白麟，两角共一本，因以为牲也”。

注 集解徐广曰：“一作‘放龟’。”骊案：汉书音义曰“余珍，得周鼎也。

岐，水名也”。索隐余珍，案谓得周鼎也。

注 集解汉书音义曰：“翠黄，乘黄也。龙翼马身，黄帝乘之而登仙。言见乘黄而招呼之。礼乐志曰‘訾黄其何不来下余吾渥洼水中出神马，故曰乘龙于沼。’索隐服虔云“龙翠色”。又云“即乘黄也。乘四龙也”。周书云“乘黄似狐，背上有两角”也。

注 集解徐广曰：“言至德与神明连接，故灵圉为宾旅于闲馆矣。”郭璞曰：

“灵圉，仙人名也。”

注 索隐杭，舟也。胡广云：“武王渡河，白鱼入于王舟，俯取以燎。陨，坠之于舟中也。”

注 [二〇] 集解汉书音义曰：“介，大；丘，山也。言周以白鱼为瑞，登太山封禅，不亦粦乎！”

注 [二一] 集解徐广曰：“爽，差异也。”驷案：汉书音义曰“进，周也。让，汉也。言周末可封禅而封禅为进，汉可封禅而不封禅为让也”。索隐何其爽与。爽犹差也。言周末可封而封，汉可封而不封，为进让之道皆差之也。

于是大司马进曰：“陛下仁育醜生，义征不悖，诸夏乐贡，百蛮执贄，德侔往初，功无与二，休烈浹洽，符瑞觶变，期应绍至，不特创见。意者泰山、梁父设坛场望幸，盖号以况荣，上帝垂恩储祉，将以荐成，陛下谦让而弗发也。挈三神之驪，缺王道之仪，醜臣恐焉。或谓且天为质闇，珍符固不可辞；若然辞之，是泰山靡记而梁父靡几也。亦各并时而荣，咸济世而屈，说者尚何称于后，而云七十二君乎？夫修德以锡符，奉符以行事，不为进越。故圣王弗替，而修礼地只，谒款天神，勒功中岳，以彰至尊，舒盛德，发号荣，受厚福，以浸黎民也。皇皇哉斯事！”

天下之壮观，王者之丕业，不可贬也。愿陛下全之。而后因杂荐绅先生之略术，使获耀日月之末光绝炎，以展采错事，犹兼正列其义，校饬厥文，作春秋一艺，将袭旧六为七，摭之无穷，俾万世得激清流，扬微波，蜚英声，腾茂实。前圣之所以永保鸿名而常为称首者用此，宜命掌故悉奏其义而览焉。”

注 集解汉书音义曰：“大司马，上公也，故先进议。愬音惠，顺也。”

注 集解徐广曰：“不但初显符瑞而已，盖将终以封禅之事。”索隐文颖曰：

“不独一物，造次见之。”胡广云：“符瑞觶多，应期相继而至也。”

注 索隐设坛场望幸华。案：诸本或作“望华盖”。华盖，星名，在紫微太帝之上。今言望华盖、太帝耳。且言设坛场望幸者，望圣帝之临幸也，义亦两通。

而孟康、服虔注本皆云“望幸”下有“华”字，而挚虞流别集则唯云“望幸”，当是也，于义易通。直以后人见“幸”下有“盖”字，又“幸”字似“华”字，因疑惑，遂定“华”字，使之误也。

注 集解徐广曰：“以况受上天之荣为名号。”索隐案：文颖曰“盖，合也。”

言考合前代之君，揆其荣而相比况而为号也”。大颜云“盖，语辞也。言盖欲纪功立号，受天之况赐荣名也”。于义为惬。然其文云“盖”，词义典质，又上与“幸”字连文，致令有“华盖”之谬也。

注 集解徐广曰：“以觶瑞物初至封禅处，荐之上天，告

成功也。”索隐荐，案汉书作“庆”，义亦通也。

注 集解徐广曰：“挈犹言垂也。”驷案：韦昭曰“挈，缺也。三神，上帝、泰山、梁父也”。索隐案：徐氏云“挈犹垂”，非也。应劭作“绝”，李奇、韦昭作“阙”，意亦不远。三神，韦昭以为上帝、太山、梁父，如淳谓地只、天神、山岳也。

注 集解汉书音义曰：“言天道质昧，以符瑞见意，不可辞让也。”索隐孟康曰：“言天道质昧，以符瑞见意，不可辞让也。”

注 集解汉书音义曰：“太山之上无所表记，梁父坛场无所庶几。”索隐案：

几音冀。

注 集解汉书音义曰：“屈，绝之也。言古帝王但作一时之荣，毕代而绝也。”

索隐言自古封禅之帝王，是各并时而荣贵，咸有济代之勋；而屈者，谓言抑屈总不封禅，使说者尚何称述于后代也，如上文云“七十二君”者哉？

注 集解徐广曰：“若无封禅之遗绪，则荣尽于当时，至于历世之后，人何所述？”

注 索隐文颖曰：“越，踰也。不为苟进踰礼也。”

注 集解汉书音义曰：“款，诚也。谒告之报诚也。”

注 集解徐广曰：“错音厝。”驷案：汉书音义曰“采，官也。使诸儒记功着业，得鬻日月未光殊绝之用，以展其官职，设厝其事业者也”。

注 集解徐广曰：“校，一作‘袞’。袞犹拂也，音废也。”驷案：汉书音义曰“春秋者，正天时，列人事，诸儒既得展事业，因兼正天时，列人事，即述大义为一经”。

注 集解韦昭曰：“今汉书增一，仍旧六为七也。”

注 集解徐广曰：“攄，一作‘胪’。胪，也。”索隐广雅云：“攄，张舒也。”

注 索隐胡广曰：“飞扬英华之声，腾驰茂盛之实也。”

注 索隐案：谓用此封禅。

注 集解汉书音义曰：“掌故，太史官属，主故事也。”

于是天子沛然改容，曰：“愉乎，朕其试哉！”乃迁思回虑，总公卿之议，询封禅之事，诗大泽之博，广符瑞之富。

乃作颂曰：

注 集解汉书音义曰：“诗，歌咏功德也，下四章之颂也。大泽之博，谓‘自我天覆，云之油油’。广符瑞之富，谓‘斑斑之兽’以下三章，言符瑞广大富饶也。”

自我天覆，云之油油。 甘露时雨，厥壤可游。滋液渗漉，何生不育；

嘉自我天覆，云之油油。 甘露时雨，厥壤可游。滋液渗漉，何生不育；

嘉谷六穗，我穡曷蓄。

注 集解汉书音义曰：“油油，云行貌。孟子曰‘油然作云，沛然下雨’。”

注 集解徐广曰：“渗音色荫反。”索隐案：说文云“渗漉，水下流之蛸也”。

注 集解徐广曰：“何所畜邪？畜嘉谷。”

非唯雨之，又润泽之；非唯濡之，泛尊灌之。 万物熙熙，怀而慕思。名山非唯雨之，又润泽之；非唯濡之，泛尊灌之。

万物熙熙，怀而慕思。名山显位，望君之来。 君乎君乎，

侯不迈哉！

注 集解徐广曰：“古‘布’字作‘專’。”索隐胡广曰：“泛，普也。言雨泽非偏于我，普簷布散，无所不濩之也。”

注 集解韦昭曰：“名山，大山也。显位，封禅也。”

注 索隐李奇云：“侯，何也。言君何不行封禅之事也。”

案：迈训行也。如淳云“侯，维也”。

般般之兽，乐我君囿；白质黑章，其仪可(嘉)[喜]；
 眈眈睦睦，君子之般般之兽，乐我君囿；白质黑章，其仪可
 (嘉)[喜]；眈眈睦睦，君子之能。盖闻其声，今观其来。
 厥涂靡踪，天瑞之征。兹亦于舜，虞氏以兴。

注 索隐案：般般，文彩之蜩也，音班。胡广曰“谓驺虞也”。

注 集解徐广曰：“眈音旻，和貌也。能，一作‘恣’。”
 驺案：汉书音义曰“旻和穆敬，言和且敬，有似君子”。索
 隐眈音旻。

注 集解徐广曰：“其所来路非有结，盖自天降瑞，不行
 而至也。”

注 索隐文颖曰：“舜百兽率舞，则驺虞亦在其中者已。”

濯濯之麟，游彼灵畴。孟冬十月，君俎郊祀。驰我君
 舆，帝以享祉。

三濯濯之麟，游彼灵畴。孟冬十月，君俎郊祀。驰我
 君舆，帝以享祉。

三代之前，盖未尝有。

注 索隐诗人云“麀鹿濯濯”，注云“濯濯，嬉游蜩也”。

注 集解汉书音义曰：“武帝祠五畤，获白麟，故言游灵畤。”

宛宛黄龙，兴德而升；采色炫耀，燿炳辉煌。正阳显见，觉寤黎烝。宛宛黄龙，兴德而升；采色炫耀，燿炳辉煌。正阳显见，觉寤黎烝。

于传载之，云受命所乘。

注 索隐胡广曰：“屈伸也。”

注 集解徐广曰：“燿音晃。辉音魂。”

注 索隐文颖曰：“阳，明也。谓南面受朝也。”

注 索隐如淳云：“书传所载，揆其比类，以为汉土德，黄龙为之应，见之于成纪，故云受命所乘也。”

厥之有章，不必谆谆。依类托寓，谕以封峦。厥之有章，不必谆谆。依类托寓，谕以封峦。

注 集解徐广曰：“谆，止纯反。告之丁宁。”驸案：汉书音义曰“天之所命，表以符瑞，章明其德，不必谆谆然有语言也。”

注 集解汉书音义曰：“寓，寄也。峦，山也。言依事类托寄，以喻封禅者。”

披艺观之，天人之际已交，上下相发允答。圣王之德，兢兢翼翼也。故曰“兴必虑衰，安必思危”。是以汤武至尊严，不失肃祗；舜在假典，顾省厥遗：

此之谓也。

注 集解徐广曰：“假，大也。”

司马相如既卒 五岁，天子始祭后土。八年而遂先礼中岳，

封于太山，至梁父禅肃然。

注 集解徐广曰：“元狩五年也。”

注 正义嵩高也，在洛州阳城县西北二十二里。

注 正义在兖州博城县西北三十里。

注 集解徐广曰：“小山，在泰山下趾东北。”

相如他所着，若遗平陵侯书、与五公子相难、草木书篇不采，采其尤着公卿者云。

注 集解徐广曰：“苏建也。”

太史公曰：春秋推见至隐，易本隐之以显，大雅言王公大人而德逮黎庶，小雅讥小己之得失，其流及上。所以言虽外殊，其合德一也。相如虽多虚辞滥说，然其要归引之节俭，此与诗之风谏何异。杨雄以为靡丽之赋，劝百风一，犹驰骋郑卫之声，曲终而奏雅，不已亏乎？余采其语可论者着于篇。

注 集解韦昭曰：“推见事至于隐讳，谓若晋文召天子，经言‘狩河阳’之属。”

索隐李奇曰：“隐犹微也。言其义彰而文微，若隐公见弑，而经不书，讳之。”

韦昭曰：“推见事至于隐讳，谓若晋文召天子，经言‘狩河阳’之属。”

注 集解韦昭曰：“易本隐微妙，出为人事乃显著也。”

索隐韦昭曰：“易本阴阳之微妙，出为人事乃更昭著也。”虞喜志林曰：“春秋以人事通天道，是推见以至隐也。易以天道接人事，是本隐以之明显也。”

注 集解韦昭曰：“先言王公大人之德，乃后及觴庶也。”

索隐文颖曰：“大雅先言大人王公之德，后及觴庶。”

注 集解韦昭曰：“小雅之人志狭小，先道己之忧苦，其流乃及上政之得失者。”

索隐文颖曰：“小雅之人材志狭小，先道己之忧苦，其末流及上政之得失也。故礼纬云小雅讥己得失，及之于上也。”

【索隐述赞】相如纵诞，窃贵卓氏。其学无方，其才足倚。子虚过咤，上林非侈。四马还邛，百金献伎。惜哉封禅，遗文卓尔。